

# শর্মিষ্ঠা নাটক ।

---

শ্রীমাইকেল মধুসূদন দত্ত

প্রণীত ।

---

দ্বিতীয় বার মুদ্রিত ।

---

কলিকাতা ।

শ্রীযুত ঈশ্বরচন্দ্র বসু কোং বহুবাজারস্থ ১৮২ সংখ্যক ভবনে  
ইন্টারন্যাশনাল প্রেসে মুদ্রিত ।

সন ১২৭০ সাল ।



## মঙ্গলাচরণ ।



মদেক সদয়বর

শ্রীল শ্রীযুক্ত রাজা প্রতাপচন্দ্র সিংহ বাহাদুর,

তথা

শ্রীল শ্রীযুক্ত রাজা ঈশ্বরচন্দ্র সিংহ বাহাদুর,

মহোদয়েষু ।

নমস্কার পুরঃসর নিবেদন মিদং ।

আমি এই দৈত্যরাজবাল্য শর্মিষ্ঠাকে মহাশয়দিগকে অর্পণ করিতেছি । যদ্যপি ইনি আপনাদের এবং শ্রোতৃবর্গের অনুগ্রহের উপযুক্ত পাত্রী হইলেন, তবে আমার পরিশ্রম সফল হইবে এবং আমিও কৃতকার্য হইব ।

মহাশয়দিগের বিদ্যানুরাগে এ দেশের যে কি পর্য্যন্ত উপকার হইতেছে, তাহা আমার বলা বাহুল্য । আমি এই প্রার্থনা করি যে আপনাদিগের দেশহিতৈষিতাদি গুণরাগে এ ভারতভূমি যেন বিদ্যাবিষয়ক স্বীয় প্রাচীন শ্রী পুনর্দ্বারণ করেন ইতি ।

শ্রী মাইকেল মধুসূদন দত্তস্য ।

কলিকাতা

১৫ পৌষ, মন ১২৬৫ সাল ।

}

# নাট্যোল্লিখিত ব্যক্তিগণ ।



যযাতি

মাধব্য ( বিদূষক )

রাজমন্ত্রী

শুক্লাচার্য

কপিল ( তস্য শিষ্য )

বকাসুর

অন্য একজন দৈত্য

এক জন ব্রাহ্মণ

দৌবারিক

---

দেবযানী

শর্মিষ্ঠা

পূর্ণিকা ( দেবযানীর সখী )

দেবিকা ( শর্মিষ্ঠার সখী )

নটী

একজন পরিচারিকা

দুই জন চেতী

---

নাগরিক গণ

সভাসদগণ ইত্যাদি



# শম্মিষ্ঠা নাটক।

প্রথমাক্ষ।

প্রথম গর্তাক্ষ।

হিমালয় পর্বত—দূরে ইন্দ্রপুরী অমরাবতী।

এক জন দৈত্য যুদ্ধবেশে।

দৈত্য। (স্বগত) আমি প্রতাপশালী দৈত্যরাজের আদেশানু-  
সারে এই পর্বতপ্রদেশে অনেক দিন অবধি ত বাস করি; দিবা-  
রাত্রের মধ্যে ক্ষণকালও স্বচ্ছন্দে থাকি না; কারণ ঐ দূরবার্ত্তি  
নগরে দেবতার। যে কখন কি করে, কখনই বা কে সেখান হতো  
রণসজ্জায় নির্গত হয়, তার সংবাদ অনুরপতির নিকটে তৎক্ষণাৎ  
লয়ে যেতে হয়। (পরিক্রমণ) আর এ উপত্যকাভূমি যে নিতান্ত  
অরমণীয় তাও নয়;—স্থানে স্থানে তরুশাখায় নানা বিহঙ্গমগণ

মধুরস্বরে গান কচ্যে; চতুর্দিকে বিবিধ বনকুম্ভ বিকশিত; ঐ  
 দূরস্থিত নগর হতে পারিজাত পুষ্পের সুগন্ধ সহকারে মৃদু মন্দ  
 পবন সঞ্চার হচে; আর কখন কখন মধুরকণ্ঠ অপ্সরীগণের তান-  
 লয় বিশুদ্ধ মঙ্গীতও কর্ণকুহর শীতল করে; কোথাও ভীষণ  
 সিংহের নাদ, কোথাও ব্যাঘ্র মহিষাদির ভয়ঙ্কর শব্দ, আবার  
 কোথাও বা পর্বত নিঃসৃত বেগবতী নদীর কুলকুল ধ্বনি হচে।  
 কি আশ্চর্য্য! এই স্থানের গুণে স্বজন বান্ধবের বিরহদুঃখও আমি  
 প্রায় বিস্মৃত হয়েছি। ( পরিক্রমণ )। অহো! কার যেন পদশব্দ  
 স্রুতিগোচর হলো না! ( চিন্তা করিয়া ) তা এ ব্যক্তিটা শত্রু কি  
 মিত্র, তাও ত অনুমান কতে পারি না; যা হোক, আমার রণ-  
 সজ্জায় প্রস্তুত থাকা উচিত। ( অসি চর্ম গ্রহণ ) বোধ হয়, এ  
 কোন সামান্য ব্যক্তি না হবে। উঃ! এর পদভরে পৃথিবী যেন  
 কম্পমানা হচেন।

( বকাসুরের প্রবেশ । )

( প্রকাশে ) কস্তুর ?

বক। দৈত্যপতি বিজয়ী হউন, আমি তাঁরই অনুচর।

দৈত্য। ( সচকিতে ) ও! মহাশয়? আস্তে আস্তে হটক।

নমস্কার।

বক। নমস্কার। তবে দৈত্যবর, কি সংবাদ বল দেখি?

দৈত্য। এ স্থলের সকলি মঙ্গল। দৈত্যপুরীর কুশল বার্তায়  
 চরিতার্থ ককন।

বক। তাই হে, তার আর বলবে কি, অদ্য দৈত্যকুলের এক  
 প্রকার পুনর্জন্ম।

দৈত্য। কেন কেন, মহাশয়?

বক। মহর্ষি শুক্রাচার্য্য ক্রোধাক্ত হয়ে দৈত্যদেশ পরিত্যাগে  
 উদ্যত হয়ে ছিলেন।

দৈত্য। কি সর্বনাশ! একি অদ্ভুত ব্যাপার, এর কারণ কি?  
বক। ভাই, স্ত্রীজাতি সর্বত্রই বিবাদের মূল। দৈত্যরাজ-  
কন্যা শর্মিষ্ঠা, গুরুকন্যা দেবযানীর সহিত কলহ করে, তাঁকে এক  
অন্ধকারময় কুপে নিক্ষেপ করেন, পরে দেবযানী এই কথা আপন  
পিতা তপোধনকে অবগত করালে, তিনি ক্রোধে প্রজ্বলিত হুতা-  
শনের ন্যায় একবারে জ্বলে উঠলেন! আঃ! সে বৃক্ষাগ্নিতে যে  
আমরা সনগর দক্ষ হই নাই, সে কেবল দেব দেব মহাদেবের রূপা,  
আর আমাদের সৌভাগ্য।

দৈত্য। আজ্ঞে তার সন্দেহ কি! কিন্তু গুরুকন্যা দেবযানী  
রাজকুমারী শর্মিষ্ঠার প্রাণস্বরূপ, তা তাঁদের উভয়ে কলহ হও-  
য়াও ত অতি অসম্ভব।

বক। হাঁ তা যথার্থ বটে, কিন্তু ভাই উভয়েই নবর্যোবন-মদে  
উন্মত্ত।

দৈত্য। তার পর কি হলো মহাশয়?

বক। তার পর মহর্ষি শুক্রাচার্য্য, ক্রোধে রক্তনয়ন হয়ে,  
রাজসভায় গিয়ে মুক্তকণ্ঠে বল্যেন, রাজন্! অদ্যাবধি তুমি ক্রীত-  
হবে, আমি এই অবধি এস্থান পরিত্যাগ কল্যাম, এ পাপনগরীতে  
আমার আর অবস্থিতি কর, কখনই হবে না। এই বাক্যে সভাসদ  
সকলের মস্তকে যেন বজ্রপাত হলো, আর সকলেই ভয়ে ও  
বিস্ময়ে স্পন্দহীন হয়ে রেল।

দৈত্য। তার পর মহাশয়?

বক। পরে মহারাজ রুতাঞ্জলিপুটে অনেক স্তব করে বল্যেন,  
গুরো! আমি কি অপরাধ করেছি, যে আপনি আমাকে সবংশে  
নিধন কতো উদ্যত হয়েছেন? আমরা সপরিবারে আপনার ক্রীত-  
দাস, আর আপনার প্রসাদেই আমার সকল সম্পত্তি! তাতে  
মহর্ষি বল্যেন, সে কি মহারাজ? তুমি দৈত্যকুলপতি, আমি একজন  
ভিক্ষাজীবী ব্রাহ্মণ, আমাকে কি তোমার এ কথা বলা সম্ভবে?

রাজা তাতে আরো কাতর হয়ে, মহর্ষির পদতলে পতিত হলেন, আর বলতে লাগলেন, গুরো, আপনার এ ভয়ানক ক্রোধের কারণ কি, আমাকে বলুন।

দৈত্য। তা মহর্ষি এ কথায় কি আজ্ঞা কল্যেন?

বক। রাজার নম্রতা দেখে মহর্ষি ভূতল হতে তাঁকে উত্থিত কল্যেন, আর আপনার কন্যার সহিত রাজকুমারীর বিবাদের রক্তাস্ত সমুদয় জ্ঞাত করিয়ে বল্যেন, রাজন্! দেবযানী আমার একমাত্র কন্যা, আমার জীবনাপেক্ষাও স্নেহপাত্রী, তা, যে স্থানে তার কোনরূপ ক্লেশ হয়, সে স্থান আমার পরিত্যাগ করাই উচিত। রাজা এ কথায় বিস্ময়গাপন্ন হয়ে, করযোড় করে এই উত্তর দিলেন, প্রভো! আমি এ কথার বিন্দু বিন্দু জানিনে, তা আপনি সে পাপশীলা শর্মিষ্ঠার যথোচিত দণ্ড বিধান করে ক্রোধ সম্বরণ করুন, নগর পরিত্যাগের প্রয়োজন কি?

দৈত্য। ভগবান্ ভার্গব তাতে কি বল্যেন?

বক। তিনি বল্যেন, এ পাপের আর প্রায়শ্চিত্ত কি আছে? তোমার কন্যা চিরকাল দেবযানীর দাসী হয়ে থাকুক, এই আমার ইচ্ছা।

দৈত্য। উঃ! কি সর্বনাশের কথা!

বক। মহারাজ এই বাক্য শুনে বেন জীবনুতোর ন্যায় হল্যেন। তাতে মহর্ষি সক্রোধে রাজাকে পুনর্ব্বার বল্ল্যেন, রাজন্! তুমি যদি আমার বাক্যে সন্মত না হও, তবে বল আমি এই মুহূর্ত্তেই এস্থান হতে প্রস্থান করি। মহর্ষি ভার্গবকে পুনরায় ক্রোধান্বিত দেখে মন্ত্রিবর কৃতাজলি পূর্ব্বক মহারাজকে সম্বোধন করে বল্ল্যেন, মহারাজ! আপনি কি একটি কন্যার জন্যে সবংশে নিবংশ হবেন? দেখুন দেখি, যদি কোন বনিক সুবর্ণ, রৌপ্য, ও



নানাবিধ মহামূল্য রত্নজাত পরিপূর্ণ একখানি পোত লয়ে সমুদ্রে  
গমন করে, আর যদি সে সময়ে ঘোরতর ঘনঘটা দ্বারা আকাশ-  
মণ্ডল আবৃত হয়ে প্রবলতর ঝটিকা বইতে থাকে, তবে কি সে  
ব্যক্তি আপনার প্রাণরক্ষার নিমিত্তে সে সময়ে সে সমুদায় মহা-  
মূল্য রত্নজাত গভীর সমুদ্রমধ্যে নিক্ষেপ করে না ?

দৈত্য । তার পর মহাশয় ?

বক । দৈত্যাধিপতি মন্ত্রিবরের এই হিতকর বাক্য শুনে দীর্ঘ-  
নিশ্বাস পরিত্যাগ করে রাজকুমারীকে অগত্যায় সভায় আনয়ন  
করতে অনুমতি দিলেন ; পরে রাজহুহিতা সভায় উপস্থিতা  
হলো, মহারাজ অশ্রুপূর্ণলোচনে ও গদ্যাদবচনে তাঁকে সমুদয়  
অবগত করালেন আর বললেন, “বৎসে ! অদ্য তোমার হস্তেই  
দৈত্যকুলের পরিত্রাণ । যদি তুমি মহর্ষির এই নিষ্ঠুর আজ্ঞা  
প্রতিপালন কতো স্বীকার না কর, তবে আমার এরাজ্য শীঘ্র  
হবে, এবং আমিও চিরবিরোধি দুর্দান্ত দেবগণ কর্তৃক পরাজিত  
হয়ে নানা ক্লেশে পতিত হব ।”

দৈত্য । হায় ! হায় ! কি সর্বনাশ !—রাজকুমারী পিতার  
এতাদৃশ বাক্য শ্রবণে কি প্রত্যুত্তর দিলেন ?

বক । ভাই হে ! রাজতনয়ার তৎকালীন মুখচন্দ্র মনে করলে  
পাষণ্ডহৃদয়ও বিদীর্ণ হয় । রাজকুমারী যখন সভায় উপস্থিত  
হলো, তখন তাঁর মুখমণ্ডল শরচ্ছত্রের ন্যায় প্রসন্ন ছিল ; কিন্তু  
পিতৃবাক্যে মেঘাচ্ছন্ন শশধরের ন্যায় একবারে মলিন হয়ে গেল !  
( দীর্ঘনিশ্বাস পরিত্যাগ করিয়া ) হা হতদৈব ! এমন সুন্দরীর  
অদৃষ্টে কি এই ছিল ! অনন্তর রাজপুত্রী শর্নিষ্ঠা সভা হতে  
পিতৃ-আজ্ঞায় সম্মতা হয়ে প্রস্থান করলো পর, মহারাজ যে কত-  
প্রকার আক্ষেপ ও বিলাপ করতে আরম্ভ করলেন, তা স্মরণ হলো  
অধৈর্য হতে হয় ! ( দীর্ঘনিশ্বাস ) ।

দৈত্য । আহা, কি দুঃখের বিষয় ! তবে কি না বিধাতার

নির্ঝঙ্ক কে লঙ্ঘন করতে পারে? হে ধনুর্দ্ধারিন্! এক্ষণে আচার্য্য মহাশয়ের কোপাগ্নি ত নির্ঝঙ্ক হয়েছে?

বক। আর না হবে কেন?

দৈত্য। তবে আপনি যে বলেছিলেন অদ্য দৈত্যকুলের পুনর্জন্ম হলো তা কিছু মিথ্যা নয়। (চিন্তা করিয়া) হে অশুর-শ্রেষ্ঠ! যখন মহর্ষির সহিত মহারাজের মনান্তর হবার উপক্রম হয়েছিল, তখন যদি ঐ দুর্দান্ত দেবগণেরা এ সংবাদ প্রাপ্ত হতো, তা হলে যে তারা কি পর্য্যন্ত পরিতুষ্ট হতো, তা অনুমান করা যায় না।

বক। তা সত্য বটে। আর আমিও তাই জানতে এসেছি যে দেবতারা এ কথা কিছু অনুসন্ধান পেয়েছে কি না। তুমি কি বিবেচনা কর, দেবেন্দ্র প্রভৃতি দৈত্যারিগণ এ সংবাদ পায় নাই?

দৈত্য। মহাশয়! দেবদূতেরা পরম গায়ত্রী, এবং তাদের গতি মনোরথ আর সৌদামিনী অপেক্ষাও বেগবতী; স্বর্গ, মর্ত্য, পাতাল, এই ত্রিভুবনের মধ্যে কোন স্থানই তাদের অগম্য নয়।

বক। তা ষথার্থ বটে, কিন্তু দেখ, ঐ নগরে সকলেই স্থিরভাবে আছে। বোধ করি, অমরগণ দৈত্যরাজের সহিত ভগবান্ ভার্গবের বিবাদের কোন সূচনা প্রাপ্ত হয় নাই, তা হলে তারা তৎক্ষণাৎ রণসজ্জায় সজ্জিত হয়ে নগর হতে নির্গত হতো।

দৈত্য। মহাশয়! আপনি কি অবগত নন, যে প্রবল বাত্যা-রন্তের পূর্বে সমুদায় প্রকৃতি স্থিরভাবে অবস্থিতি করেন?—যা হউক, সুকুমারী রাজকুমারী এখন কোথায় আছেন?

বক। (দীর্ঘনিশ্বাস ত্যাগ করিয়া) তিনি এখন গুণকন্যা দেব-যানীর সহিত আচার্য্যের আশ্রমেই অবস্থিতি কচেন। তাই হে! সেই সুকুমারী রাজকুমারী ব্যতিরেকে দৈত্যপুরী একবারে অন্ধ-কারময়ী হয়ে রয়েছে! রাজমহিবীর রোদনধ্বনি শ্রবণ করলো

বক্ষঃস্থল বিদীর্ণ হয়, এবং মহারাজের যে কি পর্যাস্ত মনোভুঃখ, তা  
স্মরণ হলো ইচ্ছা হয় না যে দৈত্যদেশে পুনর্গমন করি। ( নে-  
পথে রণবাদ্য, শঙ্খনাদ, ও ছুঁকার ধ্বনি )।

দৈত্য। মহাশয় ! ঐ শ্রবণ করুন,—শতবজ্র শব্দের ন্যায়  
ছুঁদান্ত দেবগণের শঙ্খনাদ ক্রুতিগোচর হচে। উঃ, কি ভয়ানক  
শব্দ !

বক। ছুঁ দস্যুদল তবে দৈত্যদেশ আক্রমণে উদ্যত হলো  
না কি ?

( নেপথে ) দৈত্যকুল সংহার কর ! দৈত্যদেশ সংহার কর !

দৈত্য। অহো ! এ কি প্রলয়কাল উপস্থিত, যে সপ্ত সমুদ্র  
ভীষণ গর্জন পূর্বক তীর অতিক্রম কর্চো ?

বক। ওহে বীরবর ! এস্থলে আর বিলম্ব করবার প্রয়োজন  
নাই ; ছুঁ দেবগণের অভিলাষ সম্পূর্ণরূপেই প্রকাশ পাচে।  
চল, স্বরায় দৈত্যরাজের নিকট এ সংবাদ লয়ে যাই। ঐ ছুঁ  
দেবগণের শঙ্খধ্বনি শুন্লে আমার সর্ব শরীরের শোণিত উষ্ণ  
হয়ে উঠে।

[ উভয়ের প্রস্থান ।

## দ্বিতীয় গর্তাক

দৈত্য দেশ—গুরু শুক্রাচার্যের আশ্রম।

শর্নিষ্ঠার সখী দেবিকার প্রবেশ।

দেবি। ( আকাশ প্রতি দৃষ্টিপাত করিয়া স্বগত ) সূর্য্যদেব ত  
প্রায় অন্তগত হলেন। এই যে আশ্রমে পক্ষিসকল কুজনধ্বনি  
করে চারি দিক হতে আপন আপন বাসায় ফিরে আসিচো ;  
কমলিনী আপনার প্রিয়তম দিনকরকে গমনোন্মুখ দেখে বিষাদে

মুদিতপ্রায়; চক্রবাকু ও চক্রবাকুবধু, আপনাদের বিরহসময়  
 সন্নিহিত দেখে, বিষমভাবে উপবিষ্ট হয়ে, উভয়ে উভয়ের প্রতি  
 একদৃষ্টি অবলোকন কর্চ্যে; মহর্ষিগণ স্বীয় স্বীয় হোমায়িতে  
 সায়ংকালীন আহুতিপ্রদানের উদ্যোগে ব্যস্ত; দুঃখতারে ভারী-  
 ক্রান্ত গাভী সকল বৎসাবলোকনে অতিশয় উৎসুক হয়ে বেগে  
 গোষ্ঠে প্রবিষ্ট হ্চ্যে। ( আকাশমণ্ডলের প্রতি পুনর্দৃষ্টি নিক্ষেপ  
 করিয়া ) এই ত সন্ধ্যাকাল উপস্থিত, কিন্তু রাজকুমারী যে এখনও  
 আস্চেন না, কারণ কি? ( দীর্ঘনিশ্বাস পরিত্যাগ করিয়া ) আহা!  
 প্রিয়সখীর কথা মনে উদয় হল্যে, একবারে হৃদয় বিদীর্ণ হয়! হা  
 হতবিধাতঃ! রাজকূলে জন্মগ্রহণ কর্যে শর্মিষ্ঠাকে কি যথার্থই  
 দাসী হত্যে হল্যে? আহা! প্রিয়সখীর সে পূর্ব রূপ লাবণ্য  
 কোথায় গেল? তা এতাদৃশী ছুরবস্থায় কি প্রকারেই বা সে  
 অপরূপ রূপলাবণ্যের সম্ভব হয়? নির্মল মলিলে যে পদ্ম বিকশিত  
 হয়, পঙ্কিল জলে তাকে নিক্ষেপ করল্যে, তার কি আর তাদৃশী  
 শোভা থাকে? ( অবলোকন করিয়া সহর্ষে ) ঐ যে আমার প্রিয়-  
 সখী আস্চেন!

( শর্মিষ্ঠার প্রবেশ । )

( প্রকাশে ) রাজকুমারি! তোমার এত বিলম্ব হল্যে কেন?

শর্মি। সখি! বিধাতা এক্ষণে আমাকে পরাধীন করেছেন,  
 সুতরাং পরবশ জনের স্বেচ্ছানুসারে কর্ম করা কি কখন সম্ভব  
 হয়?

দেবি। প্রিয়সখি! তোমার দুঃখের কথা মনে হল্যে আমার  
 হৃদয় বিদীর্ণ হয়! হা কুমুমকুমারি! হা চাকশীলে! তোমার  
 অদৃষ্টি যে এত ক্লেশ ছিল, এ আমি স্বপ্নেও জান্তেম না!  
 ( রোদন )।

শর্মি। সখি! আর রূখা ক্রন্দনে ফল কি?

দেবি। প্রিয়সখি! তোমার দুঃখে পাবানও বিগলিত হয়!

শশ্বি । সখি ! দুঃখের কথায় অন্তঃকরণ আত্ম হয় বটে, কিন্তু  
টেক, আমার এমন দুঃখ কি ?

দেবি । প্রিয়সখি ! এর অপেক্ষা দুঃখ আর কি আছে ? শশধর  
আকাশমণ্ডল হতে ভূতলে পতিত হয়েছেন ! দেখ, রাজদুহিতা  
হয়ে দাসী হলো ! হা দুর্দৈব ! তোমার কি এ সামান্য বিড়ম্বনা ।

শশ্বি । সখি ! যদিও আমি দাসীত্ব শৃঙ্খলে আবদ্ধা, তথাপি ত  
আমি রাজভোগে বঞ্চিতা হই নাই । এই দেখ ! আমার মনে সেই  
সকল সুখই রয়েছে ! এই অশোক বেদিকা আমার মহাই সিংহাসন  
(বেদিকোপরি উপবেশন) ; এই তরুর আমার ছত্রধর ; এই সন্মুখস্থ  
সরোবরে বিকশিতা কুমুদিনীই আমার প্রিয়সখী ! মধুকর ও মধু-  
করীগণ গুণগুণস্বরে আমারই গুণকীর্তন কর্চো ; স্বয়ং সুগন্ধ  
মলয়মারুত আমার বীজনক্রিয়ার প্ররক্ত হয়েছে ; চক্রমণ্ডল  
নক্ষত্রগণ সহিত আমাকে আলোক প্রদান কর্চো । সখি ! এ সকল  
কি সামান্য বৈভব ? আমাকে এত সুখভোগ কর্তো দেখেও  
তোমার কি আমাকে সুখভোগিনী বলে বোধ হয় না ?

দেবি । (সম্মিত বচনে) রাজনন্দিনি ! একি পরিহাসের সময় ?

শশ্বি । সখি ! আমি ত তোমার সহিত পরিহাস কর্চি না ।  
দেখ, সুখ দুঃখ মনের ধর্ম ; অতএব বাহ্যসুখ অপেক্ষা আন্তরিক  
সুখই সুখ । আমি পূর্বে যে রূপ ছিলাম, এখনও সেইরূপ ;  
আমার ত কিঞ্চিৎমাত্রও চিত্তবিকার হয় নাই ।

দেবি । সখি ! তুমি যা বল, কিন্তু হতবিধাতার এ কি সামান্য  
বিড়ম্বনা ? (রোদন) ।

শশ্বি । হা ধিক ! সখি ! তুমি বিধাতাকে হুথা নিন্দা কর  
কেন ? দেখ দেখি, যদি আমি কোন ব্যক্তিকে দেবভোগ তুল্য  
উপাদেয় মিস্ত্রীর ভোজন কর্তো দি, আর সে যদি তা বিষ সহ-  
কারে ভোজন কর্যে চিররোগী হয়, তবে কি আমি সে ব্যক্তির  
রোগের কারণ বলে গণ্য হতে পারি ?

দেবি । সখি, তা ও কি কখন হয় ?

শর্মা । তবে তুমি বিধাতাকে আমার জন্যে দোষ দেও কেন ?  
বিধাতার এবিষয়ে দোষ কি ? গুরুকন্যা দেবযানীর সহিত আমার  
বিবাদ বিসম্বাদ না হলে ত আমাকে এ দুর্গতি ভোগ করতে  
হতো না । দেখ, পিতা আমার ঠেড়্যরাজ ; তিনি প্রতাপে  
আদিত্য, আর ঐশ্বর্যে ধনপতি ; তাঁর বিক্রমে দেবগণও মশঙ্কিত ;  
আমি তাঁর প্রিয়তমা কন্যা । আমি আপন দোষেই এ দুর্দশায়  
পতিত হয়েছি,—আমি আপনি মিষ্ঠানের সহিত বিষ-মিশ্রিত  
কর্যে ভক্ষণ করেছি, তাই অন্যের দোষ কি ?

দেবি । প্রিয়সখি ! তোমার কথা শুনলে অন্তরাত্মা শীতল  
হয় ! তোমার এতাদৃশী বাকপটুতা, বোধ হয়, যেন স্বয়ং বাগ্-  
দেবীই অবনীতে অবতীর্ণ হয়েছেন । হা বিধাতঃ ! তুমি কি  
নিষ্ঠুরতা প্রকাশ করবার আর স্থান পাও নাই ? এমত সরলা  
বালাকেও কি এত যন্ত্রণা দেওয়া উচিত ? ( রোদন ) ।

শর্মা । সখি ! আর বৃথা রোদন করো না ! অরণ্যে রোদনে  
কি ফল ?

দেবি । ভাল, প্রিয়সখি ! একটা কথা জিজ্ঞাসা করি,—বলি,  
দামী হয়েই কি চিরকাল জীবন যাপন করবে ?

শর্মা । সখি ! কারাবদ্ধ ব্যক্তি কি কখন স্বেচ্ছানুসারে বিমুক্ত  
হতে পারে ? তবে তার বৃথা ব্যাকুল হওয়ায় লাভ কি ? আমি  
যে রূপ বিপদে বেষ্টিত, এহতে কঙ্কণাময় পরমেশ্বর ভিন্ন আর  
কে আমাকে উদ্ধার করতে সক্ষম ! তা, সখি, আমার জন্যে  
তোমার রোদন করা বৃথা ।

দেবি । রাজনন্দিনি, শান্তিদেবী কি তোমার হৃদয়পদ্মে বসতি  
করেন, যে তুমি এক কালীন চিত্তবিকারশূন্যা হয়েছ ? কি  
আশ্চর্য্য ! প্রিয়সখি ! তোমার কথা শুনলে, বোধ হয়, যে তুমি  
যেন কোন বৃদ্ধা তপস্বিনী, শান্তুরসাম্পদ আশ্রমপদে যাবজ্জীবন  
দিনপাত করেছ । আহা ! এও কি সামান্য দুঃখের বিষয় !  
হা হতবিধে ! দুর্লভ পারিজাত পুষ্পকে কি নির্জন অরণ্যে

নিষ্ফেপ করা উচিত ! অমূল্য রত্ন কি সমুদ্রতলে গোপন রাখবার নিমিত্তেই স্বজন করেছ ! (দীর্ঘনিশ্বাস) ।

শর্মা । প্রিয়সখি ! চল, আমরা এখন কুটীরে যাই । ঐ দেখ, চন্দ্রনারিকা কুমুদিনীর ন্যায় দেবযানী পূর্ণিকার সহিত প্রফুল্ল বদনে এই দিকে আস্চেয়ন । তুমি আমাকে সর্বদা “কমলিনী, কমলিনী” বল ; তা যদিও আমি কমলিনীই হই, তবে এ সময়ে আমার এস্থলে বিকশিত হওয়া কি উচিত ? দেখ দেখি, আমার প্রিয়সখা অনেকক্ষণ হলো, অস্তগত হয়েছেন, তাঁর বিরহে আমাকে নিমীলিত হতে হয় । চল, আমরা যাই ।

দেবি । রাজকুমারি ! ঐ অহংকারিণী ব্রাহ্মণকন্যাকে কি কুমুদিনী বলা যায় ? আমার বিবেচনায়, তুমি শশধর আর ও ছুষ্ঠি রাছ । আমি যদি সুদর্শনচক্র পাই তা হলে ঐ ছুষ্ঠি স্ত্রীকে এই মুহূর্তেই ছুই খণ্ড করি ।

শর্মা । হা ধিক্ । সখি, তুমি কি উন্মত্তা হলো ! ঐ ব্রাহ্মণকন্যার পিতৃপ্রমাদেই আমাদের পিতৃকুল সেই সুদর্শনচক্র হতে নিস্তার পায় । তা সখি, চল এখন আমরা যাই ।

[ উভয়ের প্রস্থান ।

( দেবযানী এবং পূর্ণিকার প্রবেশ । )

দেব । (আকাশ প্রতি দৃষ্টিপাত করিয়া) প্রিয়সখি ! বসুমতী যেন অদ্য রাত্রে স্বয়ম্বর হয়েছেন ; ঐ দেখ, আকাশমণ্ডলে ইন্দু এবং গ্রহনক্ষত্রগণ প্রভৃতির কি এক অপূর্ব এবং রমণীয় সভা হয়েছে ! আহা ! রোহিণীপতির কি অনুপম মনোরম প্রভা । বোধ হয়, ত্রিভুবনমোহনী জলধিছুহিতা কমলার স্বয়ম্বরকালে, পুরুষোত্তম দেবসমাজে ষাটশ শোভমান হয়েছিলেন, সুধাকরও অদ্য নক্ষত্রমধ্যে তদ্রূপ অপরূপ ও অনির্বচনীয় শোভা ধারণ করেছেন ! ( চতুর্দিক অবলোকন করিয়া, ) প্রিয়-

সখি! এই দেখ, এ আশ্রমপদেরও কি এক অপরূপ সৌন্দর্য্য! স্থানে স্থানে নানাবিধ কুমুমজ্বাল বিকশিত হয়ে যেন স্বয়ম্বর। বসুন্ধরার অলঙ্কার স্বরূপ হয়ে রয়েছে। (দীর্ঘ নিশ্বাস পরিত্যাগ)।

পূর্ণি। তবে দেখ দেখি, প্রিয়সখি! নিশানাথের এতাদৃশ মনোহারিণী প্রভায় তোমার চিত্তচকোরের কি নিরানন্দ হওয়া উচিত? দেখ, শর্মিষ্ঠা তোমাকে যে সময় কুপমধ্যে নিক্ষেপ করেছিল, তদবধি তোমার তিলার্দ্ধের নিমিত্তেও মনঃস্থির নাই,— সততই তুমি অন্যান্যনস্ক আর মলিন বদনে দিনযামিনী যাপন কর। সখি, এর নিগূঢ় তত্ত্ব তুমি আমাকে অকপটে বল, আমি ত তোমার আর পর নই। বিবেচনা করল্যে সখীদের দেহমাত্রই ভিন্ন, কিন্তু মনের ভাব কখনও ভিন্ন নয়।

দেব। প্রিয়সখি! আমার অন্তঃকরণ যে একান্ত বিচলিত ও অধীর হয়েছে, তা সত্য বটে; কিন্তু তুমি যদি আমার চিত্ত-চঞ্চলতার কারণ শুনতে উৎসুক হয়ে থাক, তবে বলি, শ্রবণ কর।

পূর্ণি। প্রিয়সখি! সে কথা শুনতে যে আমার কি পর্য্যন্ত লালসা, তা মুখে ব্যক্ত করা দুঃসাধ্য।

দেব। শর্মিষ্ঠা আমাকে কুপে নিক্ষেপ করলে পর, আমি অনেকক্ষণ পর্য্যন্ত অজ্ঞানাবস্থায় পতিতা ছিলাম, পরে কিঞ্চিৎ চেতন পেয়ে দেখল্যেম, যে চতুর্দিক কেবল অন্ধকারময়। অন্তর আমি ভয়ে উচ্চৈঃস্বরে রোদন করতে আরম্ভ করল্যেম। দৈবযোগে এক মহাত্মা সেই স্থান দিয়া গমন করতে ছিলেন, হঠাৎ কুপমধ্যে হাহাকার আর্তনাদ শুন্যে নিকটস্থ হয়ে তিনি জিজ্ঞাসা করল্যেন, “তুমি কে? আর কি জন্মেই বা কুপের ভিতর রোদন কর্চো?” প্রিয়সখি! তৎকালে তাঁর এরূপ মধুরবাক্য শুন্যে, আমার বোধ হল্যো, যেন বিধাতা আমাকে উদ্ধার করবার জন্য স্বয়ং উপস্থিত হয়েছেন। তিনি কে, আমি কিছুই নির্ণয় করতে পারল্যেম না, কেবল ক্রন্দন করতে-মুক্তকণ্ঠে এইমাত্র বলল্যেম, “মহাশয়! আপনি দেবই হউন, বা মানবই হউন, আমাকে এই



বিপজ্জাল হতে শীঘ্র বিমুক্ত করুন।” এই কথা শুনিবা মাত্র, সেই দয়ালু মহাশয় তৎক্ষণাৎ কূপমধ্যে অবতীর্ণ হয়ে আমাকে হস্ত-ধারণ পূর্বক উত্তোলন করলেন। আমি উপরিস্থা হয়ে তাঁর অলৌকিক রূপ লাভণ্য দর্শনে একবারে বিমোহিতা হলোম্। সখি! বলল্যে প্রত্যয় করবে না, বোধ হয়, তেমন রূপ এ ভূমণ্ডলে নাই। (দীর্ঘনিশ্বাস পরিত্যাগ)।

পূর্ণি। কি আশ্চর্য্য! তার পর, তার পর?

দেব। তার পর তিনি আমার প্রতি দৃষ্টিপাত করে এই কথা জিজ্ঞাসা করলেন, “হে ললনে! তুমি দেবী কি মানবী? কার অতিশায়ে তোমার এতদুর্দশা ঘট্যেছিল? সবিশেষ শ্রবণে অতিশয় কোতূহল জন্মেছে, বিবরণ করলো আমি যৎপরোনাস্তি পরিতুষ্ট হই।” তাঁর একথা শুনে আমি সবিনয়ে বললোম “হে মহাভাগ! আমি দেবকন্যা নই—আমার ঋষিকুলে জন্ম—আমি ভগবান্ মহর্ষি ভার্গবের দুহিতা, আমার নাম দেবযানী।” প্রিয়-সখি! আমার এই উত্তর শুনেই সেই মহাত্মা কিঞ্চিৎ অন্তরে দণ্ডায়মান হয়ে বলোন্, “ভদ্রে! আপনি ভগবান্ ভার্গবের দুহিতা? আমি ঋষিবরকে বিলক্ষণ জানি; তিনি এক জন ত্রিভুবনপূজ্য পরম দয়ালু ব্যক্তি; আপনি তাঁকে আমার শত সহস্র প্রণাম জানাবেন; আমার নাম যযাতি—আমার চন্দ্রবংশে জন্ম। হে ঋষিতনয়ে! এক্ষণে অনুমতি করুন, আমি বিদায় হই।” এই কথা বল্যে তিনি সহসা প্রস্থান করলেন। প্রিয়সখি, যেমন কোন দেবতা, কোন পরম ভক্তের প্রতি সদয় হয়ে, তার অতিলম্বিত বর প্রদান পূর্বক অন্তর্হিত হলে, সেই ভক্তজন মুহূর্ত্তকাল আনন্দরসে পুলকিত ও মুদ্রিতনয়ন হয়ে, আপন ইচ্ছাদেবকে সম্মুখে আবিভূত দেখে, এবং বোধ করে, যেন তিনি বারম্বার মধুরভাবে তার ক্রতিসুখ প্রদান কর্চোন্, আমিও সেই মহোদয়ের গমনানন্তর ক্ষণকাল তদ্রূপ সুখ-মাগরে মিমগ্না ছিলোম। আহা! সখি! সেই মোহনমূর্ত্তি

অদ্যাপি আমার হৃদপদ্মে জাগরুক রয়েছে। প্রিয়সখি! সে চন্দ্রানন কি আমি আর এজন্মে দর্শন করবো? (দীর্ঘনিশ্বাস পরিত্যাগ)। সেই অমৃতবর্ষিণী মধুরভাষা কি আর কখন আমার কর্ণকুহরে প্রবেশ করবে? প্রিয়সখি! শশ্মিষ্ঠা যখন আমাকে কুপে নিষ্কিণ্ট করেছিল, তখন আমার মৃত্যু হলে আর কোন যন্ত্রণাই ভোগ করতে হতো না। (রোদন)।

পূর্ণি। প্রিয়সখি! তুমি কেন এ সমুদয় রত্নান্ত ভগবান্ মহর্ষিকে অবগত করাও না?

দেব। (সত্রাসে) কি সর্বনাশ! সখি, তাও কি হয়? একথা ভগবান্ মহর্ষি জনককে কি প্রকারে জ্ঞাত করান যায়? রাজ-চক্রবর্তী যযাতি ক্ষত্রিয়—আমি হলেম ব্রাহ্মণকন্যা।

পূর্ণি। সখি, আমার বিবেচনায় এ কথা মহর্ষির কর্ণগোচর করা আবশ্যিক।

দেব। (সত্রাসে) কি সর্বনাশ! সখি, তুমি কি উন্মত্তা হয়েছ? একথা মহর্ষি জনকের কর্ণগোচর করা অপেক্ষা মৃত্যুও শ্রেয়ঃ।

পূর্ণি। প্রিয়সখি! ঐ দেখ, ভগবান্ মহর্ষির নাম গ্রহণ মাত্রই তিনি এ দিকে আসছেন। এ ও একটা সৌভাগ্য বা কার্যসিদ্ধির লক্ষণ।

দেব। (সত্রাসে) প্রিয়সখি! তুমি একথা ভগবান্ পিতার নিকট কোন প্রকারেই ব্যক্ত করো না। হে সখি! তুমি আমার এই অনুরোধটি রক্ষা কর।

পূর্ণি। সখি! যেমন অন্ধব্যক্তির সুপথে গমন করা দুঃসাধ্য, জ্ঞানহীন জনের পক্ষে সদস্য বিবেচনা তদ্রূপ সুকঠিন।

দেব। (সত্রাসে) প্রিয়সখি, তুমি কি একবারে আমার প্রাণনাশ করতে উদ্যত হয়েছ। কি সর্বনাশ! তোমার কি প্রজ্বলিত হৃতাশনে আমাকে আহুতি প্রদানের ইচ্ছা হয়েছে?

ভগবান পিতা স্বভাবতঃ উগ্রস্বভাব; এতাদৃশ বাক্য তাঁর কণ-  
গোচর হলে, আর কি নিস্তার আছে?

পূর্ণি। প্রিয়সখি! আমি তোমার অপকারিণী নই। তা তুমি  
এস্থান হতে প্রস্থান কর; ঐ দেখ, ভগবান মহর্ষি এই দিকেই  
আগমন কর্চোন।

দেব। (সত্রাসে) প্রিয়সখি! এক্ষণে আমার জীবন মরণে  
তোমারই সম্পূর্ণ প্রভুতা; কিন্তু আমি জীবনাশায় জলাঞ্জলি  
দিয়ে তোমার নিকট হতে বিদায় হলেম।

পূর্ণি। প্রিয়সখি! এতে চিন্তা কি? আমি কৌশলক্রমে  
মহর্ষির নিকট এ সকল বৃত্তান্ত নিবেদন করবো, তার ভয় কি?

দেব। প্রিয়সখি! তোমার যা ইচ্ছা তাই কর। হয় ত  
জন্মের মত এই সাক্ষাৎ হলো।

[ বিষণ্ণভাবে দেবযানীর প্রস্থান।

( মহর্ষি শুক্রাচার্যের প্রবেশ )

পূর্ণি। তাত! প্রিয়সখী দেবযানীর মনোগত কথা অদ্য জ্ঞাত  
হয়েছি, অনুমতি হলে নিবেদন করি।

শুক্র। (নিকটবর্তী হইয়া) বৎসে পূর্ণিকে! কি সংবাদ?

পূর্ণি। ভগবন্! সকলই সুসংবাদ, আপনি যা অনুভব করে-  
ছিলেন, তাই ষথার্থ।

শুক্র। (সহাস্য বদনে) বৎসে! সমাধিনির্গাত বিষয় কি  
মিথ্যা হওয়া সম্ভব? তবে দুহিতার মনোগত ব্যক্তির নাম কি?

পূর্ণি। ভগবন্! তাঁর নাম যযাতি।

শুক্র। (সহাস্য বদনে) ত্রিনিবাসের বক্ষঃস্থলকে অলঙ্কৃত  
কর্বার নিমিত্তেই কৌস্তভ মণির স্বজন। হে বৎসে! এই রাজর্ষি  
যযাতি চন্দ্রবংশাবতংস। যদ্যপিও তিনি ক্ষত্রকুলজাত, তত্রাচ বেদ  
বিদ্যা বলে তিনিই আমার কন্যারত্নের অনুরূপ পাত্র। অতএব হে

বৎসে পূর্ণিকে ! তুমি তোমার প্রিয়সখী দেবযানীকে আশ্বাস  
প্রদান কর। আমি অনতিবিলম্বেই সুবিজ্ঞতম প্রধান শিষ্য  
কপিলকে রাজর্ষি সান্নিধ্যে প্রেরণ করবো। সুচতুর কপিল  
একবারে রাজর্ষি চন্দ্রবংশচূড়ামণি ষষ্ঠাতিকে সমভিব্যাহারে  
আনয়ন করবেন। তদনন্তর আমি তোমার প্রিয়সখীর অভীষ্ট  
সিদ্ধি করবো। তার চিন্তা কি ?

পূর্ণি। ভগবন্ ! যথা আজ্ঞা, আমি তবে এখন বিদায় হই।

শুক্রে। বৎসে ! কল্যাণমস্তু তে।

[ পূর্ণিকার প্রস্থান।

শুক্রে। (স্বগত) আমার চিরকাল এই বাসনা, যে আমি  
অনুরূপ পাত্রে কন্যা সম্প্রদান করি ; কিন্তু ইদানীং বিধি আনু-  
কূল্য প্রকাশ পূর্বক মদীয় মনস্কামনা পরিপূর্ণ করলেন। এক্ষণে  
কন্যাদায়ে নিশ্চিন্ত হলেয়ম্। সুপাত্রে প্রদত্তা কন্যা পিতামাতার  
অনুশোচনীয় হয় না।

[ প্রস্থান।

ইতি প্রথমোক্ত।

---

# দ্বিতীয় অঙ্ক ।

## প্রথম গর্ভাঙ্ক

প্রতিষ্ঠান পুরী—রাজপথ ।

### দুইজন নাগরিকের প্রবেশ ।

প্রথম । ভাল, মহাশয়, আপনার কি এ কথাটা বিশ্বাস হয় ?

দ্বিতীয় । বিশ্বাস না করেই বা করি কি ?—কলে মহারাজ যে উদ্ভাদ প্রায় হয়েছেন, তার আর সংশয় নাই ।

প্রথম । বলেন কি ? আহা ! মহাশয়, কি আক্ষেপের বিষয় ! এতদিনের পর কি নিষ্কলঙ্ক চন্দ্রবংশের কলঙ্ক হলো ?

দ্বিতীয় । ভাই, সে বিষয়ে তোমার আক্ষেপ করা যুথ্য । এমন মহাতেজাঃ যশস্বী বংশের কি কখন কলঙ্ক বা ক্ষয় হতো পারে ? দেখ, যেমন দুর্ঘটনায় এই বংশনিদান নিশানাথকে কিষ্কিৎকাল মলিন করে পরিশেষে পরাভূত হয়, সেইরূপ এ বিপদও অতি দূরায় দূর হবে, সন্দেহ নাই ।

প্রথম । আহা ! পরমেশ্বর রূপা করে যেন ভাই করেন ! মহাশয়, আমরা চিরকাল এই বিপুল বংশীয় রাজাদিগের অধীন, অতএব এর ধ্বংস হলো আমরাও একবারে সমূলে বিনষ্ট হবো । দেখুন, বজ্রাঘাতে যদি কোন বিশাল আশ্রয়তরু জ্বলো যায়, তবে তার আশ্রিত লতাদির কি ছুরবস্থা না ঘটে !

দ্বিতীয় । হাঁ, তা যথার্থ বটে ; কিন্তু ভাই তুমি এবিষয়ে নিতান্ত ব্যাকুল হইও না ।

প্রথম । মহাশয়, এবিষয়ে ঠেংষ্যধরা কোন মতেই সম্ভবে না ;

দেখুন, মহারাজ রাজকার্যে একবারও দৃষ্টিপাত করেন না; রাজধর্মের তাঁর এককালে উদাস্য হয়েছে। মহাশয়, আপনি একজন বহুদর্শী এবং সুবিজ্ঞ মানুষ, অতএব বিবেচনা করুন দেখি, যদিও দিনকর সতত মেঘাচ্ছন্ন থাকেন, তবে কি পৃথিবীতে কোন শস্যাদি জন্মে? আর দেখুন, যদিও কোন পতিপরারণা রমণীর প্রিয়তম তার প্রতি হতশ্রদ্ধা করে, তবে কি সে স্ত্রীর পূর্ববৎ রূপ লাভন্যাংগাদি আর থাকে? রাজ-অবহেলায় রাজলক্ষ্মীও প্রতিদিন সেইরূপ শ্রীভ্রষ্টা হচেন।

দ্বিতী। ভাই হে, তুমি যা বললো, তা সকলই সত্য, কিন্তু তুমি এবিষয়ে নিতান্ত বিষণ্ণ হয়ে না। বোধ করি, কোন মহিলার প্রতি মহারাজের অনুরাগ সঞ্চোর হয়ে থাকবে, তাই তাঁর চিত্ত সততই চঞ্চল। যাইউক, নরপতির এ চিত্তবিকার কিছু চিরস্থায়ী নয়, অতি শীঘ্রই তিনি সুস্থ হবেন। দেখ, সুরাপায়ী ব্যক্তি কিছু চিরকাল উন্নতভাবে থাকে না। আমাদের নরবর অধুনা আঙ্গুলিরূপ সুরাপানে কিঞ্চিৎ উন্নত হয়েছেন বটে, কিন্তু কিছু বিলম্বে যে তিনি স্বভাবস্থ হবেন, তার কোন সন্দেহ নাই।

প্রথ। মহাশয়! সে সকল ভাগ্য অপেক্ষা করে। আহা! নরপতি যে এরূপ অবস্থায় কালযাপন করবেন, এ আমাদের স্বপ্নেরও অগোচর!

দ্বিতী। (মহাস্ত বদনে) ভাই, তোমার নিতান্ত শিশুবুদ্ধি। দেখ, এই বিপুল পৃথিবী কামস্বরূপ কিরাতে মৃগয়াস্থান; তিনি ধনুর্বাণ গ্রহণ পূর্বক মৃগমিথুনরূপ নরনারী লক্ষ্যভেদে অনবরতই পর্যটন করছেন; অতএব এই ভূমণ্ডলে কোন্ ব্যক্তি এমত জিতে-দ্রিয় আছে, যে তাঁর শরপথ অতিক্রম করতে পারে? দৈত্য-দেশের রমণীগণ অত্যন্ত মায়াবিনী, আর তারা নানাবিধ মোহন-গুণে নিপুণ; সুতরাং, নরপতি যৎকালে মৃগয়ার উপলক্ষে সে দেশে প্রবেশ করেছিলেন, বোধ করি, সে সময়ে কোন সুরূপা কামিনী তাঁর দৃষ্টিপথে পড়ে কটাক্ষবানে তাঁর চিত্ত চঞ্চল

করোচ্ছে। যাহউক, যদিও মহারাজ কোন বনকুম্বের আশ্রমে একান্ত লোভাসক্ত হয়ে থাকেন, তথাপি স্বীয় উদ্যানের সুরভি-পুষ্পের মাধুর্যে যে ক্রমশঃ তাঁর সে লোভসম্বরণ হবে, তার কোন সংশয় নাই। তুমি কি জান না ভাই, যে বৃদ্ধ-অস্ত্র বৃদ্ধ-অস্ত্রেই নিরস্ত হয়, আর বিষই বিষের পরমৌষধ !

প্রথ। আজ্ঞা হাঁ, তা ষথার্থ। ফলতঃ, এক্ষণে মহারাজ মুস্থ হল্যেই আমাদের পরম লাভ। দেখুন, এই চন্দ্রবংশীয় রাজগণ দেখলখা; আমি শুনেছি, যে লোকেরা ঔষধ আর মন্ত্রবলে প্রাণি-সমূহের প্রাণনাশ কতোপারে, অতএব পরমেশ্বর এই ককন, যেন কোন দুর্দান্ত দানব, দেবমিত্র বলে মহারাজকে সেইরূপ না করে থাকে।

দ্বিতী। ভাই, ঔষধ কি মন্ত্রবলে যে লোককে বিমোহিত করা, এ আমার কখনই বিশ্বাস হয় না, কিন্তু স্ত্রীলোকেরা যে পুরুষজাতিকে কটাক্ষরূপ ঔষধে আর মধুরভাষারূপ মন্ত্রে মুগ্ধ করতে সক্ষম হয়, এ কথা অবশ্যই বিশ্বাস্য বটে? (দৃষ্টিপাত করিয়া) এ ব্যক্তিতে কে হে?

(কপিলের দূরে প্রবেশ)

প্রথ। বোধ হয়, কোন তপস্বী, ছুরাচার রাক্ষসেরা যজ্ঞভূমে উৎপাত করতে বুঝি মহারাজের শরণাপন্ন হতে আসছেন।

দ্বিতী। কি কোন মহর্ষির শিষ্যই বা হবেন।

কপিল। (স্বগত) মহর্ষি গুরু শুক্রাচার্যের আদেশানুসারে এই ত মহারাজ যযাতির রাজধানীতে অদ্য উপস্থিত হলাম। অঃ, কত ছুস্তর নদ, নদী, ও কান্তার অরণ্য প্রভৃতি যে অতিক্রম করেছি, তার আর পরিসীমা নাই। অধুনা মহর্ষিও স্বপরিবার সঙ্গে গোদাবরী তীরে ভগবান্ পর্বতমুনির আশ্রমে আমার প্রত্যাগমন আশায় বাস কর্চেন। মহারাজ যযাতি সে আশ্রমে গমন কর্লে, তপোধন তাঁকে স্বীয় কন্যাধন সম্প্রদান করবোন। মহারাজকে আহ্বান করতেই আমার এ নগরীতে আগমন

হয়েছে। আহা! নরাধিপের কি অতুল ঐশ্বর্য! স্থানে স্থানে কত শত প্রহরীগণ গজবাজি আরোহণ পূর্বক করতলে করাল করবাল ধারণ করে রক্ষাকার্যে নিযুক্ত আছে; কোন স্থলে বা মন্দুরায় অশ্বগণ অতি প্রচণ্ড হেবারব কর্চে; কোথাও বা মদ-মত্ত করিরাজের ভীষণ বৃংহিতনিদাদ শ্রুতিগোচর হচে; কোন স্থানে বা বিবিধ সমারোহে বিচিত্র উৎসবক্রিয়া সম্পাদনে জনগণ অনুরক্ত রয়েছে; স্থানে স্থানে ক্রয় বিক্রয়ের বিপনি নানাবিধ সুখাদ্য ও সুদৃশ্য দ্রব্যজাতে পরিপূর্ণ। নানা স্থানে সুরম্য অট্টালিকাসন্দর্শনে যে নয়নযুগল কি পর্যন্ত পরিতৃপ্ত হচে, তা মুখে ব্যক্ত করা দুঃসাধ্য। আমরা অরণ্যচারী মনুষ্য, এরূপ জনসমাকুল প্রদেশে প্রবেশ করায় আমাদের মনো-বৃত্তির যে কতদূর পরিবর্ত্ত হয়, তা অনুমান করা যায় না। কি আশ্চর্য্য! প্রাসাদসমূহের এতাদৃশ রমণীয়ত্ব ও সৌন্দর্য্য, কোনটি যে রাজত্বন, তার নির্ণয় করা সুকঠিন! যাহাহউক, অদ্য পথপরিভ্রমে একান্ত পরিশ্রান্ত হয়েছি, কোন একটা নির্জন স্থান পেলে, সেখানে কিঞ্চিৎকাল বিশ্রাম করি, পরে মহারাজের সহিত সাক্ষাৎ করবো। (নাগরিকদ্বয়কে অবলোকন করিয়া) এইত দুইজন অতি ভদ্রসন্তানের মত দেখুছি; এদের নিকট জিজ্ঞাসা করলো, বোধ করি, বিশ্রামস্থানের অনুসন্ধান পেতে পারবো। (প্রকাশে) ও হে পৌরজনগণ, তোমাদের এ নগরীতে অতিথি-শালা কোথায়?

প্রথ। মহাশয়, আপনি কে? এ নগরে কার অন্বেষণ করেন?

কপিল। আমি দৈত্যকুলগুরু মহর্ষি শুক্রাচার্যের শিষ্য। এই প্রতিষ্ঠান নগরীতে রাজচক্রবর্তী রাজা যযাতির নিকটে কোন বিশেষ কর্মের উপলক্ষে এসেছি।

প্রথ। ভগবন্, তবে আপনার অতিথিশালায় যাবার প্রয়ো-জন কি? ঐ রাজনিকেতন। আপনি ওখানে পদার্পণ করবা-



মাত্রেই যথোচিত সমাদৃত ও পূজিত হবেন, এবং মহারাজের  
সহিতও সাক্ষাৎ হতে পারবে।

কপিল। তবে আমি সেই স্থানেই গমন করি।

[ প্রস্থান।

প্রথ। এ আবার কি মহাশয়? দৈত্যগুণ যে মহারাজের  
নিকট দূত পাঠিয়েছেন? চলুন, রাজভবনের দিকে যাওয়া যাক।  
দেখিগে, ব্যাপারটাই বা কি।

দ্বিতী। চল না, হানি কি?

[ উভয়ের প্রস্থান।

### দ্বিতীয় গর্ভাক্ষ

প্রতিষ্ঠান পুরী—রাজপুরীস্থ নির্জন গৃহ।

রাজা যযাতি আসীন, নিকটে বিদূষক।

বিদূ। (চিন্তা করিয়া) মহারাজ! আপনি হিমাচলের ন্যায়  
নিস্তরু আর গতিহীন হলেন নাকি?

রাজা। (দীর্ঘনিশ্বাস পরিত্যাগ করিয়া) সখে মাধব্য,  
সুরপতি ষড়্যপি বজ্রদ্বারা হিমাচলের পক্ষচ্ছেদ করেন, তবে  
সে স্মৃতরাং গতিহীন হয়।

বিদূ। মহারাজ! কোন্ রোগ স্বরূপ ইন্দ্র আপনার এতাদৃশী  
দুরবস্থার কারণ, তা আপনি আমাকে স্পষ্ট করোই বলুন না।

রাজা। কি হে সখে মাধব্য, তুমি কি ধম্মন্তরী? তোমাকে  
আমার রোগের কথা বল্যে কি উপকার হবে?

বিদূ। (ক্লতাঞ্জলিপুটে) হে রাজচক্রবর্তিন্, আপনি কি অত  
নন, যে মৃগরাজ কেশরী সময়বিশেষে অতি ক্ষুদ্র মূষিক দ্বারাও  
উপকৃত হতে পারেন।

রাজা। (সহাস্যবদনে) ভাই হে, আমি যে বিপজ্জালে বে-  
ক্ষিত, তা তোমার ন্যায় মুষিকেরদন্তে কখনই ছিন্ন হতে পারে না।

বিদূ। মহারাজ! আপনি এখন হাস্য পরিহাস পরিত্যাগ  
করুন, এবং আপনার মনের কথাটি আমাকে স্পষ্ট করে বলুন;  
আপনি এ প্রকার অস্থির ও অনন্যমনাঃ হলো রাজক্ষী কি আর  
এ রাজ্যে বাস করবেন?

রাজা। না কল্যেনই বা।

বিদূ। (কর্নে হস্ত দিয়া) কি সর্বনাশ! আপনার কি এ কথা  
মুখে আনা উচিত? কি সর্বনাশ! মহারাজ, আপনি কি রাজর্ষি  
বিশ্বামিত্রের ন্যায় ইন্দ্রতুল্য সম্পত্তি পরিত্যাগ করে তপস্যাধর্ম  
অবলম্বন করতে ইচ্ছা করেন?

রাজা। রাজর্ষি বিশ্বামিত্র তপোবলে ব্রাহ্মণ্য প্রাপ্ত হন;  
সখে, আমার কি তেমন অদৃষ্ট?

বিদূ। মহারাজ, আপনি ব্রাহ্মণ হতে চান না কি?

রাজা। সখে! আমি যদি এই জগত্বয়ের অধীশ্বর হতোম,  
আর ত্রিজগতের ধনদান দ্বারা এক অতিক্রম ব্রাহ্মণও হতো  
পারতোম, তবে আর তা অপেক্ষা আমার সৌভাগ্য কি বল দেখি?

বিদূ। উঃ। আজ যে আপনার গাঢ় ভক্তি দেখতে পাচ্ছি!  
লোকে বলে, যে ঐদত্যদেশে সকলেই পাঁপাচার, দেবতা ব্রাহ্মণকে  
কেউ শ্রদ্ধা করে না, কিন্তু আপনি যে ঐ দেশে কিছুকাল ভ্রমণ  
করো এত দ্বিজভক্ত হয়েছেন, এত সামান্য চমৎকারের বিষয় নয়!  
বয়স্য, আপনার কি মহর্ষি ভার্গবের সহিত গোবিষয়ক কোন  
বিবাদ হয়েছে? বলুন দেখি, মহর্ষি শুক্রাচার্যের আশ্রমে কি  
কোন নন্দিনী নামী কামধেনু আছে, না আপনি তার দেবযানী  
নামী নন্দিনীর কটাক্ষরে পতিত হয়েছেন? বয়স্য! বলুন দেখি,  
শুক্রকন্যা দেবযানীকে আপনি দেখেছেন না কি?

রাজা। (স্বগত) হা পরমেশ্বর! সে চন্দ্রানন কি আর এজন্মে  
দর্শন করবো! আহা! ঋষিতনয়ার কি অপরূপ রূপ জীবন্য!

(দীর্ঘ নিশ্বাস পরিত্যাগ করিয়া) হা অস্তঃকরণ! তুমি কি সেই নির্জন বন এবং সেই কুপতট হতে আর প্রত্যাগমন করবে না? হায়! হায়! সে কুপের অন্ধকার কি আর সে চন্ড্রের আভায় দূরীকৃত হবে?

বিদু। (স্বগত) হরিবোল হরি! সব প্রতুল হয়েছে! সেই ঋষি কন্যাটাই সকল অনর্থের মূল দেখতে পাচ্ছি। যা হউক, এখন রোগ নির্ণয় হয়েছে, কিন্তু এ বিকারের মকরধ্বজ ব্যতীত আর ঔষধ কি আছে? (প্রকাশে) কেমন, মহারাজ, আপনি কি আজ্ঞা করেন?

রাজা। মখে মাধব্য, তুমি কি বলছিলে?

বিদু। বলবো আর কি? মহারাজ! আপনি প্রলাপ বকছেন তাই শুনছি।

রাজা। কেন, তাই, প্রলাপ কেন? তুমিই বল দেখি, বিধাতার একি অদ্ভুত লীলা! দেখ, যে মহামূল্য মানিক্য রাজ-চক্রবর্তির মুকুটের উপযুক্ত, তমোময় গিরিগহ্বর কি তার প্রকৃত বাসস্থান? (দীর্ঘ নিশ্বাস পরিত্যাগ করিয়া)।

মুলোচনা মৃগী ভ্রমে নির্জন কাননে;

গজমুক্তা শোভে গুপ্ত শক্তির সদনে;

হীরকের ছটা বদ্ধ খনির ভিতর;

সদা ঘনাচ্ছন্ন হয় পূর্ণ শশধর;

পদ্মের মৃগাল থাকে সলিলে ডুবিয়া;

হায়, বিধি, এ কুবিধি কিসের লাগিয়া?

বিদু। ও কি মহারাজ? যে রূপ ভাবোদয় দেখছি, আপ-নার স্বন্ধে দেবী সরস্বতী আবির্ভূতা হয়েছেন না কি? (উচ্ছ্বাস্য)।

রাজা। কি হে মখে, আমার প্রতি ভগবতী বাগ্‌দেবীর কৃপাদৃষ্টি হলো দোষ কি?

বিদু। (সহাস্য বদনে) এমন কিছু নয়; তবে তা হলো রাজলক্ষ্মীর নিকটে বিদায় হোঁন্, রাজদণ্ড পরিত্যাগ করে বীণা গ্রহণ করুন, আর রাজহস্তির পরিবর্তে তিক্কারিত্তি অবলম্বন করুন।

রাজা। কেন? কেন?

বিদু। বয়স্য, আপনি কি জানেন না, লক্ষ্মী সরস্বতীর সপত্নী, অতএব ভূমণ্ডলে সপত্নীগ্রনয় কি সম্ভব?

রাজা। সখে মাধব্য! তুমি কবিকুলকে হেয়জ্ঞান করে না, তারা প্রকৃতিস্বরূপ বিশ্বব্যাপিনী জগন্মাতার বরপুত্র।

বিদু। (সহাস্য বদনে) মহারাজ! একথা কবিভায়ারাই বলেন। আমার বিবেচনায়, তাঁরা বরঞ্চ উদরস্বরূপ বিশ্বব্যাপী দেবের বরপুত্র।

রাজা। (সহাস্য বদনে) সখে! তবে তুমিওত এক জন মহাকবি, কেন না সেই উদরদেবের তুমি এক জন প্রধান বরপুত্র।

বিদু। বয়স্য! আপনি যা বলেন। সে যা হউক, এক্ষণে জিজ্ঞাসা করি, ভার্গবহুহিতা দেবযানীর সহিত আপনার কি প্রকারে, আর কোন্ স্থানে সাক্ষাৎ হয়েছিল, বলুন দেখি?

রাজা। (দীর্ঘনিশ্বাস পরিত্যাগ করিয়া) সখে, তাঁর সহিত ঐদেবযোগে এক নির্জন কাননে আমার সাক্ষাৎ হয়েছিল।

বিদু। কি আশ্চর্য! তা মহারাজ, আপনি এমত অমূল্য রত্ন নির্জন স্থানে পেয়ে কি কল্যেয়ন?

রাজা। আর কি করবো, ভাই! তাঁর পরিচয় পেয়ে আমি আন্তেবাস্তে সেখানথেকে প্রস্থান কল্যেয়ম।

বিদু। (সহাস্য বদনে) সে কি মহারাজ! বিকশিত কমল দেখে কি মধুকর কখন বিমুখ হয়?

রাজা। সখে, সত্য বটে! কিন্তু দেবযানী ব্রাহ্মণকন্যা, অতএব যেমন কোন ব্যক্তি দূর হতে সর্পমণির কান্তি দেখে তৎপ্রতি ধাবমান হয়, পরে নিকটবর্তী হয়ে সর্প দর্শনে বেগে পলায়ন

করে, আমিও সে নবযৌবনা অনুপমা রূপবতী ঋষিতনয়ার পরিচয় পেয়ে সেইরূপ কল্যেয়ম।

বিদূ। মহারাজ, আপনি তা এক প্রকার উত্তমই করোচ্ছেন।

রাজা। না ভাই, কেমন করে আর উত্তম করোছি? দেখ, আমি যে প্রাণভয়ে ভীত হয়ে পলায়ন কল্যেয়ম, এখন সেই প্রাণ আমার রক্ষা করা ছুঁকর হয়েছে! (গাত্রোখান করিয়া) সখে! এ যাতনা আমার আর সহ হয় না! আগ্নেয় গিরি কি ছতাশনকে চিরকাল অভ্যস্তরে রাখতে পারে? (দীর্ঘনিশ্বাস)।

বিদূ। মহারাজ, আপনি এ বিষয়ে নিতান্তই হতাশ হবেন না।

রাজা। সখে মাধব্য! মকছুমে তৃষ্ণাতুর মৃগবর, মায়াবিনী মরীচিকাকে দূর থেকে দর্শন করে, বারিলোভে ধাবমান হলো, জীবন-উদ্দেশ্যে কেবল তার জীবনেরই সংশয় হয়। এ বিষয়ে আশা কল্যেয়ম আমারও সেই দশা ঘটতে পারে। ঋষিকন্যা দেবযানী আমার পক্ষে মরীচিকাস্বরূপ, যেহেতুক তাঁর ব্রাহ্মণ-কুলে জন্ম, স্মৃতরাং তিনি ক্ষত্রিয়ছুষ্পাণ্য! হে পরমেশ্বর, আমি তোমার নিকট কি অপরাধ করোছি, যে তুমি এমন পরম রমণীয় বস্তুকে আমার প্রতি ছুঃখকর কল্যেয়ম! কেবল আমাকে যাতনা দিবার জন্যেই কি এ পদ্ম আমার পক্ষে সঙ্কটক মৃণালের উপর রেখেছ!

বিদূ। মহারাজ, আপনি এত চঞ্চল হবেন না। বয়স্ক! বুদ্ধি থাকল্যে মকল কর্মই কৌশলে সুসিদ্ধ হয়। দেখুন দেখি, আমি এমন মছুপায় করে দিচ্ছি যাতে এখনই আপনার মনের ব্যাকুলতা দূর হয়ে যাবে।

রাজা। (সহাস্ত্র বদনে) সখে, তবে আর বিলম্ব কেন? এস, তোমার এ উপায়ের দ্বার মুক্ত কর।

বিদূ। বে আঁজা, মহারাজ। আনি আগত প্রার।

[ প্রস্থান।

রাজা। ( দীর্ঘনিশ্বাস পরিত্যাগ করিয়া স্বগত ) আহা! কি কুলধেই বা দৈত্যদেশে পদার্পণ করেছিলোম। ( চিন্তা করিয়া ) হেরমনে! তোমার কি একথা বলা উচিত? দেখ, তোমার কথার আমার নয়মযুগল ব্যথিত হয়, কেননা, দৈত্যদেশগমনে তারা চরিতার্থ হয়েছে, যেহেতুক তারা সেখানে বিধাতার শিঙ্গা নৈপুণ্যের সার পদার্থ দর্শন করেছে। ( পরিক্রমণ ) বাড়বানলে পরিতপ্ত হলো সাগর যেমন উৎকণ্ঠিত হন, আমিও কি অদ্য সেইরূপ হলোম? হে প্রভো অনঙ্গ, তুমি হরকোপানলে দক্ষ হইলেছিলে বলো, কি অতিহিংসার নিমিত্তে মানবজাতিকে কামাগ্নিতে সেইরূপ দক্ষ কর? ( দীর্ঘনিশ্বাস )। কি আশ্চর্য্য! আনি কি মৃগয়া কর্তো গিরে স্বয়ং কামব্যধের লক্ষ্য হইবে এলেম! ( উপবেশন )। তা আমার এমন চঞ্চল হওয়ায় কি লাভ? ( মচকিতে ) এ আবার কি?

( এক জন সঙ্গী সহিত বিদূষকের পুনঃ প্রবেশ )।

বিদূ। মহারাজ, এই দেখুন, ইনিই কামসরোবরের উপযুক্ত পদ্মিনী।

সঙ্গী। মহারাজের জর হউক! ( প্রণাম )।

রাজা। কল্যাণি, তুমি চিরকাল সধবা থাক। ( বিদূষকের প্রতি ) সখে, এ সুন্দরী কে?

বিদূ। মহারাজ, ইনি স্বয়ং উর্ধ্বশী; ইন্দ্রপুরী অমরাবর্তীতে বসতি না করে; আগমার এই মহানগরীতেই অবস্থিতি করেন।

রাজা। কি হে সখে মাধব, তুমি হে একবারে রসিক চূড়া-  
মণি হয়ে উঠলে !

বিদু। ( ক্লতাঞ্জলি পুটে ) বয়স্য ! না হয়ে কি কি ? দেখুন,  
মলয় গিরির নিকটস্থ অতি সামান্য সামান্য তরুও চন্দন হয়ে  
বায় ; তা এ দরিদ্র ব্রাহ্মণ আপনারই স্নানচর ; এ যে রসিক  
হবে, তার আশ্চর্য্য কি ?

রাজা। সে যা হোক, এ সুন্দরীকে এখানে আনা হয়েছে  
কেন, বল দেখি ?

বিদু। বয়স্য ! আপনি সেই ঋষিকন্যাকে দেখে ভেবেছেন  
যে তার তুল্য রূপবতী বুঝি আর নাই, তা এখন একবার এঁর দিকে  
চেয়ে দেখুন দেখি !

রাজা। ( জনান্তিকে ) সখে, অমৃতভিলাষী ব্যক্তির কি কখন  
মধুতে তৃপ্তি জন্মে ?

বিদু। ( জনান্তিকে ) তা বটে, মহারাজ ! কিন্তু চক্ষু অমৃত  
আছে বল্যে কি কেউ মধুগান ত্যাগ করো ? বয়স্য ! আপনি  
একবার এঁর একটি গান শুনুন। ( নটীর প্রতি ) অরি যুগাক্ষি,  
তুমি একটি গান করো মহারাজের চিত্ত বিনোদ কর।

নটী। আমি মহারাজের আজ্ঞাবর্তিনী ( উপবেশন )।

## গীত ।

( রাগিণী বাহার, তাল জলদ তেতালা । )

উদয় হইল সখি, সরস বসন্ত ।

মোদিত দশদিশ পুষ্পগণে,—

আর বহিছে সমীর সুশাস্ত ।

পিংককুল কুজিত, ভ্রুং বিগুঞ্জিত,

রঞ্জিত কুঞ্জ নিতাস্ত ।

যত বিরহিণীগণ, মন্থথ তাড়ন,

তাপিত তনু বিনে কাস্ত ।

রাজা । আহা ! কি মধুরস্বর ! সুন্দরি ! তোমার সঙ্গীত  
শ্রবণে যে আমার অন্তঃকরণ কি পর্যাস্ত পরিভূগ্ত হলো, তা  
বলতে পারি না !

( নেপথ্যে সরোষে ) রে ছুরাচার, পাষণ্ড দ্বারপাল ! তুই কি  
মাদৃশ ব্যক্তিকে দ্বারকল্প কতো ইচ্ছা করিস্ ?

রাজা । একি ? বহির্দ্বারে দাস্ত্রিকের ন্যায় অতি প্রগল্ভতার  
সহিত কে একজন কথা কচে হে ?

বিদু । বোধ করি, কোন তপস্বী হবে, তা না হলে আর এমন  
সুস্বর কার আছে !

( দৌবারিকের প্রবেশ । )

দৌবা । মহারাজের জয় হউক ! মহারাজ, মহর্ষি শুক্রাচার্য  
কোন বিশেষ কার্যোপলক্ষে আপনার নিকট শিষ্য মুনিবর  
কপিলকে প্রেরণ করেছেন ; অনুমতি হলো মহারাজের সহিত  
সাক্ষাৎ করেন ।

রাজা । ( গাত্রোখান করিয়া সমস্ত্রমে ) সে কি ! মুনিবর  
কোথায় ? আমাকে শীঘ্র তাঁর নিকটে লয়ে চল ।

[ রাজা এবং দৌবারিকের প্রস্থান ।

নটী । ( বিদুষকের প্রতি ) মহাশয়, মহারাজ এত চঞ্চল  
হলেন কেন ?

বিদু । হে চাকহাসিনি, তোমার যত মধুমালতী বিকশিতা  
দেখলো, কার মন-অলি না অধীর হয় ?



নটী। বাঃ ঠাকুরের কি সুন্দরুদ্ভি গা! অলি কি বিকশিতা  
মধুমালতীর আশ্রাণে পলায়ন করে? চল, দেখি গে মহারাজ  
কোথায় গেলেন্।

বিদু। হে সুন্দরি, তুমি অরক্ষাস্ত মণি, আমি লৌহ! তুমি  
যেখানে যাবে আমিও সেইখানে আছি। (হস্তধারণ) আহা,  
তোমার অধরে ইন্দ্র প্রভৃতি দেবগণ অমৃতভাণ্ড গোপন করো  
রেখেছেন! হে মনোমোহিনি, তুমি একটি চুধ দিয়ে আমাকে  
অমর কর।

নটী। (স্বগত) এমা, বামুন বেটা ত কম ষাঁড় নয়। (প্রকাশে)  
দূর হতভাগা!

[ বেগে পলায়ন। ]

বিদু। এঃ! এ ছুশ্চারিণীর রাজার উপরেই লোভ! কেবল  
অর্থই চিনেছে, রসিকতা দেখে না! যাই, দেখিগে, বেটা কোথায়  
গেল।

[ প্রস্থান। ]

### তৃতীয় গর্তাঙ্ক।



প্রতিষ্ঠান পুরী—রাজতোরণ।

কতিপয় নাগরিক দণ্ডায়মান।

প্রথ আহা! কি সমারোহ! মহাশয়, ঐ দেখুন,—  
ব্রতা। আমার দৃষ্টিপথে সকল বস্তুই যেন ধূসরময় বোধ  
হচে। তাই হে, সর্বচোর কাল সময় পেয়ে আমার দৃষ্টিপ্রসর  
প্রায়ই অপহরণ করেছে!

প্রথ। মহাশয়, ঐ দেখুন, কত শত হস্তিপকেরা মদমত্ত গজ-পৃষ্ঠে আরুঢ় হয়ে অগ্রভাগে গমন কচে। আহো!—এ কি মেঘাবলী, না পক্ষহীন অচলকুল আবার মপক্ষ হয়েছে? আহা! মধ্যভাগে নানামজ্জায় সজ্জিত বাজিরাজীই বা কি মনোহর গতিতে যাচে! মহাশয়, একবার রথ সজ্জার প্রতি দৃষ্টিপাত করুন। ঐ দেখুন, শত শত পতাকাশ্রেণী আকাশমণ্ডলে উড্ডীয়মান হচে। কি চমৎকার! পদাতিক দলের বর্ম সূর্য্য-কিরণে মিশ্রিত হয়ে যেন বহি উদ্গীরণ কচে! আবার দেখুন, পশ্চাত্তাগে নট নটীরা নানাযন্ত্র সহকারে কি মধুরস্বরে সজ্জিত কচে। (নেপথ্যে মঙ্গল বাদ্য)। ঐ দেখুন, মহারাজ রথোপরি মহাবল বীরদলে পরিবেষ্টিত হয়ে রয়েছেন। আহা! মহারাজের কি অপক্লপ রূপলাবণ্য! বোধ হচে, যেন অদ্য স্বয়ং পুরুষোত্তম ঠৈকুণ্ঠনিবাসি জনগণ সমভিব্যাহারে গরুড়ধ্বজ রথে আরোহণ করে কমলার স্বয়ম্বরে গমন কচেন।

দ্বিতী। ভাই হে, নহুবপুত্র যযাতি রূপ গুণে পুরুষোত্তমই বটেন! আর শ্রুত আছি, যে শুক্রকন্যা দেবযানীও কমলার ন্যায় রূপবতী। এখন পরমেশ্বর করুন, পুরুষোত্তমের কমলা পরিণয়ে জগজ্জনগণ যেরূপ পরিতৃপ্ত হয়েছিল, অধুনা রাজর্ষি এবং দেবযানীর সমাগমেও যেন এ রাজ্য সেই রূপ অবিকল সুখ সম্পত্তি লাভ করে!

তৃতী। মহাশয়, মহারাজের পরিণয়ক্রিয়া কি দৈত্য দেশেই সম্পন্ন হবে?

দ্বিতী। না, দৈত্যগুরু ভার্গব স্বকন্যা সহিত গোদাবরীতীরে পর্বতমুনির আশ্রমে অবস্থিতি কচেন। সেই স্থলেই মহারাজের বিবাহকার্য্য নিৰ্ব্বাহ হবে।

তৃতী। মহাশয়, এ পরম আত্মাদের বিষয়, কেনন। এই

চন্দ্রবংশীর রাজগণ চিরকাল দেবমিত্র, অতএব মহারাজ ঐদত্য-  
দেশে প্রবেশ করিলে বিবাদ হবার সম্পূর্ণ সম্ভাবনা ছিল।

দ্বিতী। বোধ হয়, ঋষিবর ভার্গব সেই নিমিত্তেই স্বীয় আশ্রম  
পরিত্যাগ করে পর্বত মুনির আশ্রমে কন্যাসহিত আগমন  
কর্যেছেন। (নেপথ্যাভিযুখে অবলোকন করিয়া) ও কে হে?

রাজগন্ত্রী নয়?

তৃতী। আজ্ঞা হাঁ, মন্ত্রী মহাশয়ই বটে।

(মন্ত্রীর প্রবেশ।)

মন্ত্রী। (স্বগত) অদ্য অনন্তদেব ত আমার স্বন্ধেই ধরাভার  
অর্পণ করে প্রস্থান কল্যেন।

প্রথ। (মন্ত্রীর প্রতি) হে মন্ত্রিবর, মহারাজ কত দিনের  
নিমিত্ত স্বদেশ পরিত্যাগ কল্যেন?

মন্ত্রী। মহাশয়, তা বলা সুকঠিন। অত আছে, যে গোদাবরী  
তীরস্থ প্রদেশ সকল পরম রমণীয়। সে দেশে নানাবিধ কানন,  
গিরি, জলাশয় ও মহাতীর্থ আছে। মহারাজ একেত যুগয়ামুক্ত,  
তাতে নূতন পরিণয় হলে মহিষীর সহিত সে দেশে কিঞ্চিৎ  
কাল সহবাস ও নানা তীর্থ পর্যটন না করে, বোধ হয়, স্বদেশে  
প্রত্যাগমন করবেন না।

দ্বিতী। এ কিছু অসম্ভব নয়। আর যখন আপনার তুল্য  
মন্ত্রিবরের হস্তে রাজ্যভার অর্পণ কর্যেছেন, তখন রাজকার্যে  
ও নিশ্চিত থাকবেন।

মন্ত্রী। সে আপনাদের অনুগ্রহ! আমি শক্ত্যানুসারে প্রজা-  
পালনে কখনও ত্রুটি করবো না। কিন্তু দেবেন্দ্রের অনুপস্থিতিতে  
কি স্বর্গপুরীর তেমন শোভা থাকে? চন্দ্র উদিত না হলে কি

আকাশমণ্ডল নক্ষত্রসমূহে তাদৃশ শোভমান হয়, ? কুমার ব্যতিরেকে দেবসৈন্যের পরিচালনা কত্যা আর কে সমর্থ হয় ?

দ্বিতী। তা বটে, কিন্তু আপনিও বুদ্ধিবলে দ্বিতীয় ব্রহ্মপতি। অতএব আমাদের মহীশ্মের প্রত্যাগমন কাল পর্য্যন্ত যে আপনার দ্বারা রাজকার্য সুচারুরূপে পরিচালিত হবে, তার কোন সংশয়ই নাই। (কর্পপাত করিয়া) আর যে কোন শব্দ ক্রটিগোচর হচেয না ? বোধ করি, মহারাজ অনেক দূর গমন করেছেন ! আমাদের আর এস্থলে অপেক্ষা করার কি প্রয়োজন ? চলুন, আমরাও স্ব স্ব গৃহে গমন করি।

মন্ত্রী। হাঁ, তবে চলুন।

[ সকলের প্রস্থান।

---

ইতি দ্বিতীয়াক্ষর।

# তৃতীয় অঙ্ক ।

## প্রথম গর্ভাঙ্ক

প্রতিষ্ঠান পুরী—রাজনিকেতনসম্মুখে

### মন্ত্রীর প্রবেশ ।

মন্ত্রী । ( স্বগত ) মহারাজ যে মুনির আশ্রম হতে স্বদেশে প্রত্যাগমন করেছেন, এ পরম সৌভাগ্য আর আত্মাদের বিষয় । যেমন রজনী অবসন্ন হলে, সূর্য্যদেবের পুনঃ প্রকাশে জগন্মাতা বসুন্ধরা প্রফুল্লচিত্তা হন, রাজবিরহে কাতরা রাজধানীও নৃপাঙ্গমনে অদ্য সেইরূপ হয়েছে । ( নেপথ্যে মঙ্গলবাদ্য ) পুরবাসিরা অদ্য অপার আনন্দার্ধবে মগ্ন হয়েছে । অদ্য যেন কোন দেবোৎসবই হচে! আর না হবেই বা কেন? নহুষপুত্র যযাতি এই বিশালচন্দ্রবংশের চূড়ামণি; আর ঋষিবর-তুহিতা দেবযানীও রূপগুণে অনুপমা; অতএব এঁদের সমাগমে নিরানন্দের বিষয় কি? আহা! রাজমহিষী যেন সাক্ষাৎ লক্ষ্মী-স্বরূপা! এমন দয়াশীলা, পরোপকারিণী, পতিপরায়ণা স্ত্রী, বোধ হয়, ভূমণ্ডলে আর নাই; আর আমাদের মহারাজও বেদ-বিদ্যাবলে নিকম্পম! অতএব উভয়েই উভয়ের অনুরূপ পাত্র বটেন। তা এইরূপ হওয়াই ত উচিত; নচেৎ অমৃত কি কখন চণ্ডালের ভক্ষ্য হয়ে থাকে? লোচনানন্দ সুধাকর ব্যতিরেকে রোহিণীর কি প্রকৃত শোভা হয়? রাজহংসী বিকশিত কমল-কাননেই গমন করে থাকে। মহারাজ প্রায় সার্বৈক বৎসর রাণীর সহিত নানা দেশ ভ্রমণ ও নানা তীর্থ দর্শন করে এতদিনে

স্বরাজধানীতে পুনরাগমন কল্যে!—যখনামে নৃপবরের যে একটি নবকুমার জন্মেছেন, তিনিও সর্বসুলক্ষণধারী। আহা! যেন সুচারু শমীরক্ষের অভ্যন্তরস্থ অগ্নিকণা পৃথিবীকে উজ্জ্বল করবার জন্যে বহির্গত হয়েছে! এক্ষণে আমাদের প্রার্থনা এই, যে রূপাময় পরমেশ্বর পিতার ন্যায় পুত্রকেও যেন চন্দ্রবংশ-শেখর করেন! আঃ, মহারাজ রাজকর্মে নিযুক্ত হয়ে আমার মস্তক হতো যেন বসুন্ধরার ভার গ্রহণ করেছেন, কিন্তু আমার পরিশ্রমের সীমা নাই। বাই, রাজভবনের উৎসব প্রকরণ সমাধা করি গে।

[ প্রস্থান।

( মিষ্ঠান্ন হস্তে বিদূষকের প্রবেশ। )

বিদু। (স্বগত) পরদ্রব্য অপহরণ করা যেন পাপকর্মই হলো, তার কোন সন্দেহ নাই; কিন্তু, চোরের ধন চুরি করলে যে পাপ হয়, এ কথা ত কোন শাস্ত্রেই নাই! এই উত্তম সুখাদ্য মিষ্ঠান্ন গুলি ভাণ্ডারি বেটা রাজভোগ হতো চুরি করে এক নির্জন স্থানে গোপন করে রেখেছিল; আমি চোরের উপর বাটপাড়ি করেছি! উঃ, আমার কি বুদ্ধি! আমি কি পাপকর্ম করেছি? যদি পাপকর্মই করে থাকি, তবে যা হোক, এতে উচিত প্রায়শ্চিত্ত কল্যেই ত খণ্ডন হতো পারে। একজন দরিদ্র সদংশজাত ব্রাহ্মণকে আহ্বান করে, তাঁকে কিঞ্চিৎ মিষ্ঠান্ন দিলেই ত আমার পাপধ্বংস হবে। আহা! ব্রাহ্মণভোজন পরমধর্ম। (আপনার প্রতি লক্ষ্য করিয়া) হে দ্বিজবর! এ স্থলে আগমন পূর্বক কিঞ্চিৎ মিষ্ঠান্ন গ্রহণ করুন। এই যে এলেম্। হে দাতঃ, কি মিষ্ঠান্ন দেবে, দাও দেখি? তবে বসুতে আঞ্জা হউক। (স্বয়ং উপবেশন) এই আহার করুন (স্বয়ং ভোজন) ওহে ভক্তবৎসল! তুমি আমাকে অভ্যন্ত পরিভূষ করলে।

(স্বয়ং গাজ্রোথান করিয়া) তুমি কি বর প্রার্থনা কর? হে দ্বিজবর! যদি এই মিষ্টান্ন চুরির বিষয়ে আমার কোন পাপ হয়ে থাকে, তবে যেন সে পাপ দূর হয়। তথাস্তু! এই ত নিষ্পাপী হলেম! ওহে, ব্রাহ্মণকুলে জন্ম কি সামান্য পুণ্যের কর্ম! (উচ্চৈঃস্বরে হাস্য) যা ইউক! প্রায় দেড় বৎসর রাজার সহিত নানা দেশ পর্যটন আর নানা তীর্থ দর্শন করেছি, কিন্তু মা যমুনা! তোমার মতন পবিত্রা নদী আর ছুটি নাই! তোমার ভগিনী জাহ্নবীর পাদপদ্মে সহস্র প্রণাম, কিন্তু মা, তোমার শ্রীচরণাবুজে সহস্র সহস্র প্রণিপাত! তোমার নির্মলসলিলে স্নান করলো কি ক্ষুধার উদ্রেকই হয়! যাই, এখন আর বিলম্বে প্রয়োজন নাই। রাণী বল্লেন, যে একবার তুমি গিয়ে দেখে এসে দেখি, আমার যত্ন কি কচ্যে? তা দেখতে গিয়ে আমার আবার মধ্যে থেকে কিছু মিষ্টান্নও লাভ হয়ে গেল। বেগারের পুণ্যে কাশী দর্শন! মন্দই কি? আপনার উদর তৃপ্তি হলো; এখন রাণীর মনঃ তৃপ্তি করি গে।

[ প্রস্থান।

## দ্বিতীয় গর্তাক

প্রতিষ্ঠান পুরী—রাজ শুকান্ত।

রাজা যযাতি এবং রাজ্ঞী দেবযানী—উভয়ে আসীন।

রাজ্ঞী। হে নাথ! আপনার মুখে যে সে কথা গুলি কত মিষ্ট লাগে, তা আমি একমুখে বলতে পারিনা! কত বার ত আপনার মুখে সে কথা শুনেছি, তথাপি আবার তাই শুনতে বাসনা হয়! হে জীবিতেশ্বর! আপনি আমাকে সেই অন্ধকারময় কুপ হতে উদ্ধার করে আমায় নিকটে বিদায় হয়ে, কোথায় গেলেন?

রাজা। প্রিয়ে! যেমন কোন মনুষ্য, কোন দেবকন্যাকে

দৈবযোগে অকস্মাৎ দর্শন করে ভয়ে অতিবেগে পলায়ন করে, আমিও তদ্রূপ তোমার নিকট বিদায় হয়ে দ্রুতবেগে ঘোরতর মহারণ্যে প্রবেশ করলেম, কিন্তু আমার চিত্তচকোর তোমার এই পূর্ণচক্ষ্যাননের পুনর্দর্শনে যে কি রূপ ব্যাকুল হলো, যিনি অন্তর্যামী ভগবান্, তিনিই তা বলতে পারেন। পরে আমি আতপতাপে তাপিত হয়ে বিশ্রামার্থে এক তরুতলে উপবেশন করলেম, এবং চতুর্দিকে দৃষ্টি নিক্ষেপ করে দেখলেম, যেন সকলই অন্ধকারময় এবং শূন্যাকার! কিঞ্চিৎ পরে সে স্থান হতে গাত্রোত্থান করে গমনের উপক্রম করি, এমন সময়ে এক হরিণী আমার দৃষ্টিপথে পতিত হলো। স্বাভাবিক মৃগয়াসক্তি হেতু আমিও সেই হরিণীকে দর্শনমাত্রেই শরাসনে এক খরতর শরযোজনা করলেম; কিন্তু সন্ধানকালে কুরঙ্গিণী আমার প্রতি দৃষ্টি নিক্ষেপ করাতে তার নয়নযুগল দেখে আমার তৎক্ষণাৎ তোমার এই কমলনয়ন স্মরণ হলো, এবং তৎকালে আমি এমন বলহীন আর বিমুগ্ধ হলেম, যে আমার হস্ত হতে শরাসন ভুতলে কখন্ যে পতিত হলো, তা আমি কিছুই জান্তে পালেম না।

রাজ্ঞী। (রাজার হস্ত ধরিয়া এবং অনুরাগ সহকারে) হে প্রাণনাথ! আমার কি শুভাদৃষ্ট!—তার পর!

রাজা। প্রেয়সি! যদি তোমার শুভাদৃষ্ট, তবে আমার কি? প্রিয়ে! তুমি আমার জন্ম সফল করেছো!—তার পর গমন কর্তে কর্তে এক কোকিলার মধুর ধ্বনি শ্রবণ করে আমার মনে হলো, যে তুমিই আমাকে কুহুরবে আহ্বান করো।

রাজ্ঞী। হে প্রাণেশ্বর! তখন যদি সেই কোকিলার দেহে আমার প্রাণ প্রবিষ্ট হতে পারত, তবে সে কোকিল কুহুরবে কেবল এই মাত্র বলতো, “হে রাজন্! আপনি সেই কুপতটে পুনর্গমন করন্, আপনার জন্যে শুক্রকন্যা দেবযানী ব্যাকুলচিত্তে পথ নিরীক্ষণ করো।”



রাজা। প্রিয়ে! আমার অদৃষ্টে যে এত সুখ আছে, তা আমি স্বপ্নেও জানি না; যদি আমি তখন জান্তে পাত্যে, তবে কি আর এ নগরীতে একাকী প্রত্যাগমন করি? একবারে তোমাকে আমার হৃৎপদ্মাসনে উপবিষ্ট করিয়েই আন্তোম! আমি যে কি শুভলগ্নে দৈত্যদেশে যাত্রা করেছিলাম, তা কেবল এখনই জানতে পাচি!

( বিদূষকের প্রবেশ । )

কিহে, দ্বিজবর! কি সংবাদ?

বিদু। মহারাজ! শ্রীমান্ নবকুমার রাজকুমারকে একবার দর্শন করে এলোম। রাজমহিষী চিরজীবিনী হউন্। আহা! কুমারের কি অপরূপ রূপ লাভণ্য! যেন দ্বিতীয় কুমার, কিম্বা তরুণ অরুণতুল্য শোভা! আর না হবেই বা কেন? “পিতা যস্য, পিতা যস্য”—আ হা হা! কবিতাটা বিস্মৃত হলোম যে?

রাজা। (সহাস্য বদনে) ক্ষান্ত হও হে, ক্ষান্ত হও! তোমার মত ঔদরিক ব্রাহ্মণের খাদ্যদ্রব্যের নাম ব্যতীত কি আর কিছু মনে থাকে?

রাজ্ঞী। (বিদূষকের প্রতি) মহাশয়! আমার যত্ন নিদ্রাভঙ্গ হয়েছে না কি? (রাজার প্রতি) নাথ, তবে আমি এখন বিদায় হই।

রাজা। প্রিয়ে! তোমার যেমন ইচ্ছা হয়।

[ রাজ্ঞীর প্রস্থান । ]

বিদু। মহারাজ! এই যে আপনাদের ক্ষত্রিয়জাতির যে কি স্বভাব তা বলো উঠা ভার। এই দেখুন দেখি! আপনি দৈত্যদেশে মৃগয়া করতে গিয়ে কি না করলেন? ক্ষত্রিয়-দুষ্পুংগা মহর্ষিকন্যাকেও আপনি লাভ করেছেন! আপনাকে ধন্যবাদ। আহা! আপনি দৈত্যদেশ হতে কি অপূর্ব অনু-

পম রত্নই এন্যোছেন। ভাল মহারাজ ! জিজ্ঞাসা করি, এমন রত্ন  
কি সেখানে আর আছে ?

রাজা। (সহাস্য মুখে) তাই হে ! বোধ হয়, তৈতাদেশে  
এ প্রকার রত্ন অনেক আছে।

বিদু। মহারাজ, আমার ত তা বিশ্বাস হয় না।

রাজা। তুমি কি মহিষীর সকল সহচরীগণকে দেখেছ ?

বিদু। আজ্ঞা না।

রাজা। আহা ! সখে, তাঁর সহচরীদের মধ্যে একটি যে  
স্ত্রীলোক আছে, তার রূপ লাভের কথা কি বলবো ! বোধ হয়,  
যেন মালা লক্ষ্মীদেবীই অবনীতে অবতীর্ণ হয়েছেন। সে যে  
মহিষীর নিতান্ত সহচরী কি সখী, তাও নয়।

বিদু। কি তবে মহারাজ !

রাজা। তা তাই, বলতে পারি না, মহিষীকেও জিজ্ঞাসা  
করতে শঙ্কা হয় ! আর আমিও যে তাকে বিলক্ষণ স্পর্শরূপে  
দেখেছি, তাও নয়। যেমন রাত্রিকালে আকাশমণ্ডল ঘনঘটা  
দ্বারা আচ্ছন্ন হলো নিশানাথ মুহূর্তকাল দৃষ্ট হয়ে পুনরায় মেঘাবৃত  
হন, সেই সুন্দরী আমার দৃষ্টিপথে কয়েকবার সেই রূপে পতিত  
হয়েছিল। বোধ হয়, রাজ্ঞীও বা তাকে আমার সম্মুখে আসতে  
নিষেধ করে থাকবেন। আহা ! সখে, তার কি রূপমাধুর্য !  
তার পদনয়ন দর্শন করলো পদের উপর ঘৃণা জন্মে। আর  
তার মধুর অধরকে রতিসর্কস্ব বললেও বলা যেতে পারে ?

(নেপথ্যে) দোহাই মহারাজের ! আমি অতি দরিদ্র ব্রাহ্মণ।  
হায় ! হায় ! আমার সর্কনাশ হলো।

রাজা। (সমস্ত্রমে) এ কি ! দেখ ত হে ? কোন্ ব্যক্তি রাজ-  
দ্বারে এত উচ্চঃস্বরে হাহাকার কচে ?

বিদু। যে আজ্ঞা ! আমি—(অকৌতুক)।

(নেপথ্যে) দোহাই মহারাজের ! হায় ! হায় ! হায় ! আমার  
সর্কস্ব গেলো !

রাজা। যাও না হে! বিলম্ব কচ্যো কেন? ব্যাপারটা কি?  
চিত্রপুস্তলিকার ন্যায় যে নিষ্পন্দ হয়ে দাঁড়িয়ে রইলে?

বিদূ। আজ্ঞা না, ভাবছি বলি, দেব-অমাত্য হয়ে আপনি দৈত্য-  
গুরু কন্যা বিবাহ করেছেন, সেই ক্রোধে যদি কোন মায়াবী  
দৈত্যই বা এসে থাকে; তা হলে—(অন্ধোক্তি)।

রাজা। আঃ ক্ষুদ্রপ্রাণি! তুমি থাক, তবে আমি আপনিই  
যাই!

বিদূ। আজ্ঞা না মহারাজ! আমার অদৃষ্টে যা থাকে তাই  
হবে; আপনার যাওয়া কখনই উচিত হয় না।

[প্রস্থান।

রাজা। (গাত্রোথান করিয়া স্মিতমুখে স্বগত) ব্রাহ্মণজাতি  
বুদ্ধে ব্রহ্মপতি বটে, কিন্তু স্ত্রীলোকাপেক্ষাও ভীক! (চিন্তা  
করিয়া) সে যা হোক, সে স্ত্রীলোকটি যে কে, তা আমি ভেবে  
চিন্তে কিছুই স্থির কতো পাচ্চি না। আমরা যখন গোদাবরী  
তীরস্থ পর্বতমুনির আশ্রমে কিঞ্চিৎকাল বিহার করি, তখন  
এক দিন আমি একলা নদীতটে ভ্রমণ কতোয় এক পুষ্পাদ্যানে  
প্রবেশ করেছিলাম। সেখানে সেই পরম রমণীয়া নবযৌবনা  
কামিনীকে দেখলেম্, আপনার করতলে কপোল বিন্যাস করে  
অশোকরক্ষ তলে বসে রয়েছে, বোধ হলো, যে সে চিন্তাৰ্ণবে  
মগ্না রয়েছে; আর তার চারিদিকে নানা কুমুম বিস্তৃত ছিল,  
তাতে এমনি অনুমান হতে লাগলো যেন দেবতাগণ সেই  
নবযৌবনা অঙ্গনার সৌন্দর্য্যগুণে পরিতুষ্ট হয়ে তার উপর  
পুষ্পরষ্টি করেছেন, কিম্বা স্বয়ং বসন্তরাজ বিকশিত পুষ্পাঞ্জলি  
দিয়ে রতিভ্রমে তাকে পূজা করেছেন? পরে আমার পদশব্দ  
শুনে সেই বামা আমার দিকে নয়নপাত করে, যেমন কোন  
ব্যাককে দেখে কুরঙ্গিনী পবনবেগে পলায়ন করে, তেমনি  
ব্যস্তমস্তে অন্তর্হিতা হলো। পরম্পরায় শুনেছি, যে ঐ

সুন্দরী দৈত্যরাজকন্যা শর্মিষ্ঠা, কিন্তু তার পর আর কোন পরিচয় পাই নাই। সবিশেষ অবগত হওয়াও আবশ্যিক, কিন্তু — (অর্দ্ধোক্তি)।

(বিদূষকের একজন ব্রাহ্মণ সহিত পুনঃপ্রবেশ।)

ব্রাহ্মণ। দোহাই মহারাজের! আমি অতি দরিদ্র ব্রাহ্মণ! আমার সর্বনাশ হলো।

রাজা। কেন, কেন? রাত্তি টা কি বলুন দেখি?

ব্রাহ্মণ। (ক্লতাঞ্জলিপুটে) ধর্মান্বিতার! কয়েকজন ছুর্দান্ত তস্কর আমার গৃহে প্রবেশ করে যথাসর্বস্ব অপহরণ কচে! হায়! হায়! কি সর্বনাশ! হে নরেশ্বর, আপনি আমাকে রক্ষা করুন।

রাজা। (সরোষে) সে কি? এ রাজ্যে এমন নির্ভয় পাষাণ লোক কে আছে, যে ব্রাহ্মণের ধন অপহরণ করে? মহাশয়, আপনি ক্রন্দন সম্বরণ করুন, আমি স্বহস্তে এই মুহূর্তেই সেই ছুরাচার দস্যুদলের বথোচিত দণ্ড বিধান করবো। (বিদূষকের প্রতি) সাথে মাধব, তুমি ত্বরায় আমার ধনুর্বাণ ও অসিচর্ম্ম আন দেখি।

বিদূ। মহারাজ, আপনার স্বয়ং যাবার প্রয়োজন কি?

রাজা। (সক্রোধে) তুমি কি আমার আজ্ঞা অবহেলা কর?

বিদূ। (সত্রাসে) সেকি, মহারাজ? আমার এমন কি সাধ্য যে আপনার আজ্ঞা উল্লঙ্ঘন করি।

[বেগে প্রস্থান।]

রাজা। মহাশয়, কত জন তস্কর আপনার গৃহাক্রমণ করেছে?

ব্রাহ্মণ। হে মহীপতে, তা নিশ্চয় বলতে পারি না। হায়! হায়! আমার সর্বস্ব গেলো।

রাজা। ঠাকুর, আপনি ঠৈর্ঘ্য অবলম্বন ককন; আর রুখা  
আক্ষিপ করবোন না।

(বিদুষকের অস্ত্রশস্ত্র লইয়া পুনঃ প্রবেশ।)

এই আমি অস্ত্র গ্রহণ কল্যাম্। (অস্ত্র গ্রহণ) এখন চলুন যাই।

[রাজা ও বান্ধগের প্রস্থান।

বিদু। (স্বগত) যেমন আছতি দিলে অগ্নি জ্বলে উঠে,  
তেমনি শত্রুনামে আমাদের মহারাজেরও কোপাগ্নি জ্বলে উঠলে।  
চোর বেটাদের আজ যে মরণদশা ধরেছে, তার কোন সন্দেহ  
নাই। মরবার জন্যেই পিঁপড়ের পাখা ওঠে! এখন এখানে  
থেকে আর কি করবো? যাই, নগরপালের নিকট এ সংবাদ  
পাঠিয়ে দিগে।

[প্রস্থান।

## গর্ভাক্ষ

প্রতিষ্ঠান পুরী—রাজাস্তম্ভপুৰ সংক্রান্ত উদ্যান।

(বকামুর এবং শর্মিষ্ঠার প্রবেশ।)

বক। ভদ্রে, এ কথা আমি তোমার মাতা দৈত্যরাজমহিষীকে  
কি প্রকারে বলবো? তিনি তোমা বিরহে শোকানলে যে কি  
পর্যন্ত পরিতাপিতা হচেচন্, তা বলা ছুঙ্কর। হে কল্যাণি, তোমা  
ব্যতিরেকে সে শোকানল নির্বাণ হবার আর উপায়ান্তর নাই।

শর্মি। মহাশয়, আমার অক্রজলে যদি সে অগ্নি নির্বাণ হয়,  
তবে আমি তা অবশ্যই করবো; কিন্তু আমি দৈত্যপুরীতে আর  
এজন্মে ফিরে যাব না! (অধোবদনে রোদন।)

বক। ভদ্রে, গুরু মহর্ষিকে তোমার পিতা নানাবিধ পূজা-  
বিধিতে পরিতুষ্ট করেছেন; রাজচক্রবর্তী ঘাতির পাটরাণী  
দেবযানী স্বীয় পিতৃ-আজ্ঞা কখনই উল্লঙ্ঘন বা অবহেলা করবেন  
না; বদ্যপি তুমি অনুমতি কর, আমি রাজসভায় উপস্থিত হয়ে  
নৃপতিকে এ সকল রূতাস্ত অবগত করাই। হে কল্যাণি, তোমা  
বিরহে দৈত্যপুরী এককালে অন্ধকার হয়েছে; আর পুরবাসিরাও  
রাজদম্পতীর দুঃখে পরম দুঃখিত।

শর্শ্মি। মহাশয়, আপনি যদি এ কথা নৃপতিকে অবগত করতে  
উদ্যত হন, তবে আমি এই মুহূর্তেই এস্থলে প্রাণত্যাগ করবো!  
(রোদন।)

বক। শুভে, তবে বল, আমার কি করা কর্তব্য?

শর্শ্মি। মহাশয়, আপনি দৈত্যদেশে পুনর্গমন করুন, এবং  
আমার জনকজননীকে সহস্র সহস্র প্রণাম জানিয়ে এই কথা  
বলবেন, তোমাদের হতভাগিনী ছুহিতার এই প্রার্থনা, যে  
তোমরা তাকে জন্মের মত বিস্মৃত হও!

বক। রাজনন্দিনি, তোমার জনক জননীকে আমি এ কথা  
কেমন করে বলবো? তুমি তাঁদের একমাত্র কন্যা; তুমি তাঁদের  
মানসমরোবরের একটি মাত্র পদ্মিনী; তুমিই কেবল তাঁদের হৃদয়-  
কাশের পূর্ণশশী।

শর্শ্মি। মহাশয়, দেখুন, এ পৃথিবীতে কত শত লোকের সন্তান  
সন্ততি যৌবনকালেই মানবলীলা সম্বরণ করে; তা তারা কি  
চিরকাল শোকানলে পরিতপ্ত হয়? শোকানল কখন চিরস্থায়ী  
নয়।

বক। কল্যাণি, তবে কি তোমার এই ইচ্ছা, যে তুমি আপনার  
জন্মভূমি আর দর্শন করবে না? তোমার পিতামাতাকে কি একে-  
বারে বিস্মৃত হলো? আর আমাকে কি শেষে এই সংবাদ লয়ে  
যেতে হলো?

শর্মা । মহাশয়, আমার পিতামাতা আমার মানসমন্দিরে চিরকাল পূজিত রয়েছেন । যেমন কোন ব্যক্তি, কোন পরম পবিত্র তীর্থ দর্শন করে এসে, তত্রস্থ দেবদেবীর অদর্শনে, তাঁদের প্রতিমূর্তি আপনার মনোমন্দিরে সংস্থাপিত করে ভক্তিতাবে সর্বদা ধ্যান করে, আমিও সেইরূপ আমার জনক জননীকে ভক্তি ও শ্রদ্ধার সহিত চিরকাল স্মরণ করবো ; কিন্তু তদভ্যদেশে প্রত্যাগমন কর্তব্যে আপনি আমাকে আর অনুরোধ করবেন না ।

বক । বৎসে, তবে আমি বিদায় হই ।

শর্মা । ( নিরুত্তরে রোদন ) ।

বক । ( দীর্ঘনিশ্বাস পরিত্যাগ করিয়া ) ভদ্রে, এখনও বিবেচনা করে দেখ ! রাজসভা অতিদূরবর্তিনী নয় ; রাজচক্রবর্তী যযাতিও পরম দয়ালু ও পরহিতৈষী ; তোমার আদ্যোপান্ত সমুদায় বিবরণ শ্রবণমাত্রেই তিনি যে তোমাকে স্বদেশগমনে অনুমতি করবেন, তার কোন সংশয় নাই ।

শর্মা । ( স্বগত ) হা হৃদয়, তুমি জালায়ত পক্ষির ন্যায় যত মুক্ত হৈতো চেষ্টা কর, ততই আরো আবদ্ধ হও ! ( প্রকাশে ) হে মহাভাগ ! আপনি ও কথা আর আমাকে বলবেন না ।

বক । তবে আর অধিক কি বলবো ? শুভে, জগদীশ্বর তোমার কল্যাণ করুন ! আমার আর এস্থলে বিলম্ব করবার কোন প্রয়োজন নাই ; আমি বিদায় হলেম্ ।

[ প্রস্থান ।

শর্মা । ( স্বগত ) এ ছুস্তর শোকসাগর হতে আমাকে আর কে উদ্ধার করবে ? হা হতবিধাতঃ, তোমার মনে কি এই ছিল ? তা তোমারই বা দোষ কি ! ( রোদন ) । আমি আপন কর্মদোষে এ ফল ভোগ করছি । গুরুকন্যার সহিত বিবাদ করে প্রথমে রাজভোগচ্যুতা হয়ে দাসী হলেম্ ; তা দাসী হয়েও ত বরং ভাল ছিলোম, গুরুর আশ্রমে ত কোন ক্লেশই ছিল

না ; কিন্তু এ আবার বিধির কি বিড়ম্বনা ! হা অবোধ অন্তঃ-  
করণ, তুই যে রাজা যযাতির পুত্রি এত অনুরক্ত হইলি, এতে তোর  
কি কোন ফল লাভ হব্যে ? তা তোরই বা দোষ কি ? এমন মূর্ত্তি-  
মান্ কন্দর্পকে দেখ্যে কে তার বশীভূত না হয় ? দিনকর উদয়াচলে  
দর্শন দিলে কি কমলিনী নিমীলিত থাকতে পারে ? ( দীর্ঘ নিশ্বাস  
পরিত্যাগ করিয়া ) তা আমার এ রোগের মৃত্যু ভিন্ন, আর ঔষধ  
নাই ! আহা ! গুরুকন্যা দেবযানী কি ভাগ্যবতী ! ( অধোবদনে  
রুদ্ধতলে উপবেশন ) ।

( রাজার প্রবেশ । )

রাজা । ( স্বগত ) আমি ত এ উদ্যানে বহুকালাবধি আসি  
নাই । শ্রুত আছি, যে এর চতুর্পার্শ্বে মহিষীর সহচরীগণ  
না কি বাস করে । আহা ! স্থানটি কি রমণীয় ! সুমন্দ সমীরণ  
সঞ্চারে এখানকার লতামণ্ডপ কি সুশীতল হয়ে রয়েছে ! চতু-  
র্দিকে প্রচণ্ড তপনতাপ যেন দেবকোপাগ্নির ন্যায় বসুমতীকে  
দগ্ধ কর্চে, কিন্তু এপ্রদেশের কি প্রশান্তভাব । বোধ হয়, যেন  
বিজনবিহারিণী শান্তিদেবী দুঃসহ প্রভাকরপ্রভাবে একান্ত অধীরা  
হয়ে, এখানেই স্নিগ্ধচিত্তে বিরাজ কর্চেন ; এবং তাঁর অনুরোধে  
আর এই উদ্যানস্থ বিহঙ্গমকুলের কুঞ্জরূপ স্তুতিপাঠেই যেন  
সূর্য্যদেব আপনার প্রখরতর কিরণজাল এস্থল হতে মগ্নরন কর্চে-  
ছেন । আহা ! কি মনোহর স্থান ! কিঞ্চিৎকাল এখানে বিশ্রাম  
কর্যে শ্রান্তি দূর করি । ( শিলাতলে উপবেশন ) দুষ্টি তক্ষরগণ  
ঘোরতর সংগ্রাম কর্চিল ; কিন্তু আমি অগ্নি-অস্ত্রে তাদের সকল  
কেই ভস্ম কর্চি । ( নেপথ্যে বীণাধ্বনি ) আহা ! কি মধুর  
ধ্বনি ! বোধ হয়, মঙ্গীতবিদ্যায় নিপুণা মহিষীর কোন সহচরী  
সঙ্গিনীগণ সমভিব্যাহারে আমোদ প্রমোদে কাল যাপন কর্চে ।  
কিঞ্চিৎ নিকটবর্তী হয়ে শ্রবণ করি দেখি ( নিকটে গমন )  
নেপথ্যে ।



## গীত ।

রাগিণী সোহিনী বাহারু—তাল আড়া ।

আমি ভাবি যার ভাবে, সে তো তা ভাবে না ।

পরে প্রাণ দিয়ে পরে, হলো কি লাঞ্ছনা ।

করিয়ে সুখেরি সাধ, একি বিষাদ ঘটনা ।

বিষম বিবাদি বিধি, প্রেমনিধি মিলিলোনা ।

ভাব লাভ আশা করে, মিছে পরেরি ভাবনা ।

খেদে আছি ম্রিয়মাণ বুঝি প্রাণ রহিল না ॥

রাজা । আহা ! কি মনোহর সঙ্গীত ! মহিষী যে এমন এক-জন সুগায়িকা স্বদেশ হতে সঙ্গ এনেছেন, তা আমি ত স্বপ্নেও জানতেম্ না । ( চিন্তা করিয়া ) এ কি ? আমার দক্ষিণবাহু স্পন্দন হতে লাগলো কেন ? এ স্থলে মাদৃশ জনের কি কল লাভ হতে পারে ? বলাও যায় না, ভবিতব্যের দ্বার সর্বত্রই মুক্ত রয়েছে । দেখি, বিধাতার মনে কি আছে ।

শর্মি । ( গাত্রোখান করিয়া স্বগত ) হা হতভাগিনি ! তুমি স্বেচ্ছাক্রমে প্রণয়পরবশ হয়ে আবার স্বাধীন হতে চাও ? তুমি কি জান না, যে পিঞ্জরবদ্ধ পক্ষির চঞ্চল হওয়া স্বথা ? হা পিতামাতা ! হা বন্ধুবান্ধব ! হা জন্মভূমি ! আমি কি তবে তোমাদের আর এ জন্মে দর্শন পাবো না । ( রোদন ) ।

রাজা । ( অগ্রসর হইয়া স্বগত ) আহা ! মধুরস্বরা পল্লবানুতা কোকিলা কি নীরব হলো ! ( শর্মিষ্ঠাকে অবলোকন করিয়া ) এ পরমসুন্দরী নবযৌবনা কামিনীটি কে ? ইনি কি কোন দেবকন্যা বনবিহার-অভিলাষে স্বর্গহতে এ উদ্যানে অবতীর্ণা হয়েছেন ? নতুবা পৃথিবীতে এতাদৃশ অপরূপ রূপের কি প্রকারে সম্ভব হয় ? তা কঠনক অদৃশ্যভাবে দেখিই না কেন, ইনি একাকিনী এখানে কি কচ্যে ? ( স্নানান্তরালে অবস্থিতি ) ।

শর্মি। (মুক্তকণ্ঠে) বিধাতা স্ত্রীজাতিকে পরাধীন করে সৃষ্টি করেছেন। দেখ, ঐ যে সুবর্ণবর্ণ লতাটি স্বেচ্ছানুসারে ঐ অশোকবৃক্ষকে বরণ করে আলিঙ্গন কচে, যদিও কেউ ওকে অন্য কোন উদ্যান হতে এনে এখানে রোপণ করে থাকে, তথাপি কি ও জন্মভূমিদর্শনার্থে আপন প্রিয়তম তরুণকে পরিত্যাগ কতে পারে? কিম্বা যদি কেউ ওকে এখান হতে স্ববলে লয়ে যায়, তবে কি ও আর প্রিয়বিরহে জীবন ধারণ করে? হে রাজন, আমিও সেইমত তোমার জন্যে পিতামাতা, বন্ধুবান্ধব, জন্মভূমি সকলই পরিত্যাগ করেছি। যেমন কোন পরমভক্ত কোন দেবের সুপ্রসন্নতার অভিলাষে পৃথিবীস্থ সমুদায় সুখভোগ পরিত্যাগ করে সন্ন্যাসধর্ম অবলম্বন করে, আমিও সেইরূপ যযাতি-মূর্ত্তি সার করে অন্য সকল সুখে জলাঞ্জলি দিয়েছি! (রোদন)।

রাজা,। (স্বগত) এ কি আশ্চর্য্য! এ যে সেই দৈত্যরাজ-দুহিতা শর্মিষ্ঠা! কিন্তু এ যে আমার প্রতি অনুরক্তা হয়েছে, তা ত আমি স্বপ্নেও জানি না। (চিন্তা করিয়া সপুলকে) বোধ হয়, এই জন্যেই বুঝি আমার দক্ষিণবাহু স্পন্দন হতোছিল। আহা! অদ্য আমার কি সুপ্রভাত! এমন রমণীরত্ন ভাগ্যক্রমে প্রাপ্ত হলো যে কত যত্নে তাকে হৃদয়ে রাখি, তা খলা অসাধ্য! (অগ্রসর হইয়া শর্মিষ্ঠার প্রতি) হে সুন্দরি, কতের কোপানলে মন্থথ পুনরায় দক্ষ হয়েছেন না কি, যে তুমি স্বর্গ পরিত্যাগ করে একা-কিনী এ উদ্যানে বিলাপ কচো?

শর্মি। (রাজাকে অবলোকন করিয়া লজ্জিত হইয়া স্বগত) কি আশ্চর্য্য! মহারাজ যে একাকী এ উদ্যানে এসেছেন?

রাজা। হে মৃগাঙ্কি, তুমি যদি মন্থথমনোহারিণী রতি না হও, তবে তুমি কে, এ উদ্যান অপরূপ রূপ লাভন্যে উজ্জ্বল কচো?

শর্মি। (স্বগত) আহা! প্রাণনাথ কি মিষ্টভাষী!—হা অস্তুঃকরণ! তুমি এত চঞ্চল হলো কেন?

রাজা। ভদ্রে, আমি কি অপরাধ করোছি, যে তুমি মধুরভাবে আমার কণকুহরের সুখপ্রদানে একবারে বিরত হলো?

শর্মি। (ক্লতাঞ্জলিপুটে) হে নরেশ্বর, আমি রাজমহিষীর একজন পরিচারিকামাত্র; তা দাসীকে আপনার এ প্রকারে সম্বোধন করা উচিত হয় না।

রাজা। না, না সুন্দরি, তুমি সাক্ষাৎ রাজলক্ষ্মী! যাহোক, যদিও তুমি মহিষীর সহচরী হও, তবে তোমাতে আমার সম্পূর্ণ অধিকার আছে। অতএব হে ভদ্রে, তুমি আমাকে বরণ কর।

শর্মি। হে নরবর, আপনি এ দাসীকে এমত আজ্ঞা করবেন না।

রাজা। সুন্দরি, আমাদের ক্ষত্রিয়কূলে গান্ধর্ববিবাহ প্রচলিত আছে, আর তুমি রূপে ও গুণে সর্বপ্রকারেই আমার অনুরূপ পাত্রী, অতএব হে কল্যাণি, তুমি নিঃশঙ্কচিত্তে আমার পানিগ্রহণ কর।

শর্মি। (স্বগত) হা হৃদয়, তোমার মনোরথ এত দিনের পর কি সফল হবে? (প্রকাশে) হে নরনাথ, আপনি এ দাসীকে ক্ষমা করুন! আমার প্রতি এ বাক্য বিড়ম্বনামাত্র।

রাজা। প্রিয়ে, আমি সূর্য্যদেব ও দিগ্‌মণ্ডলকে সাক্ষি করে এই তোমার পানিগ্রহণ করলেম, (হস্তধারণ) তুমি অদ্যাবধি আমার রাজমহিষীপদে অতিষিক্তা হলো।

শর্মি। (সমস্তমে) হে নরেশ্বর, আপনি এ কি করেন? শশধর কি কুমুদিনী ব্যতীত অন্য কুমুমে কখন স্পৃহা করেন?

রাজা। (সহাস্র বদনে) আর কুমুদিনীরও চন্দ্রস্পর্শে অপ্রফুল্ল থাকাত উচিত নয়! আহা! প্রেয়সি, অদ্য আমার কি শুভদিন! আমি যে দিবস তোমাকে গোদাবরী নদীতটে পর্বতমুনির আশ্রমে দর্শন করোছিলেম, সেই দিন অবধি তোমার এই অপূর্ব মোহনীমূর্তি আমার হৃদয়মন্দিরে প্রতিষ্ঠিত হয়ে রয়েছে! তা দেবতা সূত্রসন্ন হয়ে এতদিনে আমার অভীষ্ট সিদ্ধ কল্যে।

## ( দেবিকার প্রবেশ । )

দেবি। ( স্বগত ) আহা ! বকাসুর মহাশয়ের খেদোক্তি স্মরণ হলে হৃদয় বিদীর্ণ হয় ! ( চিন্তা করিয়া ) দেবধানীর পরিণয়কাল-বধিই প্রিয়সখীর মনে জন্মভূমির প্রতি এইরূপ বৈরাগ্য উপস্থিত হয়েছে। কি আশ্চর্য্য ! এমন সরলা বালার অন্তঃকরণ কি গুরু-কন্যার সৌভাগ্যে হিংসার পরিণত হলো ! ( রাজাকে অবলোকন করিয়া সমস্ত্রমে ) এ কি ! মহারাজ যযাতি যে প্রিয়সখীর সহিত কথোপকথন কচেন ! আহা ! দুইজনের একত্রে কি মনোহর শোভাই হয়েছে ! যেন কমলিনীনারক অবনীতে অবতীর্ণ হয়ে প্রিয়তমা কমলিনীকে মধুরভাষে পরিতুষ্ট কচেন !

শর্মি। আমার ভাগ্যে যে এত সুখ হবে, তা আমার কখনই মনে ছিল না ; হে নরেশ্বর, যেমন কোন যুথভ্রষ্টা কুরঙ্গিনী প্রাণ-ভয়ে ভীতা হয়ে কোন বিশাল পর্ব্বতান্তরালে আশ্রয় লয়, এ অনাথা দাসীও অদ্যাবধি সেইরূপ আপনার শরণাপন্না হলো ! মহারাজ, আমি এতদিন চিরছুঃখিনী ছিলাম ! ( রোদন ) ।

রাজা। ( শর্মিষ্ঠার অশ্রু উন্মোচন করিতে করিতে ) কেন, কেন প্রিয়ে ! বিধাতা ত তোমার নয়নযুগল কখন অশ্রুপূর্ণ হবার নিমিত্তে করেন নাই ?

রাজা। ( দেবিকাকে অবলোকন করিয়া সমস্ত্রমে ) প্রিয়ে, দেখদেখি, এ স্ত্রীলোকটি কে ?

শর্মি। মহারাজ, ইনি আমার প্রিয়সখী, এঁর নাম দেবিকা ।

দেবি। মহারাজের জয় হউক ।

রাজা। ( দেবিকার প্রতি ) সুন্দরি, তোমার কল্যাণে আমি সর্ব্বত্রই বিজয়ী ! এই দেখ, আমি বিনা সমুদ্রমন্থনে অদ্য এই কমলকাননে কমলাস্বরূপ তোমার সখীরত্ন প্রাপ্ত হলেম্ ।

দেবি । ( কর যোড়ে ) নরনাথ, এ রত্ন রাজমুকুটেরই যোগ্যাভরণ বটে, আমাদেরও অদ্য নয়ন সফল হলো ।

শর্মি । ( দেবিকার প্রতি ) তবে সখি, সংবাদ কি বল দেখি ?

দেবি । রাজনন্দি, বকাসুর মহাশয় তোমার নিকট বিদায় হয়েও পুনর্ব্বার একবার সাক্ষাৎ কতো নিতান্ত ইচ্ছুক ; তিনি পূর্ব্বদিকের রক্ষবাটিকাতে অপেক্ষা কচেন, তোমার যেমন অনুমতি হয় ।

রাজা । কোন্ বকাসুর ?

শর্মি । বকাসুর মহাশয় একজন প্রধান দৈত্য, তিনি আমার সহিত সাক্ষাৎকারণেই আপনার এ নগরীতে আগমন করেছেন ।

রাজা । (সমস্ত্রমে) সে কি ? আমি দৈত্যবর বকাসুর মহাশয়ের নাম বিশেষরূপে শ্রুত আছি, তিনি একজন মহাবীর পুরুষ । তাঁর যথোচিত সমাদর না কল্যে আমার এ রাজধানীর কলঙ্ক হবে ; প্রিয়ে, চল, আমরা সকলে অগ্রসর হয়ে তাঁর সহিত সাক্ষাত করি গে !

[ সকলের প্রস্থান ।

( বিদূষকের প্রবেশ । )

বিদূ । ( স্বগত ) এই ত মহিষীর পরিচারিকাদের উদ্যান ; তা টেক, মহারাজ কোথায় ? রক্ষক বেটা মিথ্যা কথা বলল্যে না কি ? কি আপদ্ ! প্রিয় বরষ্য অস্ত্রধারী ব্যক্তির নাম শুনল্যেই একবারে নেচে উঠেন্ ! ছি ! ক্ষত্রজাতির কি দুঃস্বভাব ! এঁদের কবিতারারা যে নরব্যাত্র বলেন্, সে কিছু অযথার্থ নয় । দেখ দেখি, এমন সময় কি মনুষ্য গৃহের বাহির হতে পারে ? আমি দরিদ্র ব্রাহ্মণ, আমার কিছু সুখের শরীর নয় ; তবুও আমার যে এ রৌদ্রে কত ক্লেশ বোধ হচে, তা বলা ছুফর ! এই দেখ, আমি যেন হিমাচল শিখর হয়েছি, আমার গা থেকে যে কত শত নদ ও নদী নিঃসৃত হয়ে ভূতলে পড়ছে, তার সীমা নাই ! ( মস্তকে হস্ত দিয়া ) উঃ ! আমি গঙ্গাধর হলোন্ না কি ? তা না হল্যে আমার মস্তকপ্রদেশে মন্দাকিনী যে এসে অবস্থিতি কচেন্,

এর কারণ কি? যা হোক, মহারাজ গেলোন্ কোথায়? তিনি যে একাকী দস্যুদলের সঙ্গে যুদ্ধ করতে বেরিয়েছেন, এ কথা শুনে পুরবাসিরা সকলেই অত্যন্ত ব্যাকুল হয়েছে, আর সৈন্যাধ্যক্ষেরা পদাতিকদল লয়ে তাঁর অন্বেষণে নানাদিকে ভ্রমণ কচে। কি উৎপাত! ডাঙ্কায় বসে যে মাছ বড়শীতে অনারামে গাঁথা যায়, তার জন্যে কি জলে ঝাঁপ দেওয়া উচিত? (চিন্তা করিয়া) হাঁ, এ ও কিছু অসম্ভব নয়। দেখ, এই উদ্যানের চতুর্পার্শ্বে রাণীর পরিচারিকারা বসতি করে। তারা সকলেই দৈত্যকন্যা। শুনেছি, তারা নাকি পুরুষকে ভেড়া করে রাখে। কে জানে, যদি তাদের মধ্যে কেউ আমাদের কন্দর্পস্বরূপ মহারাজের রূপ দেখে মুগ্ধ হয়ে তাঁকে মায়াবলে সেইরূপই করে থাকে, তবেই ত ঘোর প্রমাদ! (চিন্তা করিয়া) হাঁ, হাঁ তাও বটে, আমারও ত এমন জায়গায় দেখা দেওয়া উচিত কর্ম নয়। যদিও আমি মহারাজের মতন স্বয়ং মূর্তিমান মন্থন নই, তবু আমি যে নিতান্ত কদাকার তাও বলা যায় না। কে জানে, যদি আমাকেও দেখে আবার কোন মাগী খেপে ওঠে, তা হলেই ত আমি গেলেম্! তা ভেড়া হওয়া ত কখনই হবে না! আমি দুঃখী ব্রাহ্মণের ছেলে, আমার কি তা চলে? ও সব বরঞ্চ রাজাদের পোষায়; আমরা পেঠ ভরো খাব, আর আশীর্বাদ করবো; এই ত জানি, তা মাত্ জন্ম বরং নারীর মুখ না দেখবো, তবুত ভেড়া হতে স্বীকার হব না—বাপ্! (নেপথ্যাভিমুখে অবলোকন করিয়া সচকিতে) ও কি? ঐ না— এক মাগী আমার দিকে তাকিয়ে রয়েছে? ও বাবা, কি সর্বনাশ! (বস্ত্রের দ্বারা মুখাবরণ) মাগী আমার মুখটা না দেখতে পেলেই ঝাঁচি। হে প্রভু অনঙ্গ! তোমার পায়ে পড়ি, তুমি আম বৈ এ বিপদ হতে রক্ষা কর! তা আর কি? এখন দেখ্চি, পালাতে পাল্যেই রক্ষা।

[ বেগে পলায়ন ]

ইতি তৃতীয়ঙ্ক ।

## চতুর্থ অঙ্ক

### প্রথম গর্ভাঙ্ক ।

প্রতিষ্ঠান পুরী—রাজগৃহ ।

### রাজা ও বিদুষকের প্রবেশ ।

বিদু। বয়স্ম! আপনি অদ্য এত বিরসবদন হয়েছেন কেন?

রাজা। (দীর্ঘনিশ্বাস পরিত্যাগ করিয়া) আর ভাই! সর্বনাশ হয়েছে! হা বিধাতঃ, এ দুস্তর বিপদার্ণব হত্যে কিমে নিস্তার পাব।

বিদু। সে কি মহারাজ? ব্যাপারটা কি, বলুন দেখি?

রাজা। আর ভাই বলবো কি? যেমন কোন পোর্তবনিক ঘোরতর অন্ধকারময় বিভাবরীতে ভয়ানক সমুদ্রমধ্যে পথ হারালে, ব্যাকুলচিত্তে কোন দিগ্‌নির্নায়ক নক্ষত্রের প্রতি সহায় বিবেচনায় মুহূর্হুঃ দৃষ্টিপাত করে, আমি সেইরূপ এই অপার বিপদমাগরে পতিত হয়ে পরম কাঙ্ক্ষিত পরমেশ্বরকে একমাত্র ভরসাজ্ঞানে সর্বদা মানসে ধ্যান করি! হে জগৎপিতঃ, এ বিপদে আমাকে রক্ষা করুন।

বিদু। (স্বগত) এত কোন সামান্য ব্যাপার নয়! ত্রিভুবন-বিখ্যাত, রাজচক্রবর্তী স্বযাতি যে এতাদৃশ ত্রাসিত হয়েছেন, কারণটাই কি? (প্রকাশে) মহারাজ! ব্যাপারটা কি, বলুন দেখি?

রাজা। কি আর বলবো ভাই! এবার সর্বনাশ উপস্থিত; এত দিনের পর রানী আমার প্রেমসী শর্মিষ্ঠার বিষয় সকলই অবগত হয়েছেন।

বিদু। বলেন কি মহারাজ ? তা এ যে অনিষ্ট ঘটনা, তার কোন সন্দেহ নাই ; ভাল, রাজমহিষী কি প্রকারে এ সকল বিষয় জানতে পাল্যেন ?

রাজা। সখে, সে কথা কেন জিজ্ঞাসা কর ? বিধাতা বিমুখ হলো, লোকের আর দুঃখের পরিসীমা থাকে না। মহিষী অদ্য সায়ংকালে অনেক যত্নপূর্বক তাঁর পরিচারিকাদের উদ্যানে ভ্রমণ করতে আমাকে আহ্বান করোছিলেন ; আমিও তাতে অস্বীকার হতে পাল্যেম না। সুতরাং আমরা উভয়ে তথায় ভ্রমণ করতে করতে প্রেয়সী শর্মিষ্ঠার গৃহের নিকটবর্তী হল্যেম। তাই হে ! তৎকালে আমার অন্তঃকরণ যে কি প্রকার উদ্বিগ্ন হলো, তা বলা দুষ্কর।

বিদু ! বয়স্তু ! তার পর ?

রাজা। আমাকে দেখে প্রিয়তমা প্রেয়সী শর্মিষ্ঠার তিনটি পুত্র তাদের বাল্যক্রীড়া পরিত্যাগ করে প্রকুল্লবদনে উল্লস্বাসে আমার নিকটে এলো এবং রাজমহিষীকে আমার সহিত দেখে চিত্রার্ণিতের ন্যায় শুক্ন হয়ে দণ্ডায়মান রইলো।

বিদু। কি দুর্কিপাক ! তার পর ?

রাজা। রাজ্ঞী তাদের শুক্ন দেখে মৃদুস্বরে বললোন্, হে বৎসগণ, তোমরা কিছুমাত্র শঙ্কা করো না। এই কথা শুনে সর্বকনিষ্ঠ পুরু সক্রোধে স্বীয় কোমল বাহু আশ্ফালন করে বললো, আমরা কাকেও শঙ্কা করি না, তুমি কে ? তুমি যে আমাদের পিতার হাত ধরেছ ? তুমি ত আমাদের জননী নও,—তিনি হলো আমাদের কত আদর কতোয়ন।

বিদু। কি সর্বনাশ ! বয়স্তু, তার পর কি হলো ?

রাজা। সে কথার আর বলেবো কি ? তৎকালে আমার মস্তক কুলালচক্রের ন্যায় একবারে ঘূর্ণায়মান হতে লাগলো, আর মনে-মনে চিন্তা কল্যেম, যদি এসময়ে জগন্মাতা বসুন্ধরা দ্বিধা হন,



তা হলে আমি তৎক্ষণাৎ তাঁতে প্রবেশ করি ! ( দীর্ঘনিশ্বাস ) ।

বিদু। বয়স্য ! আপনি যে একবারে নিস্তব্ধ হলেন ।

রাজা। আর ভাই ! করি কি বল ! রাজমহিষী তৎকালে আমাকে আর প্রিয়তমা শর্মিষ্ঠাকে যে কত অপমান, কত ভৎসনা করলেন, তার আর সীমা নাই । অধিক কি বলবো, যদিও তেমন কটুবাক্য স্বয়ং বাগ্‌দেবীর মুখ হতে বহির্গত হতো, তা হলে আমি তাও সহ্য করতেন না, কিন্তু কি করি ? রাজমহিষী ঋষিকন্যা, বিশেষতঃ প্রিয়া শর্মিষ্ঠার সহিত তাঁর চিরবাদ । ( দীর্ঘনিশ্বাস ) ।

বিদু। বয়স্য ! সে যথার্থ বটে ; কিন্তু আপনি এ বিষয়ে অধিক চিন্তাকুল হবেন না । রাজমহিষীর কোপাগ্নি শীঘ্রই নির্বাণ হবে । দেখুন, আকাশমণ্ডল কিছু চিরকাল মেঘাচ্ছন্ন থাকে না, প্রবল ঝটিকা কিছু চিরকাল বয় না ।

রাজা। সখে, তুমি মহিষীর প্রকৃতি প্রকৃতরূপে অবগত নও । তিনি অত্যন্ত অভিমানিনী ।

বিদু। বয়স্য ! যে স্ত্রী পতিপ্রাণা, সে কি কখন আপনার প্রিয়তমকে কাতর দেখতে পারে ?

রাজা। সখে, তুমি কি বিবেচনা কর, যে আমি রাজমহিষীর নিমিত্তেই এতাদৃশ ত্রাসিত হয়েছি ? মৃগীর ভয়ে কি মৃগরাজ ভীত হয় ? যে কোমল বাছ পুষ্প শরাসনে গুণযোজনায় ক্লান্ত হয়, এতাদৃশ বাছকে কি কেউ ভয় করে ?

বিদু। তবে আপনার এতাদৃশ চিন্তাকুল হবার কারণ কি ?

রাজা। সখে, যদিও রাণী এসকল বৃত্তান্ত তাঁর পিতা মহর্ষি শুক্রাচার্যকে অবগত করান, তবে সেই মহাতেজাঃ তপস্বির কোপাগ্নি হতে আমাকে কে উদ্ধার করবে ? যে ছতাশন প্রজ্বলিত হলো স্বয়ং ব্রহ্মাও কম্পায়মান হন, সে ছতাশন হতে আমি দুর্বল মানব কি প্রকারে পরিত্রাণ পাবো ? ( দীর্ঘনিশ্বাস পরিত্যাগ

করিয়া) হায়! হায়! শর্মিষ্ঠার পাণিগ্রহণ করে আমি কি কুকর্মই করেছি! (চিন্তা করিয়া) হা রে পাষণ্ড নির্বোধ অন্তঃকরণ! তুই সে নিকপমা নারীকে কেমন করে নিন্দা করিস, যার সহিত তুই মর্ত্যে স্বর্গভোগ করেছিস? হা নিষ্ঠুর! তুই যে এ পাপের যথোচিত দণ্ড পাবি, তার আরকোন সন্দেহ নাই! আহা, প্রেয়সি! যে ব্যক্তি তোমার নিমিত্তে প্রাণপর্যন্ত পরিত্যাগ করতে উদ্যত, সেই কি তোমার ছুঃখের মূল হলো! হা চাকহাসিনি! আমার অদৃষ্টে কি এই ছিল! হা প্রিয়ে! হা আমার হৃৎসরোবরের পদ্মিনি!

বিদু। বয়স্য! এ রূথা খেদোক্তি করেন কেন? চলুন, আমরা উভয়ে মহিষীর মন্দিরে যাই, তিনি অত্যন্ত দয়াশীলা, আর পতি-পরায়ণা, তিনি আপনাকে এতাদৃশ কাতর দেখলে অবশ্যই ক্রোধ সম্বরণ করবেন।

রাজা। সখে, তুমি কি বিবেচনা কচো, যে মহিষী এপর্যন্ত এ নগরীতে আছেন?

বিদু। (সমস্তমে) সে কি মহারাজ? তবে রাজমহিষী কোথায়?

রাজা। ভাই, তিনি সখী পূর্ণিকাকে সঙ্গে লয়ে যে কোথায় গিয়েছেন, তা কেউ বলতে পারে না।

বিদু। (ত্রস্ত হইয়া) মহারাজ! এ কি সর্বনাশের কথা। যদিও রাজ্ঞী ক্রোধাবেশে দৈত্যদেশেই প্রবেশ করেন, তবেই ত সকল গেল! আপনি এ বিষয়ের কি উপায় করেছেন?

রাজা। আর কি করবো? আমি জ্ঞানশূন্য ও হতবুদ্ধি হয়ে পড়েছি, ভাই!

বিদু। কি সর্বনাশ! মহারাজ, আর কি বিলম্ব করা উচিত। চলুন, চলুন, অতি দুরার পবনবেগশালি অশ্বরূঢ়গণকে মহিষীর অন্বেষণে পাঠান যাক্ গে। কি সর্বনাশ! কি সর্বনাশ!

[ উভয়ের প্রস্থান। ]

## দ্বিতীয় গর্ভাক ।



প্রতিষ্ঠান পুরীনিকটস্থ যমুনা নদীতীরে অতিথিশালা ।

### শুক্ৰাচার্য্য ও কপিলের প্রবেশ ।

শুক্ৰ । আহা কি রম্যস্থান ! ভো কপিল ! ঐ পরিদৃশ্যমানা নগরী কি মহাত্মা, মহাতেজাঃ, পরন্তুপ চন্দ্রবংশীয় রাজচক্রবর্ত্তি-গণের রাজধানী ?

কপি । আজ্ঞা হাঁ ।

শুক্ৰ । আহা, কি মনোহর নগরী ! বোধ হয়, যেন বিশ্বকর্মা ঐ সকল অট্টালিকা, পরিখাচয় আর তোরণ প্রভৃতি নানাবিধ সুদৃশ্য প্রীতিকর বস্তু, কুবেরপুরী অলকা আর ইন্দ্রপুরী অমরাবতীকে লজ্জাদিবার নিমিত্তেই পৃথিবীতে নির্মাণ করেছেন ।

কপি । ভগবন্, ঐ প্রতিষ্ঠান পুরী, বাহুবলেন্দ্র রাজচক্রবর্ত্তী নহুষপুত্র যযাতির উপযুক্তই রাজধানী, কারণ তাঁর তুল্য বেদবেদাঙ্গপারগ, পরমধার্মিক, বীরশ্রেষ্ঠ রাজা পৃথিবীতে আর দ্বিতীয় নাই । তিনি মনুজেন্দ্র সকলের মধ্যে দেবেন্দ্রের ন্যায় স্থিতি করেন ।

শুক্ৰ । আমার প্রাণাধিক প্রিয়তমা দেবযানীকে এতাদৃশ সুপাত্রে প্রদান করা উত্তম কর্মই হয়েছে ।

কপি । আজ্ঞা, তার সন্দেহ কি ?

শুক্ৰ । বৎস, বহুদিবসাবধি আমার পরমস্নেহপাত্রী দেবযানীর চন্দ্রানন দর্শন করি নাই এবং তার যে সন্তানদ্বয় জন্মেছে, তাদেরও দেখতে অত্যন্ত ইচ্ছা হয় । সেই জন্যেই ত আমি এদেশে আগমন করেছি ; কিন্তু অদ্য ভগবান্, আদিত্য প্রায় অস্তাচলে গমন কলোন ; অতএব এ মুখ্য কালবেলায় সময় ; তা এইক্ষণে রাজধানী প্রবেশ করা কোনক্রমেই যুক্তিসিদ্ধ নহে । হে বৎস, অদ্য এই নিকটবর্ত্তি অতিথিশালায় বিশ্রামের আয়োজন কর ।

কপি । প্রভো, যথা ইচ্ছা !

শুক্ৰ । বৎস ! তুমি এ দেশের সমুদয় বিশেষরূপে অবগত আছ, কেন না, দেবযানীর পানিগ্রহণকালে তুমিই রাজা যযাতিকে আহ্বানার্থে আগমন করেছিলে ; অতএব তুমি কিঞ্চিৎ খাদ্য দ্রব্যাদি আহরণ কর । দেখ, এক্ষণে ভগবান্ মার্ত্তণ্ড অস্তাচলচূড়া-বলস্বী হলেন, আমি সায়ংকালের সন্ধ্যাবন্দনাদি সমাপন করি ।

কপি । ভগবন্ ! আপনার যেমন অভিকচি ।

[ কপিলের প্রস্থান ।

শুক্ৰ । ( স্বগত ) যে পর্য্যন্ত কপিল প্রত্যাগমন না করে তদবধি আমি এই রক্ষমূলে উপবিষ্ট হয়ে দেবদেব মহাদেবকে স্মরণ করি । ( রক্ষমূলে উপবেশন ) ।

( দেবযানী এবং পূর্ণিকার ছদ্মবেশে প্রবেশ । )

পূর্ণি । ( দেবযানীর প্রতি ) মহিষি ! আপনার মুখে যে আর কথাটি নাই !

দেব । সখি, এ নির্জন স্থান দেখে আমার অত্যন্ত ভয় হচে । আমরা যে কি প্রকারে সেই দূরতর দৈত্যদেশে যাব, আর পথিমধ্যে যে আমাদেরকে কে রক্ষা করবে, তা ভাবল্যে আমার বক্ষঃস্থল শুথুয়ে উঠে ।

পূর্ণি । মহিষি ! এ আমারও মনের কথা, কেবল আপনার ভয়ে এপর্য্যন্ত প্রকাশ করতে পারি নাই । আমার বিবেচনায়, আমাদের রাজাস্তঃপুরে ফিরে যাওয়াই উচিত ।

দেব । ( সক্রোধে ) তোমার যদি এমনই ইচ্ছা থাকে তবে যাও না কেন ? কে তোমাকে বারণ কচে ?

পূর্ণি । দেবি, ক্ষমা করুন, আমার অপরাধ হয়েছে । আমি আপনার নিতান্ত অনুগত, আপনি যেখানে যাবেন, আমিও সেখানেই ছায়ার ন্যায় আপনার পশ্চাদ্গামিনী হব ।

দেব। সখি, তুমি কি আমাকে ঐ পাপ নগরীতে ফিরে যেতে এখনও পরামর্শ দাও? এমন নরাধম, পাষণ্ড, পাপী, কৃতঘ্ন পুরুষের মুখ কি আমার আর দেখা উচিত? সে ছুরাচার তার প্রেয়সী শর্মিষ্ঠাকে লয়ে মুখে রাজ্যভোগ করুক, সে শর্মিষ্ঠাকে রাজমহিষীপদে অভিষিক্তা করে তাকে লয়ে পরমমুখে কাল-যাপন করুক! তার সঙ্গে আমার আর কি সম্পর্ক? তবে আমার দুইটি শিশু সন্তান আছে, তাদের আমি আমার পিত্রাশ্রমে শীঘ্র আনাবো। তারা দরিদ্র ব্রাহ্মণের দৌহিত্র, তাদের রাজ্যভোগে প্রয়োজন কি? শর্মিষ্ঠার পুত্রেরা রাজ্যভোগে পরমানন্দে কালাতিপাত করুক। আহা! আমার কি কুলধেই সেই ছুরা-চার, দুঃশীল, দুর্ঘট পুরুষের সঙ্গে সাক্ষাত হয়েছিল! আমার অকৃত্রিম প্রণয়ের কি এই প্রতিফল? যাকে মুশীতল চন্দনরক্ষ ভেবে আশ্রয় কল্যে, সে ভাগ্যক্রমে দুর্বিপাক বিষরক্ষ হয়ে উঠলো! হায়! হায়! আমার এমন দুর্ন্যতি কেন উপস্থিত হয়েছিল। আমি আপন হস্তে খড়া তুল্যে আপনার মস্তকচ্ছেদ করেছি! আহা, যাকে রত্নভেবে অতিবত্তে বক্ষঃস্থলে ধারণ কল্যে, সেই আবার কালক্রমে প্রজ্বলিত অনল হয়ে বক্ষঃস্থল দহন কল্যে! (রোদন) হায় রে বিধি! তোর কি এই উচিত? আমি এ ছুরাচারের প্রতি অনুরক্ত হয়ে কি দুর্কর্মই করেছি। এমন পতি থাকা না থাকা দুই তুল্য; তা যেমন কর্ম, তেমনই ফলও পেল্যে।

পূর্নি। রাজি! আপনি একে ত মহর্ষিকন্যা, তাতে আবার রাজগৃহিণী, আপনি এইটি বিবেচনা করুন দেখি, আপনার কি এমন অমঙ্গল কথা সম্ভব হয়ে মুখেও আনা উচিত।— (অর্দ্ধোক্তি)।

দেব। সখি, আমাকে তুমি সম্ভবা বল কেন? আমার কি স্বামী আছে? আমি আমার স্বামীকে শর্মিষ্ঠারূপ

কালভুজঙ্গিনীর কোলে সমর্পণ করে এসেছি! হা বিধাতঃ!—  
(মূর্ছাপ্রাপ্তি)।

পূর্নি। একি! একি! রাজমহিষী যে অট্টতন্য হলোয়! ওগো এখানে কে আছে, শীঘ্র একটু জল আন ত! শীঘ্র! শীঘ্র! হায়! হায়! হায়! আমি কি করবো! এ অপরিচিত স্থান! বোধ হয়, এখানে কেউ নাই। আমিই বা রাজমহিষীকে এমন স্থানে এ অবস্থায় একলা রেখে যমুনার কেমন করো জল আনতে যাই? কি হলো! কি হলো! হা রে বিধাতা! তোর মনে কি এই ছিল? ষাঁর ইচ্ছিতে শতশত দাসদাসী করযোড়ে দণ্ডায়মান হতো, তিনি এখন ধূলায় গড়াগড়ি যাচ্ছেন, তবুও এমন একটি লোক নাই, যে তাঁর নিকটে একটু থাকে! আহা, এ ছুঃখ কি প্রাণে ময়? (রোদন।)

শুক্ৰ। (গাত্রোথান ও অগ্রসর হইয়া) কার যেন রোদন শ্রুতিগোচর হচে না?—(নিকটে আসিয়া পূর্নিকার প্রতি) কল্যাণি! তুমি কে? আর কি জন্যেই বা এতাদৃশী কাতরা হয়ে এ নির্জন স্থানে রোদন কচ্যো? আর এই যে নারী ভূতলে পতিতা আছেন, ইনিই বা তোমার কে?

পূর্নি। মহাশয়, এ পরিচয়ের সময় নয়। আপনি অনুগ্রহ করো কিঞ্চিৎকাল এখানে অবস্থিতি করুন, আমি ঐ যমুনা হতে জল আনি।

[প্রস্থান।

শুক্ৰ। (স্বগত) এও ত এক আশ্চর্য ব্যাপার বটে। এ স্ত্রীলোকেরা মায়াবিনী রাক্ষসী—কি যথার্থই মানবী, তাও ত কিছু নির্ণয় কতে পারি না।

দেব। (কিঞ্চিৎ সচেতন হইয়া) হা ছুরাচার পাষণ্ড! হা নরাধম! তুই ক্ষত্রিয় হয়ে ব্রাহ্মণকন্যাকে পেয়েছিলি, তথাপি তোর কিছুমাত্র জ্ঞান হয় নাই।

শুক্ৰ। (স্বগত) কি চমৎকার! বোধকরি, এ স্ত্রীলোকটি কোন পুরুষকে ভৎসনা করিতেছে।

দেব। যাও যাও! তুমি অতি নির্লজ্জ, লম্পট পুরুষ, তুমি আমাকে স্পর্শ করো না; আমি কি শর্মিষ্ঠা? চণ্ডালে চণ্ডালে মিলন হওয়া উচিত বটে। আমি তোমার কে? মধুরস্বরা কোকিলা আর কৰ্কশকণ্ঠ কাক কি একত্রে বসতি করতে পারে? শৃগালের সহিত কি সিংহীর কখন মিত্রতা হয়? তুমি রাজচক্রবর্তী হলিই বা, তোমাতে আমাতে যে কতদূর বিভিন্নতা, তা কি তুমি কিছুই জান না? আমি দেব-দৈত্য-পূজিত মহর্ষি শুক্ৰাচার্যের কন্যা——(পুনর্মূর্ছাপ্রাপ্তি)।

শুক্ৰ। (স্বগত) একি! আমি কি নিদ্রিত হয়ে স্বপ্ন দেখতেছি? শিব! শিব! আর যে নিদ্রায় আরুত আছি, তাই বা কি প্রকারে বলি? ঐ যে যমুনা কল্লোলিনীর স্রোতঃকলরব আমার ক্রান্তি-কুহরে প্রবেশ কচে। এই যে নবপল্লবগণ মন্দমন্দ সুগন্ধ গন্ধবহের সহিত কোল করিতেছে। তবে আমি এ কি কথা শুনলোম? ভাল, দেখা যাক দেখি! এ নারীটি কে? (অবগুণ্ঠন ধুলিয়া) আহা! এ যে প্রাণাধিকা বৎসা দেবযানী! যে অষ্টাদশ বর্ষাঞ্জে শশিকলা ছিল, সে কালক্রমে পূর্ণচন্দ্রের শোভা প্রাপ্তা হয়েছে। তা এদশায় এস্থলে কি জন্যে? আমি যে কিছুই স্থির কতে পাচ্চি না, আমি যে জ্ঞানশূন্য——(অর্দ্বোক্তি)।

(পূর্ণিকার পুনঃপ্রবেশ)।

পূর্ণি। মহাশয়, মকন মকন, আমি জল এনেছি। (মুখে জল প্রদান)।

দেব। (সচেতন হইয়া) সখি পূর্ণিকে! রাত্রি কি প্রভাতা হয়েছে? প্রাণেশ্বর কি গাত্ৰোখান করে বহির্গমন করেছেন? (চতুর্দিক্ অবলোকন করিয়া) অয়ি পূর্ণিকে! এ কোন্ স্থান?

পূর্ণি। প্রিয়সখি! প্রথমে গাত্রোথান করুন, পরে সকল রক্তান্ত বলা যাবে।

দেব। (গাত্রোথান ও শুক্রাচার্য্যকে অবলোকন করিয়া জনান্তিকে) অয়ি পূর্ণিকে! এ মহাত্মা মহাতেজাঃ ঋষিতুল্য ব্যক্তিটি কে?

শুক্র। বৎসে! আমাকে কি বিস্মৃত হয়েছে?

দেব। ভগবন্! আপনি কি আজ্ঞা কচেন?

শুক্র। বৎসে! বলি, আমাকে কি বিস্মৃত হয়েছে।

দেব। (পুনরবলোকন করিয়া) আর্ষ্য! আপনি———হা পিতঃ! হা পিতঃ! (পদতলে পতন ও জানুগ্রহণ)। পিতঃ, বিধাতাই দয়া করে এসময়ে আপনাকে এখানে এনেছেন! (রোদন)।

শুক্র। কেন কেন? কি হয়েছে? আমি যে এর মর্ম কিছুই বুঝতে পাচ্ছি না। তোমার কুশল সংবাদ বল, (উত্থাপন ও শিরশ্চূষন)।

দেব। হে পিতঃ, আপনি আমাকে এ দুঃখানল হতে ত্রাণ করুন, (রোদন)।

শুক্র। বৎসে! ব্যাপারটা কি, বল দেখি? তুমি এত চঞ্চল হয়েছে কেন? এত যে ব্যস্ত সমস্ত হয়ে তোমাকে দেখতে এলেম, তা তোমার সহিত এস্থলে সাক্ষাত হওয়াতে আমার হরিষে বিষাদ উপস্থিত হলো, তুমি রাজগৃহিণী, তাতে আবার কুলবধু, তোমার কি রাজাস্তঃপুরের বহির্গামিনী হওয়া উচিত? তুমি এস্থানে এ অবস্থায় কি নিমিত্তে?

দেব। হে পিতঃ, আপনার এ হতভাগিনী ছুহিতার আর কি কুল মান আছে? (রোদন)।

শুক্র। সে কি? তুমি কি উন্মত্তা হয়েছে? (স্বগত) হা হতো-হন্যি! এ কি দুর্দেব। (প্রকাশে) বৎসে, মহারাজ ত কুশলে আছেন?



দেব। ভগবন্, আপনি দেবদানবপূজিত মহর্ষি! আপনি  
সে নরাধমের নাম ওষ্ঠাধেও আনবেন না!

শুক্ৰ। (সক্রোধে) রে দুষ্টি পাপীয়সি! তুই আমার সম্মুখে  
পতিনিন্দা করিস্?

দেব। (পদতলে পতন ও জানুগ্রহণ) হে পিতঃ! আপনি  
আমাকে দুর্জয় কোপাঘ্নিতে দগ্ধ করুন, সেও বরঞ্চ ভাল; হে  
মাতঃ বসুন্ধরে! তুমি অনুগ্রহ করো আমাকে অন্তরে একটু স্থান  
দাও, আমি আর এপ্রাণ রাখব না। ●

শুক্ৰ। (বিষন্নবদনে) একি বিষম বিভ্রাটি! স্বভাস্তটাই কি,  
বল না কেন?

দেব। (নিরুত্তরে রোদন)।

শুক্ৰ। অয়ি পূর্ণিকে! ভাল, তুমিই বল দেখি, কি হয়েছে?

পূর্ণি। ভগবন্! আমি আর কি বলবো!

দেব। (গাত্রোখান করিয়া) পিতঃ! আমার দুঃখের কথা  
আর কি বলবো? আপনি যাকে পুরুষোত্তম বিবেচনা করো  
আমাকে প্রদান করেছিলেন, সে ব্যক্তি চণ্ডালাপেক্ষাও অধম।

শুক্ৰ। কি সৰ্বনাশ! এ কি কথা?

দেব। ভাত! সে দুষ্চারিণী দৈত্যকন্যা শর্মিষ্ঠাকে গান্ধর্ব-  
বিধানে পরিণয় করো আমার যথেষ্ট অবমাননা করেছে।

শুক্ৰ। আঃ (এরই নিমিত্তে এত? তাই কেন এতক্ষণ বল  
নাই? বৎসে! গান্ধর্ববিবাহ করা যে ক্ষত্রিয়কুলের কুলরীতি,  
তা কি তুমি জান না?

দেব। তবে কি আপনার দুহিতা চিরকাল মপত্নী-যজ্ঞণা  
ভোগ করবে?

শুক্ৰ। ক্ষত্রিয় রাজার সহিত যখন তোমার পরিণয় হয়েছিল,  
তখনি আমি জানি, যে একুপ ঘটনা হবে, তা পূর্বেই এ বিষয়ের  
বিবেচনা উচিত ছিল।

দেব । পিতঃ, আপনার চরণে ধরি, সে নরাধমকে অভিশাপ দ্বারা উচিত শাস্তি প্রদান করুন ( পদতলে পতন ও জানুগ্রহণ ) ।

শুক্ৰ । ( কর্ণে হস্তদিয়া ) নারায়ণ ! নারায়ণ ! বৎসে ! আমি এ কর্ম কি প্রকারে করি ? রাজা যযাতি পরম ধর্মশীল ও পরম দয়ালু পুরুষ ।

দেব । তাত ! তবে আমাকে আজ্ঞা করুন, আমি যমুনা-মলিলে প্রাণত্যাগ করি ।

শুক্ৰ । ( স্বগত ) এওঁ স সামান্য বিপত্তি নয় ( এখন করি কি ? ( প্রকাশে ) তবে তোমার কি এই ইচ্ছা, যে আমি তোমার স্বামীকে অভিশম্পাতে ভঙ্গ্য করি ?

দেব । না না, তাত ! তা নয়, আপনি সে ছুরাচারকে জরাগ্রস্ত করুন, যেন সে আর কোন কামিনীর মনোহরণ করতে না পারে ।

শুক্ৰ । ( চিন্তাকরিয় ) ভাল ! তবে তুমি গাত্রোখান করো গৃহে পুনর্গমন কর, তোমার অভিলাষ সিদ্ধ হবে ।

দেব । ( গাত্রোখান করিয়া ) পিতঃ, আমি ত আর সে ছুরা-চারের গৃহে প্রবেশ করবো না ।

শুক্ৰ । ( ঈষৎকোপে ) তবে তোমার মনস্কামনাও সিদ্ধ হবে না ।

দেব । তাত ! আপনার আজ্ঞা আমাকে প্রতিপালন কতোই হবে ; কিন্তু আমার প্রার্থনাটি যেন সুসিদ্ধি হয় ;—সখি পূর্ণিকে, তবে চল যাই ।

( দেবযানী ও পূর্ণিকার প্রশ্নান ।

শুক্ৰ । ( স্বগত ) অপত্যম্নেহের কি অদ্ভুত শক্তি !—আবার তাও বলি, বিধাতার নির্বন্ধ কে খণ্ডন করতে পারে ? যযাতির জন্মান্তরে কিঞ্চিৎ পাপসঞ্চারণ ছিল, নতুবা কেনই বা তার এ অনিষ্ট ঘটনা ঘটবে ? তা যাই, একটু নিভৃত স্থানে বসে বিবেচনা করি, এইক্ষণে কিরূপ কর্তব্য ।

[ প্রশ্নান ।

## তৃতীয় গর্ভাক্ষ ।



প্রতিষ্ঠানপুরী—শর্মিষ্ঠার গৃহসম্মুখস্থ উদ্যানঃ

শর্মিষ্ঠা এবং দেবিকার প্রবেশ ।

দেবি । রাজনন্দিনি, আর রুখা আক্ষেপ কল্যে কি হবে ?—  
আমি একটা আশ্চর্য দেখছি, যে কালে সকলই পরিবর্ত্ত হয়, কিন্তু  
দেবযানীর স্বভাব চিরকাল সমান ঠেরল ! এমন অসচ্চরিত্রা স্ত্রী কি  
আর ছুটি আছে ?

শর্মি । সখি, তুমি কেন দেবযানীকে নিন্দা কর ? তার এ  
বিষয়ে অপরাধ কি ? যদ্যপি আমি কোন মহামূল্য রত্নকে পরম  
যত্ন করি, আর যদি সে রত্নকে কেউ অপহরণ করে, তবে অপ-  
হর্ত্তাকে কি আমি তিরস্কার করি না ?

দেবি । তা করবে না কেন ?

শর্মি । তবে সখি, দেবযানীকে কি তোমার ভৎসনা করা  
উচিত ? পতিপরায়ণা স্ত্রীর পতি অপেক্ষা আর প্রিয়তর অমূল্য  
রত্ন কি আছে বল দেখি ? ( দীর্ঘনিশ্বাস পরিত্যাগ করিয়া ) সখি,  
দেবযানী আমার অপমান করেছে বল্যে যে আমি রোদন করি,  
তা তুমি ভেবো না । দেখ সখি, আমার কি ছুরদৃষ্টি ! কি ছিল্যেম,  
কি হল্যেম ! আবার যে কি কপালে আছে, তাই বা কে বলতে  
পারে ? এই সকল ভাবনায় আমি একবারে জীবন্ত হয়ে রয়েছি !  
( দীর্ঘনিশ্বাস পরিত্যাগ করিয়া ) প্রাণেশ্বরের সে চন্দ্রানন দর্শন  
না কল্যে আমি আর প্রাণধারণ কি রূপে করবো ? সখি, যেমন  
মৃগী তৃষ্ণায় নিতান্ত পীড়িতা হয়ে, সুশীতল জলাভাবে ব্যাকুলা  
হয়, প্রাণনাথ বিরহে আমার প্রাণও সেইরূপ হয়েছে ? ( অধো-  
বদনে রোদন ) ।

দেবি । রাজনন্দিনি, তুমি এত ব্যাকুল হইও না ; মহারাজ  
অতি দ্বরায় তোমার নিকটে আসবেন ।

শর্মি। আর সখি! তুমিও যেমন, মিথ্যা প্রবোধ কি আর মন মানে? (রোদন)।

দেবি। প্রিয়সখি, তোমার কিছুমাত্র ঐর্ষ্য নাই? দেখ দেখি, কুমুদিনী দিবাভাগে তার প্রাণনাথ নিশানাথের বিরহ সহ করে; চক্রবাকীও তার প্রাণেশ্বর বিহনে একাকিনী সমস্ত যামিনী যাপন করে; তা তুমি কি আর, সখি, পতিবিচ্ছেদ ক্ষণমাত্র সহ করতে পার না?

শর্মি। প্রিয়সখি, তুমি কি জান না, যে আমার হৃদয়াকাশের পূর্ণশশধর চিরকালের নিমিত্তে অস্তে গিয়েছেন। হায়! হায়! আমার বিরহরজনী কি আর প্রভাতা হবে? (রোদন)!

দেবি। প্রিয়সখি, শান্ত হও, তোমার একুপ দশা দেখে তোমার শিশু সন্তানগুলিও নিতান্ত ব্যাকুল হয়েছে, আর তোমার জন্যে উচ্চঃস্বরে সর্বদা রোদন কচে।

শর্মি। হা বিধাতঃ, (দীর্ঘনিশ্বাস পরিত্যাগ করিয়া) আমার কপালে কি এই ছিল? সখি, তুমি বরঞ্চ গৃহে যাও, আমার শিশুগুলিকে শান্তনা কর গে, আমি এই নির্জন কাননে আরও একটু থেকে যাব।

দেবি। প্রিয়সখি, এ নির্জনস্থানে একাকিনী ভ্রমণ করায় প্রয়োজন কি?

শর্মি। সখি, তুমি কি জান না, যখন কুরঙ্গিনী বাণাঘাতে ব্যথিতা হয়, তখন কি সে আর অন্যান্য হরিণীগণের সহিত আমোদ প্রমোদে কালযাপন করে থাকে? বরঞ্চ নির্জন বনে প্রবেশ করে একাকিনী ব্যাকুলচিত্তে ক্রন্দন করে, এবং সর্বব্যাপী অন্তর্ধামী ভগবান্ ব্যতিরেকে তার অশ্রুজল আর কেহই দেখতে পান না। সখি, প্রাণেশ্বরের বিরহবাণে আমারও হৃদয় সেইরূপ ব্যথিত হয়েছে, আমার কি আর বিষয়ান্তরে মন আছে?

( নেপথ্য ) অয়ি দেবিকে, রাজনন্দিনী কোথায় গেলেন না ?  
এমন ছুরন্তু ছেলেদের শান্ত করা কি আমাদের মাধ্যম ?

শশি । সখি, ঐ শুন, তুমি শীঘ্র যাও ।

দেবি । প্রিয়সখি, এ অবস্থায় তোমাকে একাকিনী রেখে,  
আমি কেমন করেই বা যাই ; কিন্তু কি করি, না গেলেও ত নয় ।

[ প্রস্থান ।

শশি । ( স্বগত ) হে প্রাণেশ্বর, তোমার বিরহে আমার  
এ দক্ষ-হৃদয় যে কিরূপ চঞ্চল হয়েছে, তা আর কাকে বলবো ।  
( দীর্ঘনিশ্বাস ) হে প্রাণনাথ, তুমি কি এ অনাথাকে জন্মের মত  
পরিত্যাগ করলে ? হে জীবিতনাথ, তোমাকে সকলে দয়ামিত্র  
বলে, কিন্তু এ হতভাগিনীর কপালগুণে কি তোমার সে নামে  
কলঙ্ক হলো ? হে রাজন্, তুমি দরিদ্রকে অমূল্য রত্ন প্রদান করে,  
আবার তা অপহরণ করলো ? অন্ধকার রাত্রে অতি পথশ্রান্ত  
পথিককে আলোক দর্শন করিয়ে, তাকে ঘোরতর গহন কাননে  
এনে, দীপ নির্বাণ করলো ! ( বৃক্ষতলে উপস্থিত হইয়া ) হা  
ভগবন্ অশোকবৃক্ষ, তুমি কতশত ক্লান্ত বিহঙ্গমচয়কে আশ্রয়  
দাও, কত জন্তুগণ তপনতাপে তাপিত হয়ে তোমার আশ্রয় গ্রহণ  
করলো, সুশীতল ছায়াদ্বারা তাদের ক্লান্তি দূর কর ; তুমি পরম  
পরোপকারী ; অতএব তুমিই ধন্য ! হে তরুণ, যেমন পিতা  
কন্যাকে বরপাত্র প্রদান করে, তুমিও আমাকে প্রাণেশ্বরের হস্তে  
তদ্রূপ প্রদান করেছ, কেন না, তোমার এই সুমিষ্ট ছায়ায় তিনি  
এ হতভাগিনীর পানিগ্রহণ করেন । হে তাত, এক্ষণে এ অনাথা  
হতভাগিনীকে আশ্রয় দাও । ( রোদন ) আহা ! এই বৃক্ষতলে  
প্রাণনাথের সহিত যে কত সুখভোগ করেছি, তা বলতে পারি  
না । ( আকাশপ্রতি দৃষ্টিপাত করিয়া ) হায় ! সে সকল দিন  
এখন কোথায় গেল ! হে প্রভো নিশানাথ, হে নক্ষত্রমণ্ডল, হে

মন্দমলয়সমীরণ, তোমাদের সম্মুখে আমি পূর্বে যে সকল সুখানুভব করেছি, তা কি আমার জন্মের মত শেষ হলো? (চিন্তা করিয়া) কি আশ্চর্য্য! গত সুখের কথা স্মরণ হলো দ্বিগুণ দুঃখবৃদ্ধি হয় টে নর ।

## গীত ।

ঝিঝি—ভাল মধ্যমান ।

এই তো সে কুমুম কানন্ গো,  
পাইয়েছিলেম যথা পুরুষ রতন ।  
সেই পূর্ণ শশধরে, সেই রূপ শোভা ধরে,  
সেই মত পিকবরে, স্বরে হরে মন ।  
সেই এই ফুল বনে, মলয়ার সমীরণে,  
সুখোদয় যার সনে, কোথা সেই জন ?  
প্রাণনাথে নাহি হেরি, নয়নে বরিষে বারি,  
এত দুঃখে আর নারি ধরিতে জীবন্ ॥

আমরা এই স্থানে গানবাদ্যে যে কত সুখলাভ করেছি, তার পরিসীমা নাই, কিন্তু এক্ষণে সে সুখানুভব কোথায় গেল? আহা! কি চমৎকার ব্যাপার! সেই দেশ, সেই কাল, সেই আমি, কেবল প্রাণেশ্বর ব্যতিরেকে আমার সকলই অসুখ। বীণার তার ছিন্ন হলো তার যেমন দশা ঘটে, জীবিতেশ্বর বিহনে আমার অন্তঃকরণও অবিকল সেইরূপ হয়েছে। আর না হবেই বা কেন? জলধরের প্রসাদ-অভাবে কি তরঙ্গিনী কলকলরবে প্রবাহিতা হয়? হে প্রাণনাথ, তুমি কি এ অনাথা অধিনীকে একবারে বিস্মৃত হলে? যে যুথভ্রষ্টা কুরঙ্গিনী মহৎ গিরিবরের আশ্রয় পেয়ে কিঞ্চিৎ সুখী হয়েছিল, ভাগ্যক্রমে গিরিরাজ কি

তাকে আশ্রয় দিতে একান্ত পরাঙ্মুখ হলেন ! ( অধোবদনে উপবেশন ) ।

### রাজার একান্তে প্রবেশ ।

রাজা । ( স্বগত ) আহা ! নিশাকরের নির্মল কিরণে এ উপবনের কি অপক্লপ শোভা হয়েছে ।

যেমন কোন পরমসুন্দরী নবযৌবনা কামিনী বিমল দর্পণে আপনার অনুপম লাবণ্য দর্শন করে পুলকিত হয়, অদ্য সেই রূপ প্রকৃতিও ঐ স্বচ্ছ সরোবরমলিলে নিজ শোভা প্রতিবিম্বিত দেখে প্রফুল্লিত হয়েছে ।

নানাশব্দপূর্ণা ধরণী এ সময়ে যেন তপোমগ্না তপস্বিনীর ন্যায় মৌনব্রত অবলম্বন করেছেন । শতশত খদ্যোতিকাগণ উজ্জ্বল রত্নরাজীর ন্যায় দেদীপ্যমান হয়ে পল্লব হতে পল্লবান্তরে শোভিত হচে । হে বিধাতঃ, তোমার এই বিপুল সৃষ্টিতে মনুষ্যজাতি ভিন্ন আর সকলেই সুখী ! ( চিন্তা করিয়া গমন ) । মহিষীর অশেষনে নানাদিকে রথী আর অশ্বারূঢ়গণকেত প্রেরণ করা গিয়াছে, কিন্তু এপর্যন্ত তাঁর কোন সংবাদ পাওয়া যায় নাই ! তা রথী ভেবেই বা আর কি ফল ? বিধাতার মনে যা আছে তাই হবে । কিন্তু আমি প্রাণেশ্বরী শর্মিষ্ঠাকে এ মুখ আর কি প্রকারে দেখাবো ? আহা ! আমার নিমিত্তে প্রেমসী যে কত অপমান সহ করেছেন, তা মনে হলো হৃদয় বিদীর্ণ হয় ! ( পরিত্রমণ ) । ঐ রক্ষতলে প্রাণেশ্বরীর পানিগ্রহণ করে-  
ছিলেম ! আহা সে দিন কি শুভদিনই হয়েছিল ।

শর্মি । ( গাত্রোখান করিয়া ) দেবযানীর কোপে আমি বাল্যবস্থাতেই রাজভোগে বঞ্চিতা হই, এক্ষণে সেই কারণে আবার কি প্রিয়তম প্রাণেশ্বরকেও হারালোম ! হা বিধাতঃ, তুমি আমার সুখনাশার্থেই কি দেবযানীকে সৃষ্টি করেছো ? ( দীর্ঘনিশ্বাস ) ।

রাজা। (শর্নিষ্ঠাকে দেখিয়া সচকিতে) একি! এই যে আমার প্রাণাধিকা প্রিয়তমা শর্নিষ্ঠা এখানে রয়েছেন।

শর্নি। (রাজাকে দেখিয়া ও রাজার নিকটবর্তিনী হইয়া এবং হস্তগ্রহণ করিয়া) প্রাণনাথ, আমি কি নিদ্রিত হয়ে স্বপ্ন দেখতে ছিলাম, না কোন ঠেদবমায়ার বিমুখা ছিলাম? নাথ, আমি যে আপনার চন্দ্রবদন আর এজনে দর্শন করবো, এমন কোন প্রত্যাশা ছিল না।

রাজা। কান্তে, তোমার নিকটে আমার আস্তে অতি লজ্জা বোধ হয়।

শর্নি। সে কি নাথ?

রাজা। প্রিয়ে, আমার নিমিত্ত তুমি কি না সহ্য করেছো?

শর্নি। জীবিতনাথ, দুঃখ ব্যতিরেকে কি সুখ হয়? কঠোর তপস্যা না কল্যে ত কখন স্বর্গলাভ হয় না।

রাজা। আবার দেখ, মহিষী ক্রোধান্বিত হয়ে—

শর্নি। (অভিমান সহকারে রাজার হস্ত পরিত্যাগ করিয়া) মহারাজ, তবে আপনি অতিদুরায় এস্থান হতে গমন করুন; কি জানি, এখানে মহিষীর আগমনেরও সম্ভাবনা আছে!

রাজা। (শর্নিষ্ঠার হস্ত গ্রহণ করিয়া) প্রিয়ে, তুমিও কি আমার প্রতি প্রতিকূল হলো? আর না হবেই বা কেন? বিধি বাম হলো সকলেই অনাদর করে।

শর্নি। প্রাণেশ্বর, আপনি এমন কথা মুখে আনবেন না। বিধাতা আপনার প্রতি কেন বিমুখ হবেন? আপনার আদিত্য তুল্য প্রতাপ, কুবের তুল্য সম্পত্তি, কন্দর্প তুল্য রূপলাবণ্য—আর তায় আপনার মহিষীও দ্বিতীয় লক্ষ্মীস্বরূপা।

রাজা। প্রিয়ে, রাজমহিষীর কথা আর উল্লেখ করো না, তিনি প্রতিষ্ঠানপুরী পরিত্যাগ করে কোনদেশে যে প্রস্থান করেছেন, এপর্যন্ত তার কোন উদ্দেশ্যই পাওয়া যায় নাই।



শর্মি। সে আবার কি, মহারাজ ?

রাজা। প্রিয়ে, বোধ হয়, তিনি রোষাবেশে পিত্রালয়ে গমন করে থাকবেন।

শর্মি। একি সর্বনাশের কথা ! আপনি এই মুহূর্তেই রথারোহণে দৈত্যদেশে গমন করুন, আপনি কি জানেন না, যে গুরু শুক্তাচার্য মহাতেজস্বী ব্রাহ্মণ ! তাঁর এতদূর ক্ষমতা আছে, যে তিনি কোপানলে এই ত্রিভুবনকেও ভস্ম করতে পারেন।

রাজা। প্রিয়ে, আমি সকলই জানি, কিন্তু তোমাকে একাকিনী রেখে আমি দৈত্যদেশে ত কোনমতেই গমন কতো পারি না। ফণী কি শিরোমণি কোথাও রেখে দেশান্তরে যায় ?

শর্মি। প্রাণনাথ, আপনি এ দাসীর নিমিত্তে অধিক চিন্তা করবেন না ; আমি বালকগুলিনকে লয়ে দ্বারেই ভিক্ষা করে উদরপোষণ করবো। আপনি কি গুরুকোপে এ বিপুল চন্দ্রবংশের সর্বনাশ কতো উদ্যত হয়েছেন ?

রাজা। প্রাণেশ্বর, তোমাপেক্ষা চন্দ্রবংশ কি আমার প্রিয়তর হলো ? তুমি আমার——(স্তব্ধ)।

শর্মি। এ কি ! প্রাণবল্লভ যে অকস্মাৎ নিস্তব্ধ হলো ! কেন, কেন, কি হলো ?

রাজা। প্রিয়ে, যেমন রণভূমিতে বক্ষঃস্থলে শেলাঘাত হলো পৃথিবী একবারে অন্ধকারময় বোধ হয়, আমার সেইরূপ—(ভুতলে অচেতন হইয়া পতন)।

শর্মি। (ক্রোড়ে ধারণ করিয়া) হা প্রাণনাথ ! হা দয়িত ! হা প্রাণেশ্বর ! হা রাজচক্রবর্তিন্ ! তুমি এ হতভাগিনীকে কি যথার্থই পরিত্যাগ করলো ? (উচ্চৈঃস্বরে রোদন) হায় ! হায় ! বিধাতঃ, তোমার মনে কি এই ছিল ! হা রাজকুলতিলক !

(দেবিকার পুনঃ প্রবেশ।)

দেবি। প্রিয়সখি, তুমি কি নিমিত্তে——(রাজাকে অব-

লোকন করিয়া ) হায় ! হায় ! হায় ! এ কি সৰ্বনাশ ! এ পূর্ণ  
শশধর ধূলায় লুণ্ঠিত কেন ? হায় ! হায় ! এ কি সৰ্বনাশ !

রাজা । ( কিঞ্চিৎ সচেতন হইয়া এবং মৃদুস্বরে ) প্রেয়সি  
শর্মিষ্ঠে ! আমাকে জন্মের মত বিদায় দাও, আমার শরীর অবসন্ন  
হলো, আর আমার প্রাণ কেমন কচে ; অদ্যাবধি আমার জীবন-  
আশা শেষ হলো ।

শর্মি । ( সজলনয়নে ) হা প্রাণেশ্বর, এ অনাথাকে সন্দেহ  
কর ! আমি মাতা, পিতা, বন্ধু বান্ধব সকলই পরিত্যাগ করো  
কেবল আপনারই ত্রীচরণে শরণ লয়েছি ! এ নিতান্ত অনুগত  
অধিনীকে পরিত্যাগ করা আপনার কখনই উচিত নয় ।

দেবী । প্রিয়সখি, এ সময়ে এত চঞ্চল হলো হবে না ! চল,  
আমরা মহারাজকে এখান থেকে লয়ে যাই ।

শর্মি । সখি, যাতে ভাল হয় কর, আমি জ্ঞানশূন্য হয়েছি ।

[ উভয়ে রাজাকে লইয়া প্রস্থান ।

( বিদূষকের প্রবেশ । )

বিদূ । ( কর্ণপাত করিয়া স্বগত ) এ কি ? রাজাস্তম্ভপুরে যে  
মহমা এত ক্রন্দনধ্বনি আর হাহাকার শব্দ উঠলো, এর কারণ কি ?  
প্রিয় বয়স্যেরও অনেকক্ষণ হলো, দর্শন পাই নাই, ব্যাপারটা  
কি ? দ্বারপালের নিকট শুনলেম্, যে মহিষী পূর্ণিকার সহিত  
আপন মন্দিরে প্রবেশ করেছেন, তা তাঁর নিমিত্তে ত আর কোন  
চিন্তা নাই—তবে এ কি ?

( একজন পরিচারিকার প্রবেশ । )

পরি । হায় ! হায় ! কি সৰ্বনাশ ! হা রে পোড়া বিধি !  
তোমর মনে কি এই ছিল ? হায় ! হায় ! কি হলো ?

বিদূ । ( ব্যগ্রভাবে ) কেন কেন ? ব্যাপারটা কি ?

পরি। তুমি কি শুন নি না কি? হায়! হায়! কি সর্বনাশ! আমরা কোথায় যাব? আমাদের কি হবে? (রোদন করিতে করিতে বেগে প্রস্থান)।

বিদু। (স্বগত) দূর মাগি লক্ষীছাড়া? তুই ত কেঁদেই গেলি, এতে আমি কি বুঝ্‌লোম? (চিন্তা করিয়া) রাজপুরে যে কোন বিপদ উপস্থিত হয়েছে, তার আর সংশয় নাই, কিন্তু——

(মন্ত্রীর প্রবেশ।)

মহাশয়, ব্যাপারটা কি?

মন্ত্রী। (সজল নয়নে) আর কি বলবো? এ কালসর্প—— (অদ্ভোক্তি)।

বিদু। সে কি? মহারাজকে কি সর্পে দংশন করেছে না কি?

মন্ত্রী। সর্পই বটে! মহারাজকে যে কালসর্পে দংশন করেছে, স্বয়ং ধনন্তরীও তার বিষ হত্যে রক্ষা করতে পারেন না; আর ধনন্তরীই বা কে? স্বয়ং নীলকণ্ঠ সে বিষ স্বকণ্ঠে ধারণ কতো ভীত হন? (দীর্ঘনিশ্বাস পরিত্যাগ)।

বিদু। মহাশয়, আমি ত কিছুই বুঝতে পার্‌লোম না।

মন্ত্রী। আর বুঝবে কি? গুরু শূক্ৰাচার্য মহারাজকে অতি-সম্পাত করেছেন।

বিদু। কি সর্বনাশ! তা মহর্ষি ভার্গব এখানকার রত্নান্ত এত স্বরায় কি প্রকারে জানতে পার্‌লেন?

মন্ত্রী। (দীর্ঘনিশ্বাস) এ সকল দৈবঘটনা। তিনি এত দিনের পর অদ্য সায়ংকালে এ নগরীতে স্বয়ং এসে উপস্থিত হয়েছেন।

বিদু। তবে ত দৈবঘটনাই বটে! তা এখন আপনি কি স্থির কটোন, বলুন দেখি?

মন্ত্রী। আমি ত প্রায় জ্ঞানশূন্য হয়েছি, তা দেখি, রাজপুরো-হিত কি পরামর্শ দেন।

বিদু। চলুন, তবে আমিও আপনার সঙ্গে যাই। হায়! হায়!  
হায়! কি সর্বনাশ! আর আমার জীবন থাকায় ফল কি?  
মহারাজ, আপনিও যেখানে, আমিও আপনার সঙ্গে; তা আমি  
আর প্রাণধারণ করবো না।

[ উভয়ের প্রস্থান। ]

( রাজ্ঞী দেবযানী এবং পূর্ণিকার প্রবেশ )

পূর্ণি। রাজমহিষি, আর রথী আক্ষেপ করেন কেন? যে কর্ম  
হয়েছে, তার আর উপায় কি?

রাজ্ঞী। হায়! হায়! সখি, আমার মতন চণ্ডালিনী কি  
আর আছে? আমি আমার হৃদয়-নিধি সাধ করে হারালোম,  
আমার জীবনসর্বস্বধন হেলায় নষ্ট কলোম। পতিভক্তি হতেও  
কি আমার ক্রোধ বড় হলো? হায়! হায়! আমি স্বেচ্ছাক্রমে  
আপনার মন্থকে ভস্ম কলোম! হে জগন্নাথ! বসুন্ধরে! তুমি  
আমার মতন পাপীয়সী স্ত্রীর ভার যে এখনও সহ করো? হে  
প্রভো নিশানাথ! তোমার সুশীতল কিরণ যে এখনও আমাকে  
অগ্নি হয়ে দগ্ধ করছে না? সখি, শমনও কি আমাকে বিস্মৃত  
হলেন? হায়! হায়! হা আমার কন্দর্প! আমি কি যথার্থই  
তোমাকে ভস্ম কলোম? ( রোদন )।

পূর্ণি। রাজমহিষি, রতিপতি ভস্ম হলো, রতি দেবী যা করো-  
ছিলেন আপনিও তাই করুন। যে মহেশ্বর, কোপানলে আপনার  
কন্দর্পকে দগ্ধ করেছেন, আপনি তাঁরই স্ত্রীরূপে শরণাপন্ন হন।

রাজ্ঞী। সখি, আমি এ পোড়ানুখ আর ভগবান্ মহর্ষি জনককে  
কি বল্যে দেখাবো? হা প্রাণনাথ হা রাজকুলতিলক! হা নর-  
শ্রেষ্ঠ! হায়! হায়! হায়! আমি এ কি কলোম! ( রোদন )।

পূর্ণি। দেবি, চলুন, আমরা পুনরায় মহিষির নিকটে যাই।  
তা হলেই এর একটা উপায় হবে।

রাজ্ঞী । সে যা হোক সখি, অদ্যাবধি আমাদের পূর্ব প্রণয় সঞ্জীবিত হলো । এখন এসো, দুই জনেই পতিসেবায় কিছুদিন সুখে ষাপন করি । ( রাজার প্রতি ) মহারাজ, এক বিশাল রসাল তরুণ, মালতী আর মাধবী উভয় লতিকার আশ্রয়স্থল হলো ।

রাজা । ( প্রফুল্ল মুখে উভয়কে উভয় পার্শ্বে বসাইয়া ) অদ্য এক-  
রন্তে যুগল পারিজাত প্রস্ফুটিত । ( আকাশে কেংমল বাদ্য ) ।

শুক্ৰ । ( আকাশমার্গে দৃষ্টিপাত করিয়া ) এই যে, ইন্ড্রের  
অপসরীরা, এই মাজলিক ব্যাপারে দেবতাদের অনুকূলতা প্রকাশ  
করণার্থে উপস্থিত হয়েছেন ।

( আকাশে । পুষ্পরষ্টি । )

বিদূ । মহারাজ, এতক্ষণ ত আকাশের আমোদ হলো, এখন  
কিছু মর্ত্যের আমোদ হলো ভাল হয় না ? নর্তকীরা এসেছে,  
অনুমতি হয় ত এখানে আনয়ন করি ।

রাজা । ( হাস্য মুখে ) ক্ষতি কি ?

বিদূ । মহারাজ, ঐ দেখুন, নটীরা নৃত্য কতো কতো সভায়  
আস্চে । ( জনান্তিকে রাজার প্রতি ) বয়স্য, দেখুন ! মলয়  
মাৰুতের স্পর্শ সুখানুভবে সরসী হিল্লোলিতা হলো যেমন নলিনী  
নৃত্য করে, এরাও সেইরূপ মনোহর রূপে নেচে নেচে আস্চে !

রাজা । ( সহাস্য বদনে জনান্তিকে ) সখে, বরঞ্চ বল, যে  
যেমন মন্দ প্রবাহে কমলিনী ভাসে, এরাও পঞ্চস্বর তরঙ্গে তদ্রূপ  
প্লবমানা হয়ে এদিকে আস্চে ।

( চেটীদিগের প্রবেশ )

চেটী ( প্রণাম করিয়া ) রাজদম্পতী চিরবিজয়িনী হউন  
( নৃত্য ) ।

রাজা। আহা! কি মনোহর নৃত্য! সাথে মাধবা, এদের যথোচিত পুরস্কার প্রদানে অনুমতি কর।

শুভ্র। এই ত আমার মনস্কামনা পূর্ণ হলো! হে রাজন্, এখন আশীর্বাদ করি যে তোমরা সকলে দীর্ঘজীবী হয়ে এইরূপ পরমসুখে কাল যাপন কর, এবং শর্মিষ্ঠার কীর্তিপতাকা ধরাতলে চিরকাল উড্ডীয়মান থাকুক।

রাজা। ভগবন্, সিদ্ধবাক্য অমোঘ; আমি ঐহিক সুখের চরমলাভ অদ্যই করলোম।

( যবনিকা পতন )।

ইতি শর্মিষ্ঠা নাটক সমাপ্ত।

---

রাজ্ঞী । সখি, আমার এ পাণ হৃদয় কি সামান্য কঠিন । এ  
য এখনও বিদীর্ণ হলো না ! হায় ! হায় ! প্রাণনাথ আমাকে  
লেন্—“ প্রেয়সি, তুমি আমাকে বিদায় দাও, আমি বনবাসী  
য়ে তপস্শায় এ জরাশস্ত্র দেহভার পরিত্যাগ করি ।” আহা !  
থের একথা শুনে আমার দেহে এখনও প্রাণ টেরলো ! (রোদন) ।  
পূর্ণি । মহিষি, চলুন, আমরা ভগবান্ তাতে নিকট যাই ।  
তিনিই কেবল এ রোগের ঔষধ দিতে পারবেন । এখানে রথ  
ক্ষেপ কল্যে কি হবে ?

[ রাজ্ঞীর হস্ত ধারণ করিয়া প্রস্থান ।

ইতি চতুর্থাক্ষ ।

## প্রথম গর্ভাক্ষ

প্রতিষ্ঠান পুরী—রাজদেবালয়সম্মুখে ।

বিদূষক এবং কতিপয় নাগরিকের প্রবেশ ।

বিদূ। আঃ! তোমরা যে বিরক্ত কল্যে? তোমরা কি উন্মত্ত হয়েছ? ঐ দেখ দেখি, সূর্য্যদেবের রথ আকাশমণ্ডলের মধ্যভাগে অবস্থিত হয়েছে, আর এই পথপ্রান্তের বৃক্ষ সকলও ছায়াহীন হয়ে উঠলো। তোমরা কি এ রাজধানীর সর্বনাশ করবে না কি?

প্রথ। কেন মহাশয়?

বিদূ। কেন কি? কেন, তা আবার জিজ্ঞাসা কচ্যো? বেলা প্রায় দুই প্রহরের অধিক হয়েছে, আমার এখনও স্নান আত্মিক, আহাঙ্গাদি কিছুই হলো না! যদি আমি ক্ষুধায় কি তৃষ্ণায় ব্যাকুল হয়ে, কি জানি, হঠাৎ এ রাজ্যকে একটা অভিশাপ দিয়ে ফেলি তবে কি হবে, বল দেখি?

প্রথ। (সহাস্র বদনে) হাঁ, তা ষথার্থ বটে! তা এর মধ্যে দুই প্রহর কি, মহাশয়? ঐ দেখুন, এখনও সূর্য্যদেব উদয়গিরির শিখরদেশে অবস্থিতি কচ্যেন। আর শিশিরবিন্দু সকল এখন পর্য্যন্তও মুক্তাফলের ন্যায় পত্রের উপর শোভমান হচে।

বিদূ। বিলক্ষণ! তোমরাত সকলি জান! (উদরে হস্ত দিয়া) ওহে, এই যে ব্রাহ্মণের উদর দেখ্চ, এটি সময় নির্ণয় কতো ঘটী-যন্ত্র হতেও সুপটু। আর তোমরা এ ব্যক্তিতে যে কে, তা ত চিনুলে না; ইনি যে সূর্য্যমিহ্মান্ত বিষয়ে আর্ষ্যভট্টের পিতামহ।



প্রথ। তার সন্দেহ কি? আপনি যে একজন মহাপণ্ডিত  
মনুষ্য, তা আমরা সকলেই বিলক্ষণ জানি।

দ্বিতী। (স্বগত) এ ত দেখ্‌চি, নিতান্ত পাগল, এর সঙ্গে কথা  
কইলে সমস্ত দিনেও ত কথার শেষ হবে না। (প্রকাশে) সে  
বা হোক মহাশয়, মহারাজ যে কিরূপে এ দুর্ভাগ্য অভিশাপ হতে  
পরিত্রাণ পেলেন, সে কথাটার যে কোন উত্তর দিলেন না?

বিদূ। (মহাস্য বদনে) ওহে, আমরা উদরদেবের উপাসক,  
অতএব তাঁর পূজা না দিলে আমাদের নিকট কোন কর্মই হয়  
না। বিশেষ জান ত, যে সকল কার্যেতেই অথৈ ব্রাহ্মণভোজন  
টা আবশ্যিক।

দ্বিতী। (হাস্য মুখে) হাঁ, তা গোব্রাহ্মণের সেবাত অবশ্যই  
কর্তব্য।

বিদূ। বটে? তবে ভালই হলো; অথৈ আমি ভোজন  
করবো, পরে তুমি স্বয়ং প্রসাদ পেলেই তোমার গোব্রাহ্মণ  
দুইয়েরি সেবা করা হবে।

প্রথ। ঐ যে মন্ত্রী মহাশয় এদিকে আস্‌ছেন।

বিদূ। ও কিও? তোমরা কি এখন আমাকে ছেড়ে যাবে না  
কি? এ কি? ব্রাহ্মণসেবা ফেলে রেখে গোসেবা আগে?—হ্যা-  
দেখ, আশা দিয়ে না দিলে তোমাদের ইহকালও নাই পরকালও  
নাই।

দ্বিতী। (হাস্য মুখে) না না, আপনার সে ভয় নাই।

(মন্ত্রী এবং কতিপয় নাগরিকের প্রবেশ।)

প্রথ। আস্‌তে আচ্ছা হোক, মহাশয়! মহারাজ যে কি  
প্রকারে আরোগ্য হয়েছেন, সেই টে শুনবার জন্যে আমরা সক-  
লেই ব্যস্ত হয়েছি, আপনি আমাদের অনুগ্রহ করে বলুন দেখি।

মন্ত্রী। মহাশয়! সে সব ঠেদবঘটনা, স্বচক্ষে না দেখলে বিশ্বাস  
হবার নয়। রাণী মহারাজের সেইরূপ দুর্দশা দেখে দুঃখে এক-

বারে উন্মত্তার ন্যায় হয়ে উঠলেন ; পরে তাঁর প্রিয়সখী পূর্ণিকা তাঁকে একান্ত কাতরা ও অধীরা দেখে পুনরায় মহর্ষির নিকটে নিয়ে গেলেন । রাজমহিষী আপনার জনকের সমীপে নানাবিধ বিলাপ কল্যে পর, ঋষিরাজের অন্তঃকরণ ছুহিতান্নেহে আর্দ্র হলো, এবং তিনি বল্যেন, বৎসে, আমার বাক্যস্ত কখন অন্যথা হবার নয়, তবে কেবল তোমার স্নেহে আমি এই বল্চি, যদি মহারাজের কোন পুত্র তাঁর জরাভার গ্রহণ করে, তা হলেই কেবল তিনি এ বিপদ হত্যে নিস্তার পান, এ ভিন্ন আর কোন উপায় নাই । রাণী এ কথা শ্রবণ মাত্রেই গৃহে প্রত্যাগমন করলেন এবং মহারাজকেও এ সকল রত্নান্ত অবগত করালেন । অনন্তর রাজা প্রফুল্লচিত্তে স্বীয় জ্যেষ্ঠপুত্র যত্নকে আহ্বান করে বল্লেন, হে পুত্র, মহামুনি শুক্রে অভিশাপে আমি জরাগ্রস্ত হয়ে অত্যন্ত ক্লেশ পাচ্চি ; তুমি আমার বংশের তিলক, তুমি আমার এ জরারোগ সহস্র বৎসরের নিমিত্তে গ্রহণ কর তা হলে, আমি এ পাপ হতে পরিত্রাণ পাই । আমার আশীর্বাদে তোমার এ সহস্র বৎসর স্রোতের ন্যায় অতি ত্বরায় গত হবে । হে প্রিয়তম ! জরারোগ হতে পরিত্রাণ পেলে আমার পুনর্জন্ম হয়, তা তুমি আমাকে এই ভিক্ষা দাও, আমাকে এ পাপ হত্যে কিয়ৎ কালের জন্যে মুক্ত করো ।

প্রথ । আহা ! কি দুঃখের বিষয় ! মহাশয়, এতে রাজপুত্র যত্ন কি বল্লেন ?

মন্ত্রী । রাজকুমার যত্ন পিতার এরূপ বাক্য শ্রবণে বিরম্ব বদনে বল্যেন, হে পিতঃ, জরারোগের ন্যায় দুঃখদায়ক রোগ আর পৃথিবীতে কি আছে ? জরারোগে শরীর নিতান্ত দুর্বল ও কুৎসিত হয়, ক্ষুধা কি তৃষ্ণার কিছু মাত্র উদ্বেক হয় না, আর সমস্ত সুখভোগে এককালে বঞ্চিত হোতে হয় ; তা পিতঃ, আপনি আমাকে এবিষয়ে ক্ষমা করুন ।

প্রথ। ইঃ! কি লজ্জার কথা! এতে মহারাজ কি প্রত্যুত্তর দিলেন?

মন্ত্রী। মহারাজ যখন এই কথা শুনে তাঁকে সরোবে এই অভিসম্পাত প্রদান করলেন, যে তাঁর বংশে রাজলক্ষ্মী কখনই প্রতিষ্ঠিত হবেন না।

প্রথ। হাঁ, এ উচিত দণ্ডই হয়েছে বটে, তার আর সংশয় নাই। তার পর মহাশয়?

মন্ত্রী। তার পর মহারাজ ক্রমে আর তিন মন্তানকে আনিয়ন করে এই রূপ বললেন, তাতে সকলেই অস্বীকার হওয়াতে মহারাজ ক্রোধান্বিত হয়ে সকলকেই অভিশাপ দিলেন।

দ্বিতী। মহাশয়, কি সর্বনাশ! তার পর? তার পর?

বিদূ। আরে, তোমরা ত এক “তার পর” বল্যে নিশ্চিত হল্যে, এখন এত বাক্যব্যয় কতো কি মন্ত্রীমহাশয়ের জিহ্বার পরিশ্রম হয় না? তা উনি দেখুছি পঞ্চানন না হল্যে আর তোমাদের কথাই পরিশেষ কতো পারেন না।

মন্ত্রী। অনন্তর মহারাজ এ চারিপুত্রের ব্যবহারে যে কি পর্যন্ত দুঃখিত ও বিষন্ন হল্যেন, তা বলা ছুঃসাধ্য! তিনি একবারে নিরাশ হয়ে অধোবদনে চিন্তামাগরে মগ্ন হল্যেন। তার পর সর্বকনিষ্ঠ পুত্র পুরু পিতার চরণে প্রণাম করে বল্ল্যেন, পিতঃ, আপনি কি আমাকে বালক দেখে ঘৃণা করল্যেন? আপনার এ জরারোগ আমি গ্রহণ করতে প্রস্তুত আছি, আপনি আমাতে এ রোগ সমর্পণ করে স্বচ্ছন্দে রাজভোগ করুন। আপনি আমার জীবনদাতা,— আপনি এ অতি সামান্য কর্মে যদি পরিতুষ্ট হন, তবে এ অপেক্ষা আমার আর সৌভাগ্য কি আছে? মহারাজ, পুত্রের এই কথা শুনে একবারে যেন গগনের চন্দ্র হাতে পেলেন আর পুত্রকে অসম্ভব্য ধন্যবাদ দিয়ে কোলে নিলেন।

প্রথ। আহা! রাজকুমার পুত্র কি শুভলগ্নে জন্ম!

মন্ত্রী । মহারাজ পরম পরিতুষ্ট হয়ে পুত্রকে এই বর দিলেন, যে পুত্র, তুমি পৃথিবীর অধীশ্বর হবে এবং তোমার বংশে রাজ-লক্ষ্মী কারাবন্ধার ন্যায় চিরকাল আবদ্ধ থাকবেন ।

প্রথ । মহাশয় ! তার পর ?

মন্ত্রী । তার পর আর কি ? মহারাজ জরামুক্ত হয়ে পুনরায় রাজকর্মে নিযুক্ত হয়েছেন । আহা ! মহারাজ যেন কন্দর্পের ন্যায় ভস্ম হতে পুনর্বার গাত্রোখান করলেন ; একি সামান্য আহুতাদের বিষয় !

প্রথ । মহাশয়, আমরা আপনার নিকট এ কথা শুনে এক্ষণে যথার্থ প্রত্যয় কল্যাম । তবে কয়েক দিনের পরে অদ্য রাজদর্শন হবে, আমরা সত্বর গমন করি । ( নাগরিকদিগের প্রতি ) এসো হে, চলো রাজভবনে যাওয়া যাক ।

মন্ত্রী । আমিও দেবদর্শনে গমন করি, আর অপেক্ষা করবো না ।

[ নাগরিকগণের ও মন্ত্রীর প্রস্থান ।

বিদূ । ( স্বগত ) মা কমলার প্রসাদে রাজসংসারে কোন খাদ্য দ্রব্যেরই অভাব নাই, এবং সকলেই এ দরিদ্র ব্রাহ্মণের প্রতি যথেষ্ট স্নেহও করে থাকে, কিন্তু তা বল্যে ঐ নাগরিকদের ছেড়ে দেওয়াও ত উচিত নয় । পরের মাথায় কাঁঠাল ভেঙ্গে খাওয়ায় বড় আরাম হে ! তা না হলে সদাশিব দ্বারে দ্বারে ভিক্ষা করে উদর পূরণ কেন ?

( নটী ও মন্ত্রীগণের প্রবেশ । )

( সচকিতে ) আহা হা ! এ কি আশ্চর্য্য !—এ যে দেখুচি তৃষ্ণা না এগিয়ে, জল আপনি এগিয়ে আসছেন ! ভাল, ভাল ; যখন কপাল ফলে, তখন এমনিই হয় । ( নটীর প্রতি ) তবে তবে,

সুন্দরি, এদিকে কোথায় বল দেখি? তুমি কি স্বর্গের অপ্সরী  
মেনকা? ইন্দ্র কি তোমাকে আমার ধ্যানভঙ্গ কতে পাঠিয়েছেন।

নটী। কি গো ঠাকুর! আপনি কি রাজর্ষি বিশ্বামিত্র না কি?

বিদূ। হাঃ হাঃ হাঃ, প্রায় বটে। কি তা জান, আমি যেমন  
বিশ্বামিত্র, তুমিও তেমনি মেনকা! তা তুমি যখন এসেছ তখন  
ইন্দ্র তুমি আমার কি ছার! এস এস, মনোহারিনি এস।

নটী। যাও যাও, এখন পথ ছেড়ে দাও, আমি রাজসভায়  
যাচ্ছি।

বিদূ। সুন্দরি, তুমি যেখানে সেখানেই রাজসভা! আবার  
রাজসভা কোথা? তুমি আমার মনোরাজের রাজমহিষী! (নৃত্য)

নটী। (স্বগত) এ পাগল বায়ুনের হাত থেকে পালাতে  
পেল্যে যে ঝাঁচি। (প্রকাশে) আরে, তুমি কি জ্ঞানশূন্য হয়েছ  
না কি?

বিদূ। হাঁ, তা বই কি? (নৃত্য)

নটী। কি উৎপাত!

[ বেগে প্রস্থান। ]

বিদূ। ধর ধর, ঐ চোর মাগিকে ধর! ও আমার অমূল্য মনো-  
রত্ন চুরি করে পালাচ্ছে।

[ বেগে প্রস্থান। ]

প্রথম মন্ত্রী। এ আবার কি?

দ্বিতীয় ঐ। ওটা ভাঁড়, ওর কথা কেন জিজ্ঞাসা কর? চল  
আমরা যাই।

[ প্রস্থান। ]

---

## দ্বিতীয় গর্ভাক্ষ



প্রতিষ্ঠানপুরী রাজসভা ।

১৫

রাজা যযাতি, রাজ্ঞী দেবযানী, বিদূষক, পূর্ণিকা,  
পরিচারিকা, সভাসদগণ ইত্যাদি ।

রাজা । অদ্য কি শুভদিন ! বহু দিনের পর যে ভগবান্ ঋষি-  
প্রবরের ত্রীচরণ দর্শন কর্ণো, এতে আমার কি আনন্দ হচে !

রাজ্ঞী । হে প্রাণেশ্বর, ভগবান্ তাতকে জানয়ন কতো মন্ত্রী  
মহাশয় কি একাকী গিয়েছেন ?

রাজা । না, অন্যান্য সভাসদগণকেও তাঁর সঙ্গে পাঠান  
হয়েছে ।

( নেপথ্যে ) বম্ ভোলানাথ !

## গীত ।

রাগিনী বেহাগ, তাল জলদ তেতালা ।

জয় উমেশ শঙ্কর, সর্ব গুণাকর,  
ত্রিতাপ সংহর, মহেশ্বর ।  
হলাহলাঙ্কিত, কণ্ঠ মুশোভিত,  
মৌলি বিরাজিত, সুধাকর ॥  
পিনাক বাদক, শৃঙ্গ নিনাদক,  
ত্রিশূল ধারক, ভয়ঙ্কর ।  
বিরিঞ্চি বাঙ্কিত, মুরেন্দ্র সেবিত,  
পদাঙ্ক পূজিত, পরাংপর ॥

রাজা। (সচকিতে) ঐ যে মহর্ষি আগমন কচ্যেন ! (সকলের গাত্রোথান)।

( ষ্টি শুক্তাচার্য্য, কপিল, মন্ত্রী, ইত্যাদির প্রবেশ )।

শুক্ত। হে মহীপতে, আপনাকে জগদীশ্বর চিরবিজয়ী এবং চিরজীবী করুন। (দেবযানীর প্রতি) বৎসে, তোমার কল্যাণ হোক, আর চিরকাল সুখে থাক।

রাজা। (প্রণাম করিয়া) ভগবন্, আপনকার পদার্পণে এ চন্দ্রবংশীয় রাজধানী এতদিনে পবিত্রা হল্যা, বস্তুতে আজ্ঞা হোক। (কপিলের প্রতি) প্রণাম মুনিবর, বসুন। (সকলের উপবেশন।)

কপি। মহারাজের কল্যাণ হোক ! (দেবযানীর প্রতি) ভগিনি, তুমি চিরসুখিনী হও।

শুক্ত। হে নরাধিপ, আমার প্রিয়তমা দৈত্যরাজনন্দিনী শর্মিষ্ঠা কোথায় ?

রাজা। (মন্ত্রীর প্রতি) আপনি শর্মিষ্ঠা দেবীকে অতি ত্বরায় এখানে আনান্।

মন্ত্রী। মহারাজের আজ্ঞা শিরোধার্য্য।

[ প্রস্থান।

শুক্ত। হে নরেশ্বর, আপনার সর্বকনিষ্ঠ পুত্র পুরু যে এই বিপুল চন্দ্রবংশের প্রধান হবেন, এ জন্যেই বিধাতা আপনার উপর এ লীলা প্রকাশ করেন। যা হোক, আপনি কোন প্রকারে দুঃখিত বা অসন্তুষ্ট হবেন না। বিধির নির্বন্ধ কে খণ্ডন কতে পারে ? (দেবযানীর প্রতি) বৎসে, তোমার সন্তানদ্বয় অপেক্ষা সপত্নীতনয় পুত্রের সম্মান বৃদ্ধি হল্যা বল্যা, এ বিষয়ে তুমি ক্ষোভ করো না, কেন না, জগৎপাতা যা করেন, তাতে অসন্তোষ প্রকাশ করা মহাপাপ কর্ম্ম ! বিশেষতঃ ভবিতব্যের অন্যথা কতে কে সক্ষম ?

( শর্মিষ্ঠা এবং দেবিকার সহিত মন্ত্রী পুনঃপ্রবেশ ) ।

শর্মি । আমি মহর্ষি ভার্গবের ত্রীচরণে প্রণাম করি আর এই সভাস্থ গুরুলোকদিগকে বন্দনা করি ।

শুক্ৰ । রাজনন্দিনি, বহু দিবসের পর তোমার চন্দ্রানন দর্শনে যে আমি কি পর্যন্ত সুখী হলেম, তা প্রকাশ করা ছুফর । কল্যাণি, তোমার অতি শুভক্ষণে জন্ম ! যেমন অদিতিপুত্র স্বীয় কিরণজালে সমস্ত ভূমণ্ডলকে আলোকময় করেন, তোমার পুত্র পুরুও আপন প্রতাপে সেইরূপ অখিল ধরাতল শাসন করবেন । তা বৎসে, অদ্যাবধি তুমি দাসীত্ব শৃঙ্খল হতে মুক্তা হলে, আর দুঃখান্তেই নাকি সুখানুভব অধিকতর হয়, সেই নিমিত্তেই বুঝি বিধাতা তোমার প্রতি কিঞ্চিৎকাল বিমুখ হয়েছিলেন, তার মর্ম অদ্য সম্পূর্ণরূপে প্রকাশ হলো । ( রাজার প্রতি ) হে রাজন, যেমন আমি আপনাকে পূর্বে একটি কন্যারত্ন সম্প্রদান করেছিলাম, অধুনা ঐকেও আপনার হস্তে অর্পণ কল্যেম, আপনি এ কন্যারত্নের প্রতিও সমান যত্নবান্ হবেন । এখন ঐকেও গ্রহণ করে আপনার একপার্শ্বে বসান্ ।

রাজা । ভগবান্ মহর্ষির আজ্ঞা শীরোধার্য্য । ( দেবযানীর প্রতি ) কেমন প্রিয়ে, তুমি কি বল ?

রাজ্ঞী । ( সহাস্ত্র মুখে ) নাথ, এত দিনে কি আমার অনুমতির সাপেক্ষা হলো ?

শুক্ৰ । বৎসে, তুমিও তোমার মপত্নী অথচ আবাণ্যের প্রিয়-সখী শর্মিষ্ঠাকে যথোচিত সম্মান কর ;—আর আপনার সহোদরার ন্যায় ঐর প্রতি পূর্বমত স্নেহ মমতা করবো ।

রাজ্ঞী । ( গাত্রোখান পূর্বক শর্মিষ্ঠার কর গ্রহণ করিয়া ) প্রিয়সখি, আমার সকল দোষ মার্জনা কর ।

শর্মি । প্রিয়সখি, তোমার দোষ কি ? এ সকল বিধাতার লীলা বৈ ত নয় ! . . .







